





C  
6 : 13







V M B R A  
I L L V M I N A T A.  
D E G V B E R N A T I S.

V M B R A

ILL V MIN A T A

DE GABRIEL NAYS

V M B R A  
ILLUMINATA  
COMMENTARIUS

Ad Vmbiam Apologeticam P. Ludovici Rozycij.


*De primo, & Genuino sensu Præcepti de Pecunia in Regula Minorum appositi.*

Editus

DE MANDATO EM.<sup>MI</sup> PROTECTORIS  
CARD. CYBO,  
PER FR. DOMINICVM  
DE GVBERNATIS  
A SOSPITELLO.

Eiusdem Ordinis Theol. atque Chronologum Generalem.

Reformatæ Prouinciæ S. Thomæ  
Patrem.



Romæ, Typis Reu. Cam. Apostolicæ 1687.

*Superiorum permissu.*

Reverendi P<sup>ri</sup> Caroli Francisci de  
vario manifestatio. Runc  
homo noster Bibliothecae S.  
Petri in n<sup>ost</sup>ro n<sup>ost</sup>ro n<sup>ost</sup>ro  
donant anno d<sup>ni</sup> 1661  
Imprimatur,

Si videbitur Reverendiss. P. Sac. Apost.  
Pal. Mag.

Steph. Ioseph Menattus Episc. Cyrenen.  
Vicesg.

Imprimatur,



Fr. Ioseph Clarionus Sac. Theol. Mag. ac  
Reverendiss. P. F. Dominici Mariae Pu-  
teobonelli S. A. P. Mag. Ordinis Prædi-  
catorum.



DIVO PATRIARCHÆ  
PAUPERVM

S. FRANCISCO  
SERAPHICO

PERFECTISSIMO  
PECUNIARVM OSORI,  
EXACTISSIMO SIMPLICIS  
VERITATIS AMATORI.



AVE Pater Sanctissime.  
Adesto Seraphice Ductor  
illo tuo igneo curru, in  
quo nocturnas fulminans tene-  
bras, velut alter de Cœlo Elias,  
fulgore vndique coruscato tuis  
discipulis apparens etiam obstru-  
sa cordium secreta referasti. Te-  
rerrimæ illius noctis, quæ sæcu-  
li vitijs fœdatis diuitiarumque cu-

pidine pressi rypus erat, adhuc  
Vmbra supersunt tuis radijs elimi-  
nanda, quas amabiles esse posse,  
nunquam crediderim, quia lucidif-  
simae tuae Regulæ oppositæ. Si se-  
mel in tuorum Reformata Septa  
castrorum aditum inueniat hæc  
*Vmbra*; heu quot inimicæ sub il-  
la delitescunt insidiæ! quot iacula  
eo minus præuisa, quo magis vm-  
brata; & eo magis noxia, quo  
minus præuisa Tuam Dilectissi-  
mam Sponsam Dominam Pauper-  
tatem insanabili plaga confodient!  
Aduoca (id enim opus expostu-  
lat) aduoca in defensionem illius  
Diuinum Seraph, utque repullulā-  
tes caligines celerius, effugentur,  
sex simul in volatum commoueat  
alas tam fulgidas, quàm ignitas,

qui-



quibus & obscuritatem, & frigus  
*Vmbra* gemellos partus antequam  
fobolescant, exterminet. Timuere  
nec immerito Regulæ tuæ Zelotes  
ab hac *Vmbra*, & menti cæcitatem  
Ægyptiacam & charitati frigus sar-  
maticū; at ubi eam tibi proximare,  
Tuoq; sub Numine conspexi, *Vm-*  
*brati* les risi conatus. *Te Duce, in*  
*quo clara luce vexilla Regis pro-*  
*deunt* (In off. S. Franc.) *Vmbra* non  
modo militare, arma capere, sed  
nec Nomen habere permittetur.  
Tuum itaque hoc opus est ò Paupe-  
rum Patriarcha, qui *In paupertatis*  
*prædio Minorum plantans vineam*  
*ostendisti Magisterio vitæ viuendi*  
*lineam.* (Ibid.) Quicquid in expo-  
nenda, quàm Christo dictante no-  
bis scripsisti Regulam, quomodo

sanè tua sint intelligenda Verba,  
tui zelotes intentant, Tuo lumine  
illustra, *Viva lucerna populis*;  
(Ibid.) vt tuis è fontibus haustum,  
velut opus tuum, quia cum obe-  
dientiæ merito susceptum, potio-  
ri iure tuearis; cui me inter Mino-  
res tuos minimum, meaque om-  
nia, non amplius mea irreuocabili  
donatione Tibi dicata, quoties re-  
spiro, toties hilarissimè volo esse,  
consecrata.

Ita voueo

Tux Sanctitatis indignus filius

*Fr. Dominicus à Sospitello*

EM.<sup>MO</sup> S.R.E. PRINCIPI  
**ALDERANO**  
CARDINALI CYBO

ORDINIS SERAPHICI PRO-  
TECTORI VIGILAN-  
TISSIMO.



E Spartanis septin-  
gentis (Eminentissi-  
me Princeps) qui  
sanguine suo ad  
Termopylas generosè pro-  
fuso flammam extinxerunt,  
quas Xerxes exercitu innu-  
mero Græcæ inferebat uni-  
uersæ; Leonide unius no-  
men remansit apud histori-



cos dignis laudibus celebra-  
tum. Scipioni vnico, addi-  
to Africani glorioso cogno-  
mine, Africæ subiectio com-  
memoratur accepta; de Iu-  
lio Cæsare vniformi scriben-  
tium calamo decantatum,  
legimus, quòd dignitatem,  
Imperij primus excogitarit;  
solus in Vrbe firmauerit.  
Ab vno quippe capite vir-  
tus vniuersa dimanat in cor-  
pus. Serpens prudentiæ ty-  
pus saluo capite, totum cor-  
pus infringi, quodammodo  
non timet. Pauebat (nec im-  
meritò) errorum tenebras,  
fri-

frigusque mortale ab Vm-  
bra Rozyciana Seraphicæ  
Religionis pars illa in inti-  
mo cordis tui, Princeps Emi-  
nentissime, selecta nomen,  
à Strictiori Obseruantia for-  
tita Reformatio. Nec tamen  
fuit, vel quod sub vigilan-  
tissimo capite atque aman-  
tissimo Patre, sub clarissima  
tuæ Protectionis luce, time-  
ri posset, vel qui ad defen-  
sandam nomine proprio cau-  
sam communem præsume-  
ret insurgere; David non  
nisi recepto Saulis Regis im-  
perio contra Goliath perre-

xit ad certamen . Exemplo  
Ioab ad Regem scribentis ,  
*Congrega reliquam partem popu-  
li, & obside ciuitatem, & cape  
eam, ne cum à me vastata fuerit  
Vrbs, nomini meo adscribatur vi-  
ctoria;* (2. Reg. 12.) Supplex  
ad inconcussum Eminentiaë  
Tuæ zelum pro integra Re-  
gulæ Seraphicæ puritate ac-  
currit Reformatorum Pro-  
curator Generalis Fr. Caro-  
lus Franciscus a Varisio ;  
Virtus imperij tui , fructus  
obedientiaë meæ est , quod  
pro Matris incolumitate sub  
Eminentiaë Tuę nomine pro-  
duco; certo certiùs de mea

non



non potui tenuitate non dif-  
fidere ; sed imperantis au-  
thoritas , & virtus obedi-  
entiae vires addiderunt , vt  
opus absolueretur , vt ap-  
probarent peritissimi , atque  
zelantissimi Theologi. Quod  
ergo tuum , Cardinalis Am-  
plissime , omni titulo non di-  
ci non potest , concede , ro-  
go , vt sub inalterabili tui  
Nominis Luce ad omnem  
effugandam , quæ nocere po-  
tuisset , Vmbram , publico  
Reformationis bono produ-  
catur in Lucem . Sic te Deus  
ad Nestoreos annos , & pro  
Se-

Seraphicæ Religionis, & pro  
Vniuersalis Ecclesiæ commo-  
do seruet incolumem, quod  
supplex oro

Emin. Tuæ Card. Amplissime

E tuo S. Petri Montis aurei de Vrbe  
Cænobio die 12. Augusti S. Claræ  
Sacro 1687.

Inter Minores tuos minimus, & ob-  
sequentissimus in Christo filius,  
& seruus

*Fr. Dominicus de Gubernatis.*

*Decret.*

*Decretum A.R.P.Procur.Gen.Ref.de mandato  
Eminentissimi Protectoris .*

**C**VM ab Adm.Reu.P.Ludouico Rozy-  
cionostre Reformatæ Prouinciæ Mi-  
noris Poloniæ tunc Ministro Prouinciali,  
editus fuerit in lucem quidam tractatus de  
pecunia , & vsu Syndici Apostolici , nostræ  
Strictioris Obseruantiaë professioni non le-  
uiter præiudicialis; Eminentiss. D. D.Car-  
dinalis Cybo , Ordinis Seraphici Protector  
vigilantissimus , atque zelantissimus , de  
ipso , atque de periculo inter Reformatos  
inde imminente informatus , facta mihi  
commissione speciali mandauit, vt Fr. Do-  
minicus de Gubernatis Prouinciæ nostræ  
Reformatæ S. Thomæ Pater , & Ordinis  
Chronologus, ad tractatum illum appositis  
Commentarijs responderet , & materiam  
illam in nostra Reformatione adeò pericu-  
losam iuxta decretales Nicolai III. *Exijt*,  
& Clementis V. *Exiui* , prout à Reforma-  
tionis Institutione obligamur, remotis am-  
bagibus , atque periculis, ad omnimodam  
Regulæ puritatem explicaret . Datum in  
Conuentu nostro Sancti Petri Montis aurei  
die 28. Iulij 1687.

*Fr.Carolus Franc.de Varesio Proc.Gen.*

*Appro-*



*Approbatio Theologorum Ordinis.*

**L**ibrum, cui titulus est, *Vmbra Illuminatio* ab A.R.P. Dominico de Gubernatis Prouinciæ Reformatæ S. Thomæ Apostoli Patre, Lectore Theologo, & Ordinis Seraphici Chronologo Generali compositum, ego inscriptus in Conuentu S. Francisci de Vrbe S. Theologiæ, atque Regulæ Lector de mandato Reuerendissimi P. Ministri Generalis attentè legi, & accuratè relegi. Et quia in nullo sinceræ Fidei, Christianisque moribus, vel Regulæ Minoriticæ repugnare comperi; immo iuxta mentem Seraphici Pauperum Patriarchæ perniciosam illam, atque Reformato Instituto contrariam P. Rozycij Vmbram huius clarissimæ, atque solidissimæ doctrinæ luce dilucidari, & à Stricteris Observantiæ Professoribus eliminandam fore non dubito; ideo nequis inter Reformatos sub Vmbra Rozyciana deceptus ambulet in tenebris, dignissimo prælo censeo; Si ita censeant, illi, ad quos pertinet. Dat. in Conuentu S. Francisci trans Tyberim de Vrbe die 7. Aug. 1687.

*Fr. Alexander à Grauedono Sac. Theologiæ, & Regulæ Lector.*

**E**X commissione Reuerendissimi Patris  
Ministri Generalis diligenter perlegi  
Opusculum, quod inscribitur *Vmbra illumina-  
ta &c.* ab eruditissimo Viro R. A. P. Do-  
minico de Gubernatis Sacrae Theologiae  
Lectore emerito, & nunc Ordinis Mino-  
rum dignissimo Chronologo elaboratum.  
Cumque in eo nihil Catholicae Fidei disso-  
num, & Christianae vitae moribus nihil con-  
trarium adsit: Erit sane opusculum istud Se-  
raphicae familiae non modicum utile, praes-  
sertim zelatoribus verioris intellectus 4.  
Capitis Minoriticae Regulae; quare pro eru-  
diendis, & illuminandis Religiosis nostris  
sidentibus in tenebris, & vmbra mortis, in  
materia suo statui, & professioni valde ne-  
cessaria; dignum existimo in lucem edi, &  
Typis mandari. Ita subscripsi Romae in  
Conuentu nostro Sancti Francisci ad Ri-  
pam Tyberis hac die 5. Augusti 1687.

*Er. Banauentura à Præneste Sacrae Theo-  
logiae Lector.*

**I** Vſu Reuerendiſs. P. Miniſtri Generalis haud  
quaquam properantibus oculis perlustraui  
*Vmbra illuminatam &c.* Ab A. R. P. Dominico  
de Gubernatis Ordinis Minorum Chronologo;  
iamque ex *Orbe Seraphico* clariffimo; prælo mox  
ſubmittendam. Et ſicut matens ſuſpectaueram  
illa latere ſub Vmbra dolosofos cuniculos; qui  
ad euerſendam arcem punioris, ſtrictioriſque  
noſtræ Regule Obſervantiæ; quam Reforma-  
torum cætuſ ſemper, & ubique profeſſus eſt;  
clanculum procederent; Sic nunc lætuſ conſpi-  
cio hoc *Commentarium* illuminariſſe abſcondita  
tenebrarum; vmbroſaſque patefacere inſidias;  
atque ubi Pauperum Patriarcha in veritatis in-  
fidie cubet; ſuaſque ſublimiori perfectionis ci-  
bo oves paſcat, oſtendere. Quapropter non du-  
bito luci mandandum. Opuſculum adeo præcla-  
rum; ut vel ipſam Aquilonarem *Vmbra* valeat  
illuſtrare; cum nihil in eo; quod ſincere fidei,  
probiſque moribus aduerſetur, ſit reperire;  
quinimo totum Seraphici inſtituti; Minoriti-  
cæque paupertatis zelum maximum ſpiret.

Romæ Kal. Auguſti 1687. in Conventu Sancti  
Franciſci ad Ripas Tyberis.

*F. Decadatus à Roma S. Theol. Lector*



# FACULTAS

## Reuerendiss. P. Generalis.

*Fr. Petrus Marinus Sormannus de Mediola-  
no Lector Iubilatus, Sanctæ Inquisitionis  
Officij Consultor, Ex Guardianus Sacri  
Montis Sion, & totius Ordinis Fratrum,  
Minorum Seraphici Patris nostri Franci-  
sci Minister Generalis, & Seruus Dilecto  
nobis plurimum in Christo Patri Fratri  
Dominico de Gubernatis Lectori Theologo,  
Prouinciæ nostræ Reformate Sancti Thomæ  
Apostoli Patri, & pro Seraphica nostræ  
Religione Chronologo Generali salutem in  
Domino sempiternam.*

**L**ibrum, cui titulus; *Vmbra illuminata.*  
De primo, & genuino sensu Præcepti  
de Pecunia in Regula Minorum apppositi,  
de mandato speciali Eminentiss. D.D. Car-  
dinalis Cybo Religionis nostræ Seraphi-  
cæ vigilantissimi Protectoris à te compo-  
situm, & ab aliquibus Patribus Theolo-  
gis, quibus id commisimus, approbatum,  
vt Typis edere possis, seruatis alias de iure  
ser-

seruandis, tibi concedimus, & ad meritum salutaris obedientiae cum benedictione nostra speciali, iniungimus. Datum Romae in nostro Conuentu Aracaelitano anno 1687. die 13. Augusti.

Fr. Petrus Marinus  
Min. Gen.

De mandato Suae Reuerendissimae Paternitatis.

*Fr. Franciscus à Bassano Sec. Gen.*

*Reg. T. P.*

PRÆ-

## P R Æ F A T I O.

**C**ontra Salomonis oraculum; Dulce lumen, & delectabile est oculis videre Solem, (Eccl. 11.) *Vesper-tiliones, & Noctua toto garritu, atque stridore reclamant. Nec mirum: infirmis eorum luminibus, nisi Umbra tegantur Solares radij tormenta ferunt, non oblectamenta. Aquila sunt consulenda de luce, quæ immota pupilla Phabaam lampadem contemplantur. Quid dicant aves noctuagæ, quæ primo diei in albore cacutiunt? Donetur tamen vel ut venia, vel ut miseria corporeis oculis, quòd vehementioris lucis vim sustinere non possint; illa est sensus imbecillitas, ut dixit Philosophus, sensibile excellens corrumpit sensum. (Arist. l. 3. de Anima) At verò, qui mentis oculo, quæ veritatis fulgentiori luce roboratur certius, quàm hebetetur, veritatem ipsam, lucis æternæ candorem, nisi errorum nebulis obumbratam intueri aut non valent, aut non volunt, quo pacto dicantur excusabiles? Difficillimo de Pecuniæ præcepto in Regula Minorum à Patriarcha Pauperum apposito ad faciliorem intelligentiam, Lucem ediderat Apologeticam*  
P.Cle-



P. Clemens Pelandus ex Reformatione Bergo-  
mensi Theologus; Vmbra huic Luci opposuit  
Apologeticam P. Ludouicus Rozycius tunc in  
Reformata Prouincia Minoris Poloniae Mini-  
ster, veritus nimirum, ne splendore nimio mul-  
torum lumina offenderet, ac si Seraphica Pha-  
niscis filij, bubones essent ignaui. Rectè, an  
perperam senserit, aliorum non mea sit sen-  
tentia, sincerumque iudicium. In Caelo co-  
ram increata Luce potuere passionum Mon-  
tes Vmbrae excitare, quanto magis in terra,  
Vbi contra bonum malum est, sic & contra  
virum iustum peccator? (Eccl. 3.) At qui  
primus sub arborum Vmbra se addidit, fuit  
Protoplastes Adamus, non in innocentie statu,  
sed ubi primum culpa se conscium agnouit. Ut  
ab ipso mundi primo die innorescat, haud sin-  
cere esse conscientie, fugere meridiem, Vmbra-  
cula perquirere. Potuit quidem P. Rozycius  
non ex voluntatis affectu, sed exercitij gratia  
in Vmbra sua pugnas effingere; Sed quia non  
minùs in fictitia palestra victori adiudicantur  
encomia, quæ non rarò ab affectione potius  
quàm à ratione dependent; opinari non repu-  
gnat, terrenarum aliquos cupiditatum astu  
agitatos, ut culparum suarum maculas etiam  
oculis Domini, si fas est, speciosis rationum fo-  
lijs

*his abscondere possint, ad excusandas excu-  
sationes in peccatis, ( Psal. 140. ) ad hanc  
quasi ligni in medio Paradisi Reformatæ Ob-  
servantiæ eminentis Apologetisam Vmbra-  
fore accessuros : Aliquarum tamen Arborum  
Vmbra necari germina, immo nimia propin-  
quitate omnibus Vmbra esse venenum, ait  
Plinius. ( Plin. l. 17. c. 12. ) Hanc præcipuè  
Rozycy Vmbra ijs, qua Cælestis Agricola  
in Regula Minorum seminavit, noxiam, &  
veneratam esse censuere viri zelotes; atque ni-  
maturè procul arceatur, virentia Seraphica  
Reformationis germina enecare posse, non du-  
bitarunt: Eis itaque procurantibus, ut nova  
luce Vmbra dilucidata evanescat, mandante  
zelantissimo, non minùs quàm Eminentissi-  
mo nostri Ordinis Protectore Alderano Cardi-  
nali Cybo de salutaris obedientiæ merito confi-  
dens manum operi admouit; at leui conatu, ne  
videar ( quod somniantibus usu venit ) toris  
viribus decretassee cum Vmbra. Præcipua tan-  
tùm argumenta, in quibus maximè fudit, dis-  
soluenda confido, ut innotescat, Rozycium non  
ineptè Vmbra tantopere optasse, cum adeò  
facile allucinetur in luce, unde posuit, quasi  
noctem Vmbra suam in meridie ( Isai. 16. )  
Si verò euocari possint, qui in currenda via*

mandatorum Dei, eiusque quam professi sunt,  
Regula Franciscana Strictiori Observantia fa-  
cilis deficiantur; Rhamni vocem audientes  
ad ligna; Venite & sub Umbra mea requie-  
scite; (Iudic. 9.) Serpente sensim uniuersum  
in Corpus Strictioris Observantiae tacito vene-  
no; quia naturali corrupta natura defectu, ni-  
timur in vetitum semper, cupimusque ne-  
gata, non dolere citò non poterimus, iam hosti-  
bus arce positus, Ibi habuit foveam Eri-  
cius, & enutrit catulos, & circumfodit,  
& fouit in Umbra eius. (Isai. 34.) Auertat  
omen malum Verus ille Sol Iustitiae, qui rele-  
uat profunda de tenebris, & producit in  
lucem Vmbra mortis, (Iob. 12.) ( & quod  
humiliter oro ) ad eliminandam hanc Vm-  
bram caelesti sua luce me illuminare dignetur.



# OBIECTVM OPERIS

*Adsit Dominus.*



**A**EMVLAMINI *charismata melio-*  
*ra*, ( 1. Chor. 12. ) inquit Apo-  
stolus . Eò enim collimare debet

omne discipulorum Christi stu-  
dium , vt eundo , iuxta Psalmistam , *de vir-*  
*tute in virtutem* , ( Psal. 82. ) ad omnimò-  
dam virtutum perfectionem incessanti co-  
nату perueniant : *vt in omnibus possitis per-*  
*fecti stare* , ( Eph. 6. ) vt monet Apostolus .  
Hanc verò possibilem in mundo perfectio-  
nem ( plena namque solùm reperitur in  
Cælis, si gratias omninò speciales excipias )  
eodem Paulo docente , nouimus in eo esse  
præcipuè collocatam , vt vnanimi sensu ,  
insolubili charitatis glutino ad præfixum  
metæ religiosæ terminum contendamus ;  
*Obsecro vt id ipsum dicatis omnes , & non sint*  
*in vobis schysmata ; sitis autem perfecti in eo-*  
*dem sensu , & in omni Sientia.* ( 1. Chor. 1. )  
Seraphicus Ordo Minorum ( Sic à Clemen-  
te VIII. alijsque Romanis à Pontificibus

nuncupatur ) per vnicam, sed perfectam Regulam in vnitatem sensus à S. Francisco in purissima Regulæ obseruantia constitutus, quatuor in membra potissima iam diuisus esse cognoscitur. Per arduos vitæ rigores, præsertim verò difficillimum Evangelicæ paupertatis apicem in ipsa præscriptos causam diuisioni præbuisse, non dubitamus. Humanæ fragilitati compatiētes diuersi Romani Pontifices præter aliquam dispensationis priuilegia, quæ postulanti-  
bus indulserunt, etiam Regulam ipsam, salua essentiali eius puritate, præscindendo à rigoribus, aliqui etiam cum aliquali dispensatione declararunt. At verò Nicolaus III. in primo Religionis sæculo per suam decretalem, *Exiit qui seminat*; Et Clemens V. in secundo per suam Clementinam *Exiui*, in Concilio Viennensi editam, Regulam eandem in omnimodo ipsius rigore ad purissimam S. Francisci mentem exposuerunt vt ipsi testantur. Cum ergo rerum omnium, etiam minimæ acus dominium & in particulari, & in communi fratribus interdicator, vsus tamen omnium illarum, quæ vel ad vitæ sustentationem, vel ad Offi-

cia religiosa exercenda , sunt necessariae , illis conceditur ; ac iuxta paupertatis statum , seclusa omni superfluitate , pretiositate in genere suo , atque thesaurizatione ; solum pro vera , realique necessitate . Denarii verò , atque Pecuniae non modò dominium , sed & usus prohibetur ex triplici Regulae praecepto ; unde definiendum est , quid sit Pecunia , pro ut à Denario in Regulae prohibitione distinguitur : ab Ordinis initio Patres , & Expositores , & principaliter Nicol. III. & Clem. V. in citatis suis decretalibus notarunt , excludi per Pecuniam in Regula prohibitam , quicquid , quocumque modo fratribus offertur , non ut ipso in propria specie , ac individualiter utantur ; sed ut aestimato pretio vel expressè vel tacitè distrahantur , & in aliud pro fratrum necessitatibus commutentur . Iuxta ergo praecitatum Nicolai decretalem ( & si ceterae Romanorum Pontificum expositiones sint in hoc puncto laxiores ) non licet Fratribus , illa ipsa , quibus uti licet , ad pretiositatem , ad superfluitatem , vel ad thesaurizationem , vel eo animo ut distrahantur admittere . Ad expositiones huius-



modi Apostolicas Nicolai, & Clementis Regulam obseruare tenentur ex ipsa Reformationis institutione per Bullas Pontificias Fratres Minores de Stricteri Obseruantia, quos in Hispania Discalceatos, in Gallia Recollectos, atque Reformatos in Italia nuncupamus: Regularis Obseruantiae Professores pluribus in Capitulis Generalibus ab anno 1606. huc vsque renouata protestatione ad ipsarum Nicolai, & Clementis Decretalium rigorem (reseruato tamen vt, optimè notauit P. Ioannes Baptista de Modætia infra citandus, Syndico, vt dicunt, Martiniano) se ipsos obligarunt; approbata, & confirmata per literas Apostolicas Urban. VIII. *Sacrosanctum*, &c. 1625. & Innoc. XI. *sollicitudo Pastoralis* 1679. huiusmodi protestatione ac obligatione: Patres nostri Conuentuales Regulam ipsam, at per Apostolica priuilegia, Sacrique Concilij Tridentini dispensationem modificatam inculpabiliter obseruare profitentur. Religiosissimi Patres nostri Capucini, pro vt ex bulla Clementis VII. *Religionis zelus* &c. 1528. pro illorū prima institutione seu distinctione edita, Regulam ipsam nullo recepto priuilegio

legio dispensatiuo , nec tamen ad præfatas rigorosas Nicolai , & Clementis expositiones apposita obligatione , *quantum humana fragilitas patitur* sanctè custodire gloriantur.

Reformati ergo , vt dixit Clemens VIII. in Apostolico suo diplomate *ex iniuncto* ( Orb. Seraph. tom. 2. f. 37 i. ) &c. die 7. Septembr. 1602. *obligantur purius & iuxta ipsius Regula literam declaratam per recolenda memoria Nicol. III. & Clem. V.* ( verba sunt ista Pontificis ) Regulam in omnimodo rigore obseruare: Vnde factum est, vt omnes & Singuli Strictioris Obseruantiaë professores siue Cismontani , siue Ultramontani , qui pro faciliiori simplicium Fratrum intelligentia super Regulam ipsam tractatus ediderunt , vniuersi ad præcitatas Nicol. & Clem. Decretales adamussim se se accommodando , fuerint in explicanda Altissimæ Paupertatis Obseruantia vniformes. Vnicus P. Petrus Marchant in Germano Belgicis Prouincijs olim Commissarius Nationalis , atque de re literaria , simul & de Religione alioqui optimè meritus , in distinguendo Pecuniam à Denarijs , prout in Regula prohibentur ; & in vsu Syndici Apo-

*stolici* assignando, cum non mediocri Professionis Reformatæ præiudicio, à cæteris discrepauit. Indoluerunt ad hæc in vniuersum Reformati; singulariter autem P. Clemens Pelandus Bergomensis vir primi zeli, atque doctrinæ, quodam edito libello prænotatas P. Marchantij assertiones in professione Reformatâ subsistere non posse, probauit. Pater Ludouicus Rozycius in Reformatissima Poloniæ Minoris Prouincia olim Minister edito, opusculo quod *Vmbra Apologetica* inscribitur, dicens animi sui esse, doctrinam Marchantij defendere, vt modo viuendi Reformato conformem, easdem Marchantij propositiones nouis additis speculationibus atque rationibus, Pelandi obiectiones impugnando voluit sustinere. Propositiones sunt istæ: *Denarius & Pecunia, pro vt in Regula S. Francisci prohibentur, sunt ferè synonyma, & pro eodem accipiuntur. Syndicus à Martino V. designatus in nullo contrariatur Regule, aut declarationibus Romanorum Pontificum Nicol. III. & Clem. V.* Quia verò Rozycius Marchantio superadditus magis acceptabilem in præiudicium Reformatæ perfectionis, opinionem poterat con-  
 sti.



stitueret , viamque laxiori viuendi modo aperire : Mihi tandem ( non attenta tenuitate mea ) fuit iniunctum , vt quàm non subsistat Rozycij noua doctrina , subiectis ad singulas eius probationes in *Vmbra* descriptas commentarijs , ostenderem . De merito salutaris Obedientiæ , de quæ causæ iustitia , & S. Francisci speciali assistentia confidens , commissam Prouinciam assumpsi ; Vt autem clariùs ad legentium intelligentiam adlaborem , hoc ordine procedam . Primo loco sensum ( non verba ) Marchantij deinde Pelandi , producam in compendio ; Rozycij deinde Textum ( quem nomine *Vmbra* sæpè pro faciliiori captu citabo ) integrè per clausulas repartitum , quibus singulis commentarios apponam .

Id vnum prænotare debui , quod non disputatur hic de propositionibus illis in ordine ad substantialem , sed ad puriorem ( vt ait Clemens VIII. præcitatus ) Regulæ obseruantiam , prout inter Reformatos cum omnimodo rigore custoditur . Cum verò nil intendamus , præter honorem Dei , clariorem veritatis intelligentiam , ad hoc vt Consodaliū meorum salus omni ambi-

guitate semota maiori securitate dirigatur; veritatem, non contentionem; pacem, non æmulationem; humilem Religiositatem, non damnabilem iactantiam, intrà modestiæ Religiosæ limites, iuxta commendatam Seraphicæ Scholæ modestiam, & S. Augustini præceptum. *Quærat<sup>r</sup> Veritas, sed regnet charitas;* ex Apostolicis Constitutionibus, probatissimorum Doctorum rationibus, atque sententijs, sectabor inconcussè.

## Prima Pars.

**C**Um Petrus Marchant. dixisset ad cap. 4. Regulæ Minorum per varias Conclusiones; Nomine pecuniæ in Regula Fratrum Minorum nō intelligi rem omnem, quæ accipitur eo animo, ut vendatur, siue distrahatur, siue ut in aliam commutetur; & denique Dénarium, & Pecuniam esse ferè Synonima, & accipi pro eodem; Respondit ad hæc P. Pelandus zelo conservandæ Professionis Reformatæ ductus, contrarium ad dicta Marchantij probando: Contra Pelandum sic Scribit P. Rozycius in *Vmbra Apologetica*.

[ Vmb. Respondetur Quòd quantum ad significationem nominis *Denariorum* quid propriè hoc nomine significetur, clarum est apud SS. Patres in sua Expositione cap. 4. Quod significetur figurata moneta, seù, vt dicit P. Marchantius; *quorumuis metallorum particula lege publica certis quibusdam figuris insignita, & pro pretio rerum venalium instituta*, quæ ob id moneta vocantur, quod nos signi impressione, Authoris, vel pretij moneant. Sicut etiam dicuntur nummi, quod ex Græco significat legem, quia lege fuerunt institutæ. Vnde Layman tom. 1. lib. 3. fol. 143. Ad iustitiam cusæ monetæ seu pecuniæ dicit, requiri inter alia *Secundùm Gloss. in cap. Quanto Verb. Patris, de Iure iuran. Silu. Verb. Falsarius. Nauar. lib. de Restit. cap. 1. num. 316.* legitimam cudendi auctoritatem, quam etiam signum impressum indicat; nam monetam cudere ex Regalibus vnum est, vt constat *ex lib. 2. Feud. cap. 54. quæ sint Regalia, & lib. 2. de falsa Moneta.* Cum enim nummus ob publicam vtilitatem, & necessitatem institutus sit, non nisi illius auctoritate prodire debet, qui totius communis curam gerit.

*Dixi pro pretio rerum venalium instituta* seu quatenus sunt formale instrumentum emptionis, quia Denarij, vt sunt materiale quoddam metallum, quod vsibus Fratrum Minorum cedere potest, sic denariorum nomine non compræhen-



duntur , nec consequenter eorum receptio est interdicta . Quo modo licitè Frater Minor centum aureos recipere potest ( secluso scandalo, & malitia omni seposita ) non vt Genus aut species monetæ sunt , sed ut ex isto auro calix conficiatur , aut calices deaurentur , vt notat Hugo , quod tamen ob abusus , periculum , vel scandalum esset cauendum , & non recipiendum aurum , nisi fractum , aut fusum . ]

1. Comm. Particulæ singulæ , quas in denario formaliter accepto requirit Author *Vmbra* , in ly *Moneta* includi ; puto esse manifestum , quippe quæ quocumque in loco , ex quacumque materia cudatur , absque publica lege , vel authoritate ; atque sine particulari nota cudi non valeat , pro pretio rerum venalium , siue ad commodius negotiorum exercitium . Sed ideo puto , totum hunc additum fuisse discursum , vt punctum ex Pelando non citatum de mente sua explicaret , quod videlicet , Denarios naturaliter tantum , idest pro metallo , materialiter , siue naturaliter tangere , vel conrectare , ex isto quarto Regulæ præcepto non sit prohibitum , nec sit peccatum , secluso scandalo vel periculo : non dissentiant

tiunt ab *Vmbra Corduba quæst. 4. Sanctior.*  
*ad cap. 4. dub. 3. Respon. 3. Marchanti. ad*  
*cap. 4. Monza ibid. immo, & P. Siguenza*  
*ibid. cap. 4. §. 7. qui etiam Hugonem,*  
 Pisanum, Quatuor Magistros aliosque ea-  
 dem citat pro opinione: Nec tamen sub  
 Silentio præterire possum, quòd Zelantissi-  
 mus, æque ac Doctissimus P. Antonius de  
 Patti, vnus olim de quatuor Visitatoribus  
 Apostolicis ad ampliandam Reformatio-  
 nem à Clemente VIII. Papa constitutis;  
 super idem *cap. 4. Regula in sua exposit. cap.*  
*3. contrarium docuit ex illis verbis Decre-*  
*talium Nicol. III. Exijt §. ad maiorem autem*  
 & Clem. V. verb. *verum etiam* ( ex duabus  
 enim hisce decretalibus vniuersa hæc con-  
 certatio dependet ) vbi postquam vterque  
 Pontifex omnimodam fratrum Minorum à  
 Denario, & à pecunia abdicationem expli-  
 cassent, addit vterque hanc expressionem,  
*Verum, & à qualibet contrectatione ipsius.*  
 In ordine ad quod, saltem ob periculum  
 affectionis, vel scandali graui poena mul-  
 tantur per Generalia Ordinis statuta, ac  
 per Reformatorum constitutiones, qui pe-  
 cuniam in cella tenere, vel in via deferre  
 fuc-

fuerit conuietus; nec excusatur, dicendo, hoc tantum materialiter egisse, in gratiam Benefactorum, vel ad faciendam restitutionem, & huiusmodi.

2. Pag. 7. Verb. *Quantum ad nomen pecunie* &c. refert verba Pelandi, dicentis, nomine pecuniæ intelligi omne illud, quod recipitur vt vendatur: quo pacto etiam libri, & Calices, si reciperentur vt vendantur, essent *Pecunia* quod ex Authoritate Quatuor Magistrorum, & ex antiqua constitutione per ipsos allegata probauerat; & dixerat, eam constitutionem factam esse tempore S. Francisci in primitiua Religione, quoniam à quatuor Magistris ante annum 1242. dicebatur antiqua. Ita Pelando &.

[ Vmb. Verum quidem esse, quod 4. Magistri allegant præfatam ordinis constitutionem antiquam, non tamen eam approbant, sed potius reprobant, vt patebit in prob. 6. Concl. 1. in fine. Vnde negatur fuisse tam antiquam, quod vigeat tempore S. P. Francisci, vel si vigeat, negatur, eam esse de mente S. Patris; aliàs non reprobaretur à 4. Magistris. ]

(3. Comm.) Falsum est, antiquam illam Constitutionem Ordinis, quod pecunia sit  
omne



omne illud, quod recipitur, vt vendatur, à quatuor Magistris reprobari; & ideo falsa est illa consequentia, quam Rozycius coniecturaliter inde deducit: Quia tamen hoc demonstrandū reseruat infra in prob. 6. Concl. 1. nos etiam ibi ex integro respondebimus: interim tamen, nè nihil dixisse videamur; hìc ex ipso Magistrorum textu sufficiat eorum mentem indicare: Ergo grauissimam hanc quæstionem tractaturi ex professo, sic incipiunt in quæst. 4. *Hæc est Quæstio necessaria, quid dicatur pecunia? Nam constat, quòd pecunia dicit aliud, quàm Denarius.* (4. Magistri q. 4. in firm. trium ord.) Ecce fundamentum, quod pro subsequenti tractatu apponitur à quatuor Magistris, vt videlicet omninò pro constanti supponatur, aliud à Denario importari per pecuniam, non verò quòd *Denarius*, & *Pecunia* prò eodem accipiantur: Sic à pleno etiam Generali totius ordinis Capitulo citantur quatuor Magistri. *Sciendū est quòd secundum Expositores, & maximè quatuor Magistros, qui nō glossā, vt aiunt, sed purū intellectu Regula ex ipsa littera extraxerūt; Pecunia est, quicquid recipitur vt vendatur* [Orb. Seraph. tom. 3. fol. 310.]

*Expositio SS. Patrum, &c.* Ibid. pag. 8. in fine, & 9. recitat Vmbra doctrinam Pellandi ex Patrum Expositione, ex Decretali *Exijt*; & ex Capitulo Generali Pallesuensi doctis, Nomine pecuniæ intelligi quamlibet rem, quæ recipitur, vt vendatur; cui respondet Rozycius.

[ Vmb. ] *Respondetur*. Expositionem SS. Patrum quod attinet. Quod sicut Corduba q. 6. introductoria discurrens dicit, de Doctoribus aliquibus, seu Expositoribus Regulæ, aut de eorum dictis non est curandum, quando contra aliqua contenta in Declarationibus Nicol. III. & Clem. V. loquuntur, quæ habent primum locum; quia Scripserunt ante prædictas Declarationes, vt S. Bonau. Hugo. Quatuor Magistri; & alij, licet scripserint post prædictas Declarationes, fortè ex inaduertentia sequendo priores Expositores aliter loquuti sunt contra prædictas Declarationes; Ita in proposito, quia hæc sententia contenta in Expositione Sanctorum Patrum de Pecunia (fortè sequens citatam Constitutionem antiquam), non videtur loqui conformiter ad Declarationes Nicol. III. & Clem. V. vt ex infra dicendis patebit; ideò non cogit, vt eam sequamur. Et quamuis pro confirmatione sua alleget *Decretalem* Nicol. III. dicentis; *Nec eo animo vt distrabant, siue vendant, recipiant,*  
*&c.*

*Et hoc non convincit: quia in præfato textu id non prohibetur ex ea ratione, quod hoc sit pecunia, sed tanquam proprium, & superfluum; Nam statim subiungit Pontifex quinimo in omnibus appareat in eis quoad dominium omnimoda abdicatio, & in usu necessitas: & patet ex titulo articuli, qui est; Cui competat dominium rerum fratribus concessarum. ]*

4. Comm. Vltro admitto cum Rozycio, etiam ex clariore doctrina Cordubæ, non esse curandum de opinionibus Doctorum, seu Expositorum Regulæ, si contra præcitas Decretales Exijt, & Exiit; in corpore iuris clausas, in Viennensi Concilio Generali approbatas, & semper in Capitulis Generalibus ab Observantibus maxime strictioris observantiæ professoribus receptas, etiam ex obligatione ab Apostolica Sede in ipsa Reformationis institutione appositâ, quoquo modo sentire videantur: sed hinc argumentum contra ipsum Rozycium retorqueo sic. Decretales illæ Denarium à pecunia distinguunt, ergo non sunt audiendi Marchantius, & Rozycius aliter sentientes; subsumptum probabitur infra, ubi hæc Rozycius tractat ex professo.



Pro nunc ex ipso Decretalis *exijt* textu art. 3. sufficiat indicasse mentem Nicolai Papæ in illa sua Expositione; vbi explicando Præceptum istud Regulæ *Fratres non recipiant Denarios, vel pecuniam*; etsi expressè non assignet definitiuè, quid *Denarij*, quid *Pecunie* nòmine sit intelligendum; legata tamen, & alia donata Fratribus, quæ sunt alienanda, vt eorum pretium in Fratrum necessitates conuertatur, expressissimè inter res pecuniarias, atque pecunias recenset vt infra videbimus. Quamuis autem in art. 2. vbi ( quod benè notauit Rozycius ) declarat ad quos spectet dominium rerum, quibus Minores vtuntur; apponat verba iam à Rozycio allegata; non tamen ibi agit de Denario, vel Pecunia; sed de utensilibus Fratrum; vt nempe in eis elucescat abdicatio omnis dominij, & necessitas in usu; vnde non benè illo à loco suum probauit argumentum Rozycius; sed de Denario; atque pecunia in art. 3. declaratur. Nec tamen ideo errasse Pelandus dicetur, dum ex eodem art. 2. dicit inter pecunias de mente Papæ numerari, quæ recipiuntur; quia hoc in art. 3. postea declaratur à Pontifi-

tifice. Doctrina itaque Pelandi, non modo à Siguenza, à Patti, & alijs omnibus (exceptis Marchantio atque Rozycio) de strictiori Observantia, sed & à Corduba, & alijs communiter Regularis Observantiæ professoribus contra Rozycium confirmatur; qui omnes affirmant, per *Denarium* intelligi monetam authoritate publica taxatam; per pecuniam verò, quidquid recipitur, ut vendatur, aut æstimato pretio in aliud commutetur; unde Pecunia etiam denarium comprehendit, non è contra. Quinimo, non modo Reformatorum Constitutiones, sed & statuta Generalia Ordinis Regulari Observantiæ communia (quod absq; Rozycij rubore legi non potest) præcitis Decretalibus *Exijt*, & *Exiui* (Stat. Ord. c. 4. §. 1. ) inhærendo, declarant, in hoc 4. capitulo Regulæ prohiberi denarios, & ea, que pretio æstimentur, vel quorum usum Fratribus habere non licet.

[Vmbr.] *Eodem modo respondetur ad declarationem Capituli Palleusielli, quod scilicet contra eam stent declarationes Pontificiæ prædictæ Nicol. III. & Clem. V. quæ, ut ipsemet Pelandus dicit, maiori venerationi habendæ sunt. Nec*

adeo infallibilem Constitutiones Generales habent Spiritus Sancti assistentiam, quo minus falli, aut immutari possint ( prout prætendit P. Pelandus ) quandoquidem toties per sequentes Constitutiones reiectæ, & abolitæ sunt, vt observat Sanctiorus cap. 12. fol. 679. adducens Segobientia cap.8. §.7. dicentia: *omnia, & singula Statuta hucusque retroactis Capitulis, & Congregationibus quomodocunq; edita omnino abolentes, &c.* & antiqua Salmaticentia: in literis Cardinalis de Carpo Protectoris, in quibus dicitur: *Cæteris omnibus tanquam rescatis, & abiectis, &c.* & Corduba quæst. 6. introductoria §. 2. quoad Constitutiones Ordinis recenset Capitulum Toleranum 1522. cum Capitulo Generali Parmensi; tabulas Vicar. Generalis 6. 16. 18. 19. in quibus antiquis, ac non necessarijs abolitis tunc statutis, observari mandantur. Et sic concludit Corduba, standum esse statutis, quæ pro tempore viguerint, quoad vsû scilicet, & consuetudinem, quæ firmat leges, quæ moribus vrentium approbavit. Cap. *Erit autem lex* dist. 4. Proinde licet statuta antiqua res ad vendendum, commutandum, distrahendum &c. receptas propria authoritate vocitent receptionem Pecuniæ in Capitulo Generali Palleusiello; quia tamen moderna statuta ab Urbano VIII. confirmata reducunt id ad proprietatem, vt postea patebit, his potius standum est. Ex quibus patet, quàm inaniter invehitur P. Pelandus contra P. Marchant.



chant.; quòd à Decisione illius Capituli Generalis, & sententia communi antiqua recedat, conformando se potius posterioris Capituli decisioni, & Declarationis Nicol. III. & Clem. V. in sua sententia ]

5. Comm. Rozycij dicta contra Rozycium iteratè retorqueo; *Reiectis statutis antiquis* standum est statutis nouis ab Apostolica Sede confirmatis; sed statuta Generalia nouissima confirmata, & per decretum Capituli Generalis Toletani anno 1658. compilata; authoritate Apostolica sub die 18. Augusti 1662. impressa, & publicata, ad quorum obseruantiam hucusque totum Corpus Obseruantiaë, obligatur, distinguunt expressè inter denarium, & pecuniam, vt hic superius immediatè illa retulimus; ergo contra Rozycium, non licet ipsi Rozycio, vel alijs opinionem à statutis Ordinis discrepantem tenere, vel publicare, dicendo pecuniam à Denario in Regula Minoritica non distingui.

6. Quæ autem sint illa statuta ab Urb. VIII. confirmata, quæ res ad vendendum, vel distrahendum authoritate propria receptas ad proprietatem reducant (exclu-

sa violatione præcepti de pecunia, sic enim intelligi debent, si pro Rozycio valere debet argumentum ) omninò non video : vel enim intelligit Rozycius de statutis modernis, quæ licèt Urbani tempore nondum extarent in hac forma, tamen ex Vallisoletanis sunt deducta, quæ tunc vigeabant; & hæc sunt literaliter contra Rozycium, vt vidimus : vel loquitur de Vallisoletanis anno 1593. editis, quo tempore Urbani VIII. ( *Orb. Seraph. tom. 3. fol. 443.* ) vigeabant; & hæc etiam in cap. 4. Regulæ contra Rozycium, hæc habent formalia verba: *Cum Denarium, & earum rerum omnium, quæ pretio estimantur &c. receptio hic prohibetur expressè &c.* fortè dicet Rozycius, quod intelligit de statutis Reformatòrum ab Urbano VIII. confirmatis; in quibus c. 4. nu. 10. declaratur reus proprietatis, qui aliquid emendicat in alias res, etiam necessarias commutandum; quod sonat expressè Rozycij textus : Sed pace sua non debebat ipse textum allegare truncatum; subsequitur enim ibidem immediatè, *quia hoc est emendicare Pecuniam: Per esser questo cercare Pecunia.* Quid clariùs esse potest pro denarij distin-

distinctione à pecunia? Quomodo inducere potuit in mentem Rozycius, Reformatos ad puriorem Regulæ obseruantiam præ Regulari obseruantia specialiter alligatos, doctrinas laxiores præ Obseruantibus in hoc omnium ad paupertatem attinentium præceptorum maximò acceptare? fingit ergo ille truncato ex statuti textu, se per illud verbum, *si dichiara proprietario*, Reus est proprietatis, se intellexisse per hoc statutum reduci recursum ad pecuniam, seu rerum pretio æstimabilium ad sextum, non ad quartum Regulæ præceptum: at quin considerare noluit, nullam in quibuscumque Ordinis statutis assignari propriam pœnam contra receptatores denarij, vel pecuniæ, sed pœna puniri proprietarijs imposita. Duo ergo notantur in hoc statuto; primum est, quod vltimo ponitur; nempe mendicationem rerum pretio æstimabilium esse mendicationem pecuniæ. Alterum in initio illius textus; talis mendicatio puniatur pœna Proprietariorum. Hæc integrè hîc declarare volui, quia eandem voluntariam, æquiocationem sæpè in subsequentibus repetit Rozycius; hac ipsa ex declaratione



dilucidandā, quæ si nullo negotio voluisset aduertere Rozycius, me hercle non dixisset, hac ex sua voluntaria interpretatione, receptionem rerum pretio æstimabilium non esse pecuniæ receptionem, nec ideò contra quartum, sed contra sextum Regulæ Capitulum peccare.

[ Vmb. ] Quàm efficacius cauillare volens P. Pelandus nonnullos illius in hac materia de pecunia Conclusiones adducit, & earum probationes resolvere nititur, per quod suum intentum an assequatur, vt clariùs appareat, sit P. Marchant.

Conclusio prima. *Nomine pecuniæ in Regula Fratrum Minorum non potest intelligi res omnis, quæ recipitur eo animo, vt vendatur aut distrabatur; siue vt in aliam commutetur; Ita Marchant. Croufers.*

( 7. Comm. ) Non cauillare voluit P. Pelandus, sed genuinū Regulæ, atque paupertatis Franciscanæ sensum cum omnibus strictiorem Observantiam profitentibus defendere, & vnicum P. Marchantium viam laxiorem aperire volentem convincere. Non tamen ad Pelandi dicta me obligo, quia non in eius gratiam hos commentarios exscri-

scribendos assumpti, sed ex obedientia in gratiam veritatis, ad dilucidandam *Vmbra* à Rozycio contra S. Francisci per sæpè repetitum præceptum appositam, & ad tuendam puriorem, quam Reformati de strictiori Observantia profitentur, Regulæ intelligentiam.

8. Citat ergo ille Marchantium, quem vnicum à Reformatis omnibus, immò & ab Observantibus in genuina pecuniæ intelligentia discordantem defendendum suscepit; citat & Croufers, qui tamen non de Reformatis, sed de Capucinis est, qui ad apices rigoris in Decretalibus *Exijt & Exiui* declaratos ex institutione sua non obligantur. At Vniuersam Observantium, atque Reformatorum Expositorum Classem, citare non potest.

(Vmb.) Et non improbable putat Sanctorus.

(9. Comm.) Quod autem hoc non improbabile putet Sanctorus; truncatus affertur textus Sanctorij; non enim dicit simpliciter; quod non sit improbabilis opinio, denarium, & pecuniam ferè pro eodem intelli-

gens ; sed dicit, quòd non sit *omniò impro-  
babilis* . (Sanct. Comm. in Constit. Ord. c.4.5.  
Tom.2. Quæ particula longè diminutiva  
multum ponderis habet ; quomodo ergo  
Expositor Reformatus ad arctiorem Regulæ  
observationem simpliciter obligatus, reiecta  
communissima , ipso à Religionis exordio ,  
atque tutissima opinione , immò per Ordinis  
Constitutiones sub obligatione inducta,  
nouam & inauditam , & in Religione vni-  
uersalissimè reiectam amplecti ; immò &  
contra Constitutiones Ordinis mordicus  
defendere conetur, vnico illo fundamento,  
quod ab vno Scriptore dicatur non quidem  
non improbabilis , sed non omniò impro-  
babilis ?

[ Vmb. ] Probatur simplex intentio Regulæ ,  
& S. P. Francisci fuit , quòd verba Regulæ sim-  
pliciter intelligantur eo modo , quo communi  
loquentium sermone vsurpantur : Atqui nomen  
pecuniæ communi loquentium sermone non su-  
mitur pro eo quod recipitur , vt vendatur , vel  
destrahatur , &c. Ergo nec in Regula sic accipi  
debet . Minor patet , quia quod est medium ad  
finem aliquem non est necessariò eiusdem ratio-  
nis cum fine, alioquin oporteret dicere ; Merces  
Mercatorum , quas comparant, vt eas diuendant  
rei-



re ipsa esse pecunias : immò quidquid venale est esset pecunia ; quod à nomine dictum fuit , nisi fortè analogicè valdè diceretur , quatenus per eas pecunia acquiri potest : Maior prob. ex testamento S. Patris ubi dicit , quod verba Regulæ intelligantur , & obseruentur *simpliciter* , & *sine glossa* , ergo sic debent intelligi . ]

10. Comm. Concedo , ex intentione , atque Testamento S. Francisci , Verba Regulæ intelligenda esse simpliciter , & *sine glossa* ; sed vnde constat Rozycio , quòd Denarius , & Pecunia toties per S. Franciscum disiunctim repetita , & ab inuicem per ipsum Legislatorem distincta , sint Synonima idem importantia ? Vt quid vbicumque denariorum occurrit mentio , pecunias indispensabiliter superaddit per nugationem vitiosam , si idem important ? Certè hoc non est , eius verba intelligere simpliciter , sed per interpretationem : ter S. Franciscus Denarios suis Fratribus interdixit , & semper pecuniam adiecit , primò in initio cap. 4. *nullo modo denarios , vel pecuniam recipiant* . Secundò ibidem post pauculas lineas ; *eo semper salvo ( ut dictum est ) denarios , vel pecuniam non recipiant* ; si sunt Synonima , cur statim

statim eadem verba repetit cum graui reflexione? Tertiò in cap. 5. *de mercede laboris corporis necessaria recipiant prater denarios, vel pecuniam*: Quomodo ergo Rozycius Sanctum Legislatorem in tribus clausulis ferè simul vnitis nugatorium facit, vt eius Regulam possit ad mentem propriam simpliciter intelligere? simpliciter ergo intelligantur verba Regulæ si ad mentem Legislatoris iuxta communem modum loquendi intelligas; vt Rozycio concedo: at quid pecuniæ nomine veniat secundum communem modum loquendi, & intelligendi, Habemus à Calepini communissimo vocabulario, qui verbo *pecunia*, dicit, *Pecuniæ nomine veniunt non modò nummi, seù numerata pecunia, sed & omnes res tam solidæ, quàm mobiles, & corpora, & iura*: Hispanicè itidem, addit Calepinus, *el dinero, ò generalmente todo lo que vale dinero*. Gallicè quoque *Argent oucc, qui vaut argent*: & hoc confirmat non modò ex vsu communi plebis Italicæ, Gallicæ, Hispanicæ, sed & à iuribus citans Hermogenianum l. *pecuniæ ff. de verb. signif. & l. 2. Cod. de Constituta pecunia*; *Vt igitur &c. neminem moueat, quod*

quod sub nomine pecuniæ etiam omnes res exigi definimus; possibile est, omnes res in pecuniam conuerti. l. 4. ff. de Verb. signif. pecuniæ nomine rem significari Proculus ait, & l. prima §. Pecunia autem ff. de Calumniatoribus; ibi pecuniam autem accepisse dicetur etiam si aliquid pro pecunia acceperit. Rebuffus in tit. de verb. signif. in Comm. dictæ l. 4. de verb. signif. §. primum ut pecunia: sic etiam totus ordo à sui foundatione communissimè intellexit, ut patet per Constitutionem antiquam citatam à Quatuor Magistris, qui anno 1242. suam Expositionem scripserunt; quam frustrà Rozycius iam superius infringere tentauit; sic ipsi Quatuor Magistri dicunt in cap. 4. Regulæ, quòd constans esse debet, denarios à pecunia distingui: sic Capitulum generale Palleusiellum anno 1470. declarauit. Sic præ cæteris clariùs Iulius II. in statutis pro Conuentualibus editis (à fortiori Reformatos docere debet,) cap. 7. dicit expressè; Nullus Prælatus, vel Fratrum libros, Blada iocalia, vel alia quæcumque mobilia, vel immobilia recipiat &c. intentione vendendi, vel aliquid emendi &c. quia talia facere, vel tali nomine recipere, sit pecu-



*pecuniam recipere, & habere*; Sic etiam pecuniam in Regula interdictam intellexerunt communissimè ab antiquo vsque nunc S. Bonauent. 4. Magistri, Hugo, Pisanus, quos citat, & sequitur Corduba; Miranda cap. 67. Rouserius quæst. 1. in cap. 4. Regulæ Serena Conscien. quæst. 4. & 6. Siguentia ibid. cap. 4. text. 1. §. 3. Antonius Patti, par. 2. tract. 1. cap. 1. num. 2. & par. 1. cap. 4. §. 1. & 2. Monza cap. 4. fol. 263. sic statuta generalia Ordinis Salmaticensis de anno 1553. (quæ textum 4. Magistrorum literaliter adducunt; Vallisolet. 1593. à Sanctorio commentata, Tambucana de mandato Capituli generalis Toletani 1658. compilata. Constitutiones Reformatorum anno 1642. ab Urbano VIII. confirmatæ; Itaut generaliter ab Ordinis initio, tùm Capitula generalia, tùm Regulæ Expositores omnes ante relaxationem Ordinis, atque de Observantia Regulari, & Strictiori, (vno excepto Marchantio quem defendendum suscepit Rozycius) denarium à pecunia (prout in Regula prohibentur) essentialiter distinguunt; & pecuniam dicunt esse, quidquid recipitur, non animo vtendi, sed quoquo modo

môdo distrahendi, pretio, vel tacitè, vel expressè æstimato, vt faciunt omnes, qui emunt, vendunt, vel commutant. Videat Rozycius, si vnicus Marchant contra totius Religionis communissimam intelligentiam singularis faciat opinionem probabilem; & quis sit communis modus loquendi, iuxta quem sit intelligenda Regula S. Francisci.

II. Si verò de Sãcti eiusdem intentione, quam hìc tangit Rozycius, inquiramus; lōgè faciliùs, ac euidentius irrefragabili fundamento dilucidatur. Supponitur etenim, nemine non confitente, pauperũ Patriarchã in eo totum fuisse, vt summos Euangelicæ Paupertatis apices in sua Religione firmaret; quæ propterea ex hoc titulo à cæteris Religionibus condistinguitur: sicut ergo in possessione voluit, Minoritas ab omnimodo rerum terrenarum dominio esse semotos; ita & in vsu fierent ab omni negotiationis, aut interesse terreni occupatione alieni, solo rerum necessariarum vsu contenti; sed prohibito sub nomine denariorum, & pecuniæ, solius numeratæ pecuniæ vsu, & concessa rerum ex professo distrahendarum contrectatione, remanet in Fratribus laboriosa,

riosa, æque ac periculosa negotiationis,  
 pretijque æstimationis occupatio; ergo ista  
 non permittitur in Regula; Quis enim po-  
 test animum inducere, ut Fratres res men-  
 dicatas, aut oblatas, vendi, vel commu-  
 tari velint, nisi tacite, vel expressè pretium  
 earum præcognoverint? deinde quomodo  
 secularibus constabit, Minoritas esse à  
 secularium rerum commercio prorsus alien-  
 nos, si reiecta tantum numerata pecunia;  
 res pecunia, vel pretio taxato distrahibiles  
 admittant? Cum Sanctus Patriarcha id po-  
 tissimum zelaretur, ut certò sciret Mun-  
 dus, Ordinem suum ab omni esse occu-  
 patione huiusmodi alienum? Iterum, non  
 minus est periculi, ut Fratres ad affectio-  
 nem negotij terreni declinent, si res ex-  
 pressa intentione vendibiles, acceptent,  
 quam si denarios contrectent, quia pari  
 modo comparantur, æstimantur, & ad usus  
 proprios convertuntur; Quinimmò peri-  
 culosius est in casu aliquo res distrahibiles,  
 quam denarium contrectare; Nonnullis  
 enim rebus ad distrahendum receptis, V. G.  
 eleganti, & pretioso horologio, pretiosis  
 imaginibus, & huiusmodi facilius, atque  
 tena-



tenacius adhærere potest animus recipien-  
tis, quàm ipsi pecuniæ, vnde ad peccatum  
proprietas inducatur. Vltimò, si conce-  
ditur in Regula receptio rerum pretio di-  
strahendarum ( secluso dominio, ) non ne  
facilius erat denarios secluso dominio re-  
cipere, quibus ad comparanda necessaria  
vterentur? Hæc omnia ex ipsis S. Patriarchæ  
verbis apertè conuincuntur: dato enim  
sed non concessio, quod in primo loco:  
*Præcipio firmiter ut Denarios, vel pecuniam  
non recipiant;* eadem vt Synonima coniun-  
xisset; vt quid in 2. loco de prouidendis  
infirmorum necessitatibus; & in 3. loco;  
de mercede laboris; tam accuratè semper  
vniformiter repetiuit; *eo semper saluo, ita  
tamen vt denarios, vel pecuniam non reci-  
pian;* nisi quia pecuniæ nomine non modò  
monetas cufas, sed & omnem rem pretio  
distrahibilem secundùm leges, & populi  
consensum intelligi ignorabat?

[ Vmb. ] Sed certum est, quòd licet S. P.  
Franciscus fuerit peritissimus rerum agèdarum,  
vt de illo scribit Voadingus, & Regula ipsa ipsi  
fuerit dictata à Christo, vt idem testatur ad an-  
num 1223. tamen non fuit statutaris, & iuris  
peri-

peritus; nec apices iuris de nomine sciebat; immo huiusmodi literature omnino nescius fuit, & Regulam, ut ipsemet dicit in Testamento, *dedi illi Dominus pure, & simpliciter dicere, & scribere*. Ergo verba Regulæ ipsius sunt interpretanda secundum communem usum loquendi.]

12. Comm. Hæc quia, præsentī tractatui omnino conveniunt hic per anticipationem adduco, & respondeo, ut tota hæc materia vno in loco dilucidetur. Certè primò Rozycius sibi met contradicit, dum Regulam minorum à Christo dictatā confitetur, & tamen non secundum iuris prudentiam dicit esse conscriptam: deinde quis talem Patri Seraphico iniuriam auderet invere, ut qui tanto pondere Regulam (immo tres) tanta serietate, congruentia, & subsistentia conscripsit, dicatur non fuisse statutus? at si in ea scribenda fuit à Christo edoctus, quomodo inculandus de ignorantia. ut verba eius non doctrinaliter, sed populariter sint intelligenda, si popularis à doctrinali distinguitur? Dato tamen, quod non ad mētē Doctorum, sed ad vulgarem usum interpretentur eius verba iam in Superioribus offendimus, quod In dicit (ut hodie-

hodierno etiam vsu comprobatur ) & Gallicè à vulgo Pecunia pro quacunque re pretio determinato distrahibili accipiatur , si verò S. Franciscum Gallicum , Italicum-que idioma perfectissimè caluisse , scriptores omnes ex S. Bonaventura consentiunt , quale igitur in filio Seraphici Patriarchæ subterfugium , eum ignorantia tacitè accusare , quem approbante S. Ecclesia , *Doctum doctrine gratia* decantamus ? ad hoc vt eius Regulam sanctissimam impugnare liceat , illum dicere non fuisse statutarium , neque legum apices cognouisse ? vt eius Sanctissimam mentem valeat atterere , velle mentem ipsius , & verba contra explicatissimam vbique illius intentionem , contra rationem , contra iura , contra populorum consensum velle interpretari ? Secundum inquit , communem modum loquendi : Assignet Rozycius , qualis , & vbi sit communis iste modus loquendi , qui omne pretio æstimabile , qua tale , à nomine *Pecunia* excludat ? Dic amabò , Rozyci , quæ nam intentio S. Francisci fuit in hoc præcepto ? certè negare non audebit ; vt filios suos , & ab affectione , & ab occupatione cuiuscun-

C

que



que negotij segregatos ostenderet esse in tali paupertate solidatos. Si autem etiam secluso dominio, solùm quo ad vsum pro subleuandis suis necessitatibus debeant, aut possint pretium rerum, quas distrahendae accipiunt, æstimare; quid interest, an hoc sit in numerata pecunia, vel in re per numeratam pecuniam distrahibili? Non inferior hic occupatio mentis, non leuius periculum, non minor sæculi admiratio, dum fratres apparent in pretio (an huius, vel illius rei, nil interest) mentem affigere.

[ Vmb. ] *Maiores probatur ex testamento S. Patris, ubi dicit, quod verba Regulæ intelligantur, & obseruentur simpliciter, & sine glossa.*

( 13. Comm. ) Concedo totum. Atque simplicitas, quod S. Pater toties explicitè de Denario, & Pecunia distinguit, quoties de hac materia tractat, quia hoc erat ad intentum eius omnino necessarium, Tu velis in vnum confundere, vt intentionem S. Patriarchæ ac omnimodam Fratrum à rebus sæcularibus abdicationem ab illo vnicè intentam possis atterere? Regula dicit; *Fratres non recipiant denarios vel pecuniam*

*niam*. Tu addis marte tuo *Denarius*, & *pecunia* non distinguuntur ab inuicem, sunt Synonyma (Ergo superflue semper combinantur in Regula) hæc, vel ipso Rozycio Iudice non est simplex intelligentia Regulæ, sed Glossa superaddita; At verò quæ nam Glossa? non quidem ad mentem legis, sed legis huius, & præcepti destructiua, quæ Fratribus indulget, vt in accipierdis, & æstimandis rebus pretio distrahibilibus mentem teneant occupatam. Quid fortius contra S. Patris intentionem? etiam si verba ipsa concordare viderentur; *In legem peccat, qui verba legis amplectens contra Legislatoris nititur voluntatem.*

14. Hæc fusius hîc explicauî vt genuinus Regulæ sensus vno in loco plenius innotescat; Vmbræ textum ex indè breuiori commentario pertransibo.

[Umbr.] *Contra* Licet non obliget, potest tamen conducere ad intelligendum Regulam, vt elicitur ex expositione 4. Magistrorum cap. 5. & patet ex ipsa ratione, vt dicit Corduba fol. 80. ergo &c. Secundò (inquit) quod S. Pater præcipiendo vt verba Regulæ intelligantur simpliciter, & sine Glossa, non præcipit, quod intelligantur

*secundum communem loquentium sermonem, sed prohibet Glossas extortas, & impuras, & declarationes irrationabiles, quæ Regule puritati, & simplicitati contrariæ sunt, &c. Sed.*

*Contra S. Pater in præfatis suis verbis duo facit: Primò prohibet Glossas in Regula; Secundo præcipit, vt verba intelligantur simpliciter. Quantum ad primum, nulla est difficultas, quod prohibeat Glossas solum impuras; non autem illas, quæ purum eius intellectum declarant. Sed quantum ad secundum, quæro quis sit ille sensus simplex, quem obseruari mandat in intellectu Regule? non potest esse alius, quàm ille, qui in communi modo loquendi vsurpatur; Ergo secundum hunc intelligi debet.*

*Dices fortè cum P. Pelando, sensum simplicem esse illum, qui continetur in declarationibus Pontificum, & Doctorum idem cum illis sentientium. Sed contra. Vel hoc intelligitur ita, quod Declarationes Pontificum, & Doctorum præsuponant in verbis Regulæ certum sensum, & significationem eorum, cui se conformant in declaranda mente Conditoris Regulæ, vel ita quòd verba Regulæ accipiant sensum, & significationem à Declarationibus: si primum, hoc quidem verum est, vt patet ex declaratione præsertim Nicol. III. art. I. & sequentibus, qui intentionem Regulæ ex verbis ipsiusmet colligit, vt legenti patet.*

*Sed quæro, quis sit ille verborum sensus, cui se*

Pon-



Pontifices conformant in declaranda mente Legislatoris? Non potest esse alius, nisi ille, quem communiter homines formant; dum audiunt illa verba: Nec enim est præsumendum Pontifices, & Doctores in exponenda Regula Fratrum Minorum recessisse à forma tradita à legè, & vulnerare quantum ad hoc decretales in Corpore iuris inclusas; Ergo sensus, iuxta quem debent intelligi Regulæ verba, est ille, qui continetur in communi modo loquendi. Si secundum: *Contra* ad colligendam intentionem S. Patris in sua Regula, & verborum sensum, dantur declarationes à Pontificibus, & Doctoribus, ut mediante sensu, & significatione verborum tanquam mentis, & intentionis S. Patris signorum declarent mentem ipsius; Ergo præsupponunt in verbis sensum, & significationem, consequenter non dant illam verbis. ]

( 15. Comm. ) Vltro concessi, quod Pontifices sensum præsupponant in exponendo Regulam; nec in eius expositione vulnerasse Decretales in Corpore iuris inclusas; sed quid leges tum Canonicae, tum Ciuiles per Pecuniam intelligant, iam satis dictum est in antecedentibus, & iterum dicetur in subsequen-  
tibus.

( Vmbr. ) Obijcies ex P. Pelando primò; S. P.

Franciscus Regulam, & Ordinem submisit determinationi, subiectioni, declarationi Sanctæ Sedis, vt patet ex tract. Defensoris contra deuiantes notab. 1. pag. 258. Ergo non habuit intentionem; nec habere potuit alligandi verba Regulæ suæ ad communem loquentium sermonem.

*Respondi Neg. Conseq.* Quid enim derogaretur per hoc, quod P. Sanctus Regulæ suæ verba alligaret ad communem usum loquendi, auctoritati summi Pontificis, in approbanda, improbanda vel declaranda regulæ? Numquid hoc non obstante, non potuisset summus Pontifex Regulam cum verbis ad communem loquendi usum alligatis, approbare, improbare, vel declarare? Imò quod omnino necessarium fuerit, vt S. Pater verba Regulæ suæ ad communem modum loquendi alligaret; clarè ostendo sic. S. Pater velut Legislator per suam Regulam, tanquam per legem intendebat, & volebat obligare Filios suos ad certum viuendi modum in ipsa expressum; eamque vt talem subieciebat approbandam, vel reprobendam ac declarandam S. Sedi; Ergo debebat verba Regulæ suæ alligare ad certum modum loquendi, vt per illa significaretur, tum fratribus, tum S. Sedi mens ipsius: quia, vt notat Layman de lege lib. 1. tract. 4. cap. 18. num. 4. Mens, & voluntas Legislatoris est veluti spiritus, & anima legis; vnde omnis vis obligandi per verba tanquam per signa instrumenti-

mentalia prouenit; sed non ad alium potius, quàm ad communem; quia ipsemet talis solùm fuit vsitatus: Vnde decernitur in Iure, vsum loquendi Legislatoris maximè attendendum esse pro habenda mente ipsius. *Si Seruus plurium s. Finali ff. de legè 1. Roman. conf. 179. n. 5. & alij apud Moron. resp. 56. n. 6.* Ergo ad talem alligauit loquendi modum verba suæ Regulæ.

( *Confirmatur* ) Summi Pontifices præsertim Nicol. III. & Clem. V. declarando Regulam Minorum, & Mentem S. Patris recurrunt ad verba, explicando ipsam secundùm communem loquendi modum, vt patet Declarationes eorum; Ergo signum est, quòd verba Regulæ suæ alligauerit S. Pater ad communem loquendi modum.

*Obiicies* Secundò ex eodem: *Petrus Marchant. in quest. præmiali q. 2. tit. 2. tractans de sensu literali Regula ponit exemplum in illis verbis. Regula & vita Fratrum Minorum hac est, Scilicet Domini nostri Iesu Christi S. Euangelium obseruare; & explicando sensum literalem horum verborum sic ait: Si gramaticaliter hæc verba intelligantur falsa sunt; non enim tenentur Fratres Minores totum Euangelium obseruare; Si tamen intelligantur literaliter, vera sunt. Quia tenentur ad Euangelium obseruandum in ijs, quæ in litera Regulæ Specificantur, vt Declaratio Nicol. III. aperte dicit; Sed illa verba, S. Euangelium Domini Nostri Iesu Christi &c. non solum sumuntur pro toto Euangelio gramatica-*



liter, sed etiam secundum loquentium sermonem; Ergo verba Regulæ non possunt intelligi secundum communem loquentium sermonem. *Respon. Neg. Min.* Quod verba illa scilicet *Domini Nostri Euangelium obseruare*, sumpta cum vltiori contextu, illo scilicet *uiuendo in obedientia &c.* Secundum communem loquendi sermonem, sumantur pro toto Euangelio; sumpta enim cum illa modificatione, & determinatione *uiuendo in obedientia sine proprio &c.* significant obligari Fratres ad obseruantiam S. Euangelij per ipsam Regulam in ipsis tribus modificatam, vel determinatam, seu significatam; vt benè deducit Nicol. III. vide ipsius formalia verba. Vnde non debent ita mutilè sumi verba in explicatione Regulæ in communi modo loquendi, sicut sumuntur à P. Pelando hic, sed cum respectu ad antecedentia vel subsequencia verba, quibus modificatur eorum legitimus sensus; nam verba sequentia declarant antecedentia, *Leg. qui filiabus init. & Leg. si seruus s. final ff. de Leg. 1. & notant Roman. consil. 231. Socin. iun. in lib. fin. ff. de rebus dub. Baldus in leg. si quando ff. & alij apud Pasqual. fol. 428.* Et iuxta hoc Pontifices in suis decretalibus explicant Regulam.

Hinc patet, quod P. Pelandus malè confundit sensum gramaticalem cum sensu in communi modo loquendi contento; cum potius hic sensus coincidat cum literalis, qui præter significa-

tionem verborum , vel dictionum , ampliùs connotat, seu includit intentionem dicentis.

*Obijcies tertio ex eodem* : Si illa maior, quòd Regulæ verba debeant intelligi secundùm communem loquentium sermonem , esset verà , sequerentur multa absurda : Sequeretur enim , quòd non liceret Guardianis recipere aliquem ad Ordinem de licentiâ Ministrorum , quia in cap. 2. ipsis tantùm Ministris datur facultas recipiendi ad Ordinem . Item sequeretur , quòd Fratres non possent penitus licentiare inhabiles , qui venirent , vt in Ordinem reciperentur ; quia Regulæ verba clarè sonant apud omnes , quòd venientes ad Ordinem mittantur ad Ministros : Item quod Guardiani non possent recurrere ad Amicos spirituales , quia verba Regulæ communiter ab omnibus intelliguntur , quòd Ministri , & Custodes tantùm hoc faciant . Item sequeretur , quòd nullus posset promoueri ad prædicationis officium , nisi à Ministro Generali examinaretur ; verba enim Regulæ secundùm communem intelligentiam significant , quòd id à Ministro Generali fieri debeat. Ergo &c.

*Respondetur*, negando illas consequentias deductas esse absurdas, attendendo communem loquendi modum , & tenorem Regulæ , imò quod hæc mens , & intentio S. Patris fuerit ab initio Ordinis instituti , colligitur ex Declarationibus Nicol. III. & Clem. V. qui dicunt , attento statu Ordinis præterito in paucitate sui hæc potuisse,

vt verba sonant, secundum communem modum loquendi observari, considerato tamen moderno in ampliato numero Fratrum statu, concedunt, illa posse aliter fieri, recedendo quo ad hoc à communi verborum sensu, & tenore Regulæ, vt notat Corduba explicando particulariter quamlibet Regulæ ordinationem citatam; vtunturque in hac parte Pontifices dispensatione non quidem relaxatiua, quæ appellatur vulnus iuris, quia ius commune lēdit, sed declaratiua, quæ Epikeia dicitur, & æquitas, quam proinde P. Marchant. cap. 10. tit. 1. q. 2. loquendo de istis ampliationibus Pontificum non tam dispensationem vocat, quàm explicationem mentis Fundatoris, siue legis interpretationem, & Epikeiam rationabilem.

*Confirmatur.* Eadem maior principalis probationis primæ ex Iure Canonico. Primò. Cum interpretatio verborum potest fieri ex iure, & ex communi vsu loquendi; facienda est secundum communem vsu loquendi, omitta illa, quæ potest dari ex Iure *L. stipulatio ista §. hi quoque, ff. de verborum obligatione*, & colligitur ex Glossa, & ibi notat per Barthol. & notat expressè Innocent. cap. Cum clamor, & cap. Cum causam, de Testibus. Sed verba Regulæ Minoritanæ possunt secundum Ius interpretari (præsertim in proposito de pecunia; vt de facto ex hoc solo fundamento, quod Iura Civilia distinguant inter denarios, & pecuniam, sic interpretantur illa aduersarii) &



secundum communem modum loquendi. Ergo omnia interpretatio secundum Ius, debent explicari secundum communem usum loquendi.

*Confirmatur statutum iuxta communem modum loquendi intelligi debet sicut, & cetera dispositiones etiam odiose l. labeo ff. de suppellectili legat. & l. librorum §. quod tamen Cassius de leg. 3. & l. Cum de lanionibus §. asinum ff. de fundo instrumenti, & instit. leg. & praesertim in materia statutorum notat Barthol. in l. omnes populi ff. de iustitia, & iure, & facit quod notat in cap. ex literis de sponsalibus. Item in verbis dispositionis ille sensus admittendus est, quem homines formant communiter, dum audiunt illa verba. Mantica de coniect. lib. 3. tit. 8. n. 4. Sed Regula Fratrum Minorum, est quodam statutum, ac dispositio, & quidem odiosa, sicut omnes aliae prohibitiones; Ergo debet intelligi secundum communem modum loquendi, & secundum hanc Iuris Regulam restringi, & non extendi ad illa, pro quibus non accipitur in vulgari significatione.*

*Confirmatur secundo:* Verba in lege posita iuxta communem usum loquendi accipienda sunt, & ille verborum proprietati praefereendus est, ut probat Glossa cap. Nonnulli, verbo ultra de Rescription. & alibi apud Sanchez de matrimonio, lib. 6. fol. 466. Sed Regula Fratrum Minorum est lex quaedam pro tota Religione Fratrum Minorum. Ergo verba in ea posita iuxta communem usum loquendi accipienda sunt, non ob-

stante quòd alia esset secundùm verborum proprietatem significatio, vñ volunt in proposito de pecunia aduersarij, præsertim Pōzanellus in sua dilucidat. Hinc Emanuel Rodriq. qq. Reg. tom. 1. q. 11, art. 6. rectè docuit, statuta, & ea, quæ ad Regularem monasticamque vitam pertinet, non esse interpretanda secundùm rigorem, & apices Iuris, sed iuxta æquitatem, seu terminos iuris naturalis, & gentium.

*Confirmatur 3.* Eadem maior: Verba prolata ab inscio legum sunt interpretanda secundùm communem vsum loquendi *l. cum autem, cap. de donat. ante nupt.* à statutorijs verò, & iurisperitis prolata debent intelligi secundùm consuetudinem iurisperitorum, *l. cum de lanionibus, §. asinum ff. de fund. instru. Roman. consil. 4.* Mantica de coniect. lib. 3. tit. 8. n. 1. Surd. consil. 313. nu. 87. Gonzales ad 8. Reg. gloss. 11. n. 63. sed certum est, quòd licèt S. Pater Franciscus fuerit peritissimus rerum agendarum, vt de illo scribit Vvadingus, & Regula ipsi fuerit dicta à Christo, vt idem testator ad annum 1223. tamen non fuit statutarius, & iuris peritus; nec apices iuris de nomine sciebat; immò huiusmodi literaturæ omninò nescius fuit, & Regulam, vt ipsemet dicit in testamento, *dedit illi Dominus purè, & simpliciter dicere, & scribere.* Ergo verba Regulæ ipsius sunt interpretanda secundùm communem vsum loquendi.

*Confirmatur primò.* Maior principalis: Legis,

explicatio non potest esse melior, quàm illa, quam facit Legislatoꝝ cap. *per Venerabil. qui Filij sint legitimi*: Mantica decis. 49. n. 13. Sed S. Pater loquens de sua Regula in testamento, præcipit quòd verba eius intelligantur, & obseruentur simpliciter, & sine glossa, idest simplici, & communi modo loquendi: Ergo sic intelligenda sunt. ]

16. Comm. Totus est Rozycius in probando, quòd verba Regulæ sint intelligenda secundum communem modum intelligendi; atque simpliciter, & sine glossa; An verò probeat, vel non probeat intentum; iudicent alij; quia nos in superioribus iam gratis admisimus; & qualis sit communis modus intelligendi, denarium, & pecuniam, docuimus sufficienter; non enim modus iste communis accipiendus est ex corrupto fortè, vel barbaro nationis alicuius idiomate, sed qui ciuilitè in Urbibus frequentetur. & secundum quem respondere solent Primores, si quid per denarios, & pecunias intelligant, interrogentur: concessimus itidem Regulam simpliciter, & sine glossa esse intelligendam, at detestati sumus, quòd Rozycio liceat glossas acriter



ter inhibenti; glossam superaddere, quæ Regnæ textui repugnet, & mentem Legislatoris evertat.

17. Pagina verò 23. ab illo ver. *quantum ad minorem* &c. totus est in probanda illa sua maiori principalis argumenti prænotati, quod nempe *pecunia* in hoc Regulæ præcepto non accipiat pro quacunque re æstimato pretio distrahibili, ideoque non sit quid à denario distinctum; prout hic à S. Francisco prohibetur, quod est principale, immo vnicum ipsius hac in prima parte intentum. Relata itaque contraria opinione Pelandi, sic argumentatur.

(V. mbr.) *L. Quantum* ad secundum, de nomine pecuniæ sumpto solitariè, & combinando pecuniam cum denariis distinctivè; Hoc eo ipso rejicitur, quia non probatur, sed est gratis excogitarum ad eludendam difficultatem; imo oppositum deduco sic: Dictio *vel* aliquando stat declarativè, aliquando disjunctivè, seu alternativè. Quando stat declarativè, tunc per illam dictum prius declaratur per posterius, & tunc debet poni inter duas dictiones idem significantes, seu inter duo idem significantia; ut notat Moronus respons. 7. num. 23. fol. 54. v. g. *Si quis in fundatione dicat: Nullo modo eligatur in Cappella-*  
la-

lanum , nisi Sacerdos , vel Presbyter , qui celebret :  
 nullo modo accipiet tunicam , vel vestem meam . Et  
 ita etiam particula , vel vsurpatur à Pontificibus ,  
 vt Nicol. III. art. 6. Si verò contingat , res huius-  
 modi æstimato pretio vendi &c. ordinamus , &  
 volumus , quòd talis pecunia , vel pretium recipia-  
 tur , & expendatur in rem licitam : Vbi pecu-  
 niam , vel pretium sumit Pontifex pro eodem .  
 In statutis quoque nostris cap. 4. dicitur : *Omnis*  
*Conuentus habeat Procuratorem , vel Syndicum*  
*Apostolicum* , vbi Syndicus , & Procurator sunt  
 idem , non obstante particula *vel* : quando au-  
 tem stat alternatiuè , seu distinctiuè , tunc poni-  
 tur quidem inter diuersa , sed vt verificetur di-  
 spositio , quæ sub ea concipitur , satis est vnum  
 fieri , quamuis alterum non fiat , v.g. Si quis dicat ,  
 accipies pro mercede laboris bouem , vel pecu-  
 niam , satisficit dispositioni , si vnum accipiat ,  
 quamuis non aliud *cap. inter cæteras de rescriptis* :  
 vbi Panormitan. n. 4. & Dacian. n. 12. & alij Do-  
 ctiores tradunt communiter , quos citat Barbo-  
 sa lib. 2. Deoret. de rescript. fol. 32. Et constat etiã  
 ex Reg. cap. 3. non debent equitare , nisi necessitatè ,  
 vel infirmitate rogantur : ad cuius dispositionis  
 impletionem sufficit adesse vnã ex his causis ,  
 quamuis non adsit altera ; vt docent Exposito-  
 res . Item ex Declar. Nicol. III. qui art. 4. §. si  
 vero dicit : *Liceat Fratribus &c.* ( si ad primum  
 dantem non possint , vel nolint habere recursum ) cum  
 illa Persona facere , sicut supra declarauimus , posse

*facere cum prima. Vbi sufficit, alterutrum non posse scilicet, vel nolle, & s. s. per quorumcumq; manus pecunia, seu eleemosyna ipsa tractetur, siue per personas ab eo, vel à Fratribus nominatas &c. Item Clem. V. cap. 4. attendant Fratres prefati, quod pro nullis alijs causis, quàm pro dictis, vel similibus in via, vel alibi liceat recurrere eis &c.]*

18. Comm. Concedo ultro, textum hunc Regulæ; *nullo modo denarios, vel pecuniam recipiant*; esse propositionem disiunctiuam, sed quia secundum Logicales Regulas, omnis propositio hypothetica per duas Categoricas est explicanda; verum est, quod ad veritatem disiunctiuæ sufficit, alteram partem esse veram; sed non ideo docetur alicubi, necessè esse, vt altera pars sit falsa; nè ergo inducamur in errorem; aduertendum est, aliter explicari disiunctiuam in affirmatiuis, aliter in negatiuis: v. gr. illa est de affirmatiuis; *Nisi manifesta necessitate, vel infirmitate cogantur*; quæ sic explicatur Fratres cogi possunt ad equitandum ex manifesta necessitate; vel cogi possunt ex infirmitate; & ex vi disiunctiuæ sufficit, vt ab alterutra tantum, etiam al-



altera non concurrente, cogantur. In negatiuis autem sic explicatur: *Non maledices Patri, vel Matri.* Non maledices Patri, vel non maledices Matri; vnde non licet ex vi disiunctiuæ maledicere alterutri, altero secluso; sed vis disiunctiuæ huius hoc operatur, vt in quacunque sui parte violetur, violata sit ipsa prohibitio: Sic reus erit, qui vel soli Patri, vel soli Matri, vel vtrique maledixerit. Sequitur ergo textus Rozycij.

(Vmbr.) [Quæro modo ex P. Pellando, in dicto Regulæ præcepto particula *vel* quomodo stat? Cum dicitur, nullo modo denarios, vel pecuniam recipiant? non potest dicere, quod alternatiuè, seu disiunctiuè, aliàs ad implendum in hoc loco Regulæ præceptum, sufficeret, vt quis non accipiat pecuniam, licèt accipiat denarios: vel è contra; quia vt dixi, ad veritatem alternatiuæ, seu disiunctiuæ negantis, vt verificetur dispositio illam habens, sufficit, non fieri vnum, quamuis alterum factum sit, vt ibidem probat Barbosa cum alijs in *l. Si quis ita nu. 192. in fine, ff. de verb. oblig. & in l. Si is, qui §. 1. versu vtrum, ff. de rebus dubijs*. Ergo debet dicere, quod stet declaratiuè; Consequenter in hoc præcepto hæc duo sunt Synonima, atque idem significancia, denarij videlicet & pecunia.]

19. Comm. Respondetur ly *Denarios*, vel *Pecuniam*. Hic accipi disiunctiuè; Sed illatio contra hoc facta per Rozycium est falsissima, Ergo ad implendum hoc praeceptum sufficiet, ut non recipiamus pecunias, & si recipiantur denarij vel è contra. Falsitatem huius illationis constat ex ignorantia procedere regulæ logicalis pro disiunctiuæ propositione; quod si debet inferri: Ergo ad violationem huius praecepti sufficit alterutra pars, ut nempe vel soli denarij, absque pecunia, vel sola pecunia recipiatur absq; Denarijs, vel ( & peius ) vtrumque simul: ut patet ex doctrina in §. antecedenti exposita, cuius exempla etiam in sacris literis obuia passim occurrunt. Qui maledixeris Patri suo, vel Matri; morte moriatur. (Exod. 21.) & in Deuteronomio: Ne fortè decepti faciatis vobis sculptam similitudinem masculi, vel foeminae: similitudinem iumentorum, vel auium, siue piscium. Vmbra tota Rozyciana non poterit hæc praecepta Dei obfuscare contra communem Sanctorum Patrum expositionem, & antiquam Hebræorum praxim; ut videlicet intellecta disiunctiuè violentur per vnus tantum partis infra-

fractionem, vt reus sit, qui soli Patri , non, verò matri , vel è contra maledixerit ; qui solius masculi , non verò foeminæ , vel è contra sculptam sibi fecerit similitudinem. Ab ipsa Minorum Regula non recedamus: in cap. 11. sic cauetur: *Nec fiant Compatres virorum, vel Mulierum, nec hac occasione, inter Fratres, vel de Fratribus scandalum oriatur .* Virorum , vel Mulierum ; inter fratres , vel de fratribus intelligi declaratiuè vt sint synonyma , omnino non posse, cæcis etiam est manifestum , quia sensum disparatissimum important: Cum ergo nemine contradicente , disiunctiuè sint intelligenda , licebit fratribus , vt fiant Compatres mulierum , dummodo non fiant virorum, ex doctrina Rozyciana . Sufficiet ad obseruantiam præcepti, vt non oriatur scandalum inter fratres , etiamsi oriatur de fratribus . Quis audeat ista vel somniando mente reuoluere ? certè pudet in re tam lucida Vmbram prosequi .

(Vmbr.) [ Hinc Siguenza cap.4. textu 2. §.9. de recurſu ad Amicos spirituales postquam dixit , necessitati licet subuenire mediante mone-  
ta, vel pecunia, subdit ; *quæ in isto loco pro eodem sumuntur .* ]



20. Comm. Concedo Patrem Siguen-  
 zam ita notasse, non tamen in sensu ab Vm-  
 bra prætenso, vt generaliter Denarius, &  
 Pecunia sint synonyma; sed notanter expli-  
 cauit (in questo luogo) idest hoc in tracta-  
 tu, hac in materia de recurſu pro necesſi-  
 tatibus infirmorum &c. Ita vt sit sensus;  
 Cum ex Regula, & Pontificijs declaratio-  
 nibus liceat pro huiusmodi necesſitatibus,  
 ad ſubleuatores recurrere, ex cauſis, modis,  
 atque cautelis per Clem. V. aſſignatis, quid-  
 nam erit aut procurandum, aut acceptan-  
 dum, denarius nè, an pecunia? Respondet  
 Siguenza; hoc in loco, hac in materia, ,  
 perindè est de vtroque; vnde hìc multo ma-  
 gis contra Rozycium confirmatur opinio  
 Siguenzæ, qui cum loco præcitato dixiſſet,  
 ab inuicem diſtingui denarium, & pecu-  
 niam; iam non ſibi eſt contrarius, dicendo,  
*accipi pro eodem*, ſed ſuppoſita, quam priùs  
 aſſignauerat, vtriuſque differentia, nunc  
 ſignanter in propoſito, aduertit in factò re-  
 curſus, poſſe ad vtrumque indifferenter  
 recurri. Hoc idem clariùs explicauit Cor-  
 duba (Cord. c. 4. Reg. q. 7.) quæ videre po-  
 terat, ſi voluiſſet Rozycius; dicens, pecu-  
 niæ

niæ nomine in recurſu per Pontifices declarato , etiam venire denarios ; quod explicandum fuerat , ad abigendos ſcrupulos ; quia Nicolaus III. & Clem.V. Pecuniæ nomine ſæpiùs vtuntur , quia eſt veluti genus ad pecuniam numeratam , & non numeratam ; omnis enim denarius eſt pecunia ; ſed non è contra.

(Vmb.) [*Confirmatur* : S. Pater ſicut in hoc loco dat ad paupertatis puritatem ſpectans præceptum , *Præcipio firmiter Fratribus , vt nullo modo denarios vel pecuniam recipiant* ; ita cap. 11. pro puritate caſtitatis, ſub iſdem terminis dat præceptum de vitandis mulierum conſortijs vel conſilijs ; *Præcipio firmiter , ne habeant ſuſpecta conſortia vel conſilia mulierum* ponens *ly* vel declaratiuè inter duas diſtiones, ſermè idem ſignificantes , conſortium ſcilicet & conſilium , niſi quòd vna latiùs pateat quàm altera , nam omne conſilium eſt conſortium , licèt non omne conſortium ſit conſilium . Vndè Hieron. à Politio in cap. 11. Regulæ ſcribens dicit , in eo tria nobis prohiberi, ſuſpecta mulierum conſortia, ingreſſum ad Moniales , & Compaternitates , ſupponens quòd idem ſit non habere ſuſpecta conſortia, vel conſilia . Ergo etiam in hoc præcepto de denarijs, vel pecunia ſic dici debet. ]

21. Comm. Dic Amabò, Rozyci; quare cum illa disiunctiua ex cap. 11. *consortia, vel consilia* non apposuisti ex eodem cap. 11. alias duas disiunctiuas à me supra relatas; *Nefiant compatres virorum, vel mulierum*; & aliam; *ne inter fratres, vel de Fratribus scandalum oriatur*? quia nempè in vltimis solutio inueniri, vel fingi non potuit ad intentum; qualis ex quadam supposita suppositione Politij videbatur occurrere; vt nempè *consortia, vel consilia* in illa disiunctiua sumantur pro eodem; vt supponere (inquis) videtur Politius: vt autem & in hoc elucescat veritas, aduerto 1. Politium, hoc nullibi dixisse; quòd autem hoc supposuerit; gratis, & absque vlllo fundamento illi adscribitur; legerat enim Politius, vt ex eius opere constat, S. Bonauenturam; qui vt aduerto secundò ex Modoxtia super c. 11. Reg. (fol. 799.) docet expressè per suspecta mulierum consortia prohiberi conuersationem illam, quæ possit grauem carnis tentationem, aut periculum, aut scandalum generare: per consilia verò mulierum prohiberi, colloquia ad carnis spurcicias collimantia, vel è quibus possit de tali

fine



sine suspicio, vel scandalum apud alios oriri. Peccat ergo contra huiusmodi præceptum, qui suspecta mulierum habent colloquia sine consortio, vel è contra; ex quo præmissa iam à nobis doctrina confirmatur; & Vmbræ deductio Vmbratilis esse conuincitur.

(22) Addit exinde nouam sibi obiectionem Rozycius ex eodem cap. 4. Regulæ; illa ex disiunctiua; *Per se, vel per interpositam personam* quam tamen respondet esse ut alias, nullius momenti; quia etiam *per se, vel per interpositam personam*, sunt synonyma, & pro eodem à Legislatore solum declaratiuè ponuntur. Sic ait:

(Vmr.) [*Resp. neg. anteced.* Sed ponitur declaratiuè, quia non ponitur inter diuersa formaliter; ita quod aliud prohibeatur sub illa particula *per se*, & aliud sub illa *per interpositam personam*; nam utrobique prohibetur denarios, vel pecuniam authoritate Fratrum recipere, & expendere: hæc enim formaliter sonat recipere, ut notat Sanctorius fol. 558. & includit secundum Hugonem, proprietatem, & vsum. Possumus autem authoritatem nostram exercere, tam per nos ipsos, quam per alios; ita ut quòd ab alijs nostro nomine, & auctoritate fit, à nobis fieri

censeatur : iuxta illud : *Qui per alium facit , per se facit, de restit. spoliator. cap. Cum venisset*, idè S. Pater ad eiusdem præcepti declarationem ponit illas duas particulas , *per se , vel per interpositam personam*; ita quod illa particula *vel* ponatur inrer duo idem significantia moraliter: nani persona interposita, hoc loco est velut persona Fratris repræsentatiuè , Fratrem repræsentans, & in eius quasi virtute recipiens, vt dicit Marchant. fol. 225. vnde non obstante hac particula , *glossa in Clementina Exiui verbo Cippi , vel trunci* postquam assignauit differentiam inter denarios , & pecuniam, quod scil. denarius est, qui pro deceni nummis olim impurabatur ; pecunia verò propriè est substantia de pecoribus proueniens &c. subdit; quod tamen hic accipitur pro eodem. ]

23. Comm. Nullitas etiam huius Vmbratilis fictionis vt appareat , & cognoscat Rozycius , peccari contra istud secundum præceptum huius 4. Capituli; Si *per se* ipsum immediatè ; nulla interposita persona , vel non per se ipsum , sed per interpositam personam, denarios, vel pecunias recipiant; sufficiat authoritas Siguenzæ loc. cit. cap. 4. text. 1. §. 5. Cord. quæst. 3. punc. 2. Monoætia fol. 269. Patti par. 2. tract. 1. cap. 2. num. 7. & aliorum, qui post S. Bonauenturam, 4. Ma-  
 gi-

gistros, Hugonem, & Pisanum, docent vni-  
 formiter, ex verborum proprietate, quod  
 diuersa sint hæc ad inuicem, atque dispa-  
 rata; Siquidem recipere pecuniam per se,  
 sit etiam nullo alio interposito, per se im-  
 mediatè recipere, contrectare, vel expen-  
 dere autoritate sua; recipere verò per in-  
 terpositam personam, est, aliam personam,  
 autoritate Fratrum deputare ad recipien-  
 dum expendendum, &c. pecuniam; Vnde  
 potest hoc etiam præceptum modo iam ex-  
 plicato disunctiuè violari.

(Vmbr.) [*Nec valet dicere* cum Ponzanello,  
 accipi pro eodem, non quo ad substantiam, sed  
 quo ad obligationem coarctantem Fratres, ne  
 recipiant illam. Quia eo modo dicit, hic seu  
 in hoc loco, ubi agitur de præcepto Regulæ, ac-  
 cipi pro eodem, quo superius dixit, distingui, ut  
 patet ex particula aduersatiua *tamen*, quæ ex  
 natura sua ponit in secundo casu diuersum ab  
 eo, quod positum est in primo: aliàs inconse-  
 quenter loqueretur; sed supra, dixit, pecuniam  
 & denarios distingui, quod ad substantiam. Er-  
 go hic dicit esse idem quoad substantiam. Et  
 certè hac ratione non solum denarius, & pecu-  
 nia deberent dici idem, sed omnia prorsus ut  
 proprietas, equitatio sine necessitate cogente,  
 aut infirmitate &c. possent dici esse idem cum  
 dena-



denarijs, & pecunia, scilicet quo ad obligationem coarctantem Fratres; cum ad omnia æquè strictè obligentur Fratres sub peccato nimirum mortali. Nec est alicuius momenti differentia, quam adhibuit P. Ponzanellus inter prohibitionem denariorum, & pecuniæ, quod scil. denarij, seu pecunia numerata prohibeantur absolute, & sine vlla exceptione, ita vt nunquam ex vlllo modo licitum sit Fratri Minori (regulariter loquendo) eam contrectare: Pecunia vero largè sumpta, sine omnia, quæ reduci possunt ad pecuniam numeratam, vt secundùm communem accipitur, in Regula prohibetur, non sic absolute, ac principalitèr, sed quatenus tendunt ad vsum, & contrectationem pecuniæ numeratæ; cum exceptione, quod Fratres possint vti aliquibus in propria specie, quæ sunt prohibita solùm, quando non sunt apta ad talem vsum, ad quem deferuire deberent; vt quando recipiuntur, aut quærentur à Fratribus mediante pretio. Hoc inquam nihil valet, quia sicut vsus pecuniæ largè sumptæ, v.g. Domus panis, olei &c. aliquando est licitus, aliquando illicitus; ita vsus denariorum, seu pecuniæ numeratæ aliquando est licitus, & non prohibitus, aliquando illicitus, & prohibitus: vt pat. in respons. ipsius P. Pelandi ad probationem P. Marchantij quintam suæ conclusionis, & omnino æqualiter prohibetur in regula denarius, vt denarius, sicut pecunia vt pecunia, supposito quod distinguantur. ]

24. Comm. Quicquid dicat , vel non dicat Ponzanellus , probauimus nos in superioribus , denarium à pecunia distingui , quo ad substantiam ; quod nunquam euacuabit Rozycius ; concedo tamen , quòd denarij semper , & absolutè sint minoribus interdìcti : pecunia verò largè sumpta , vt explicat Rozycius , pro quacunque re pretio æstimabili solùm prohibetur , quatenùs tendit ad vsum pecuniæ numeratæ , quia rerum eiusmodi vsus aliquando est licitus , aliquando illicitus ; & hoc confirmat , quod denarius , & pecunia sint substantialiter disparata . Eadem namque res , vt granum , libri &c. Si recipiatur pro vera necessitate ad vtendum in propria specie , non sunt pecunia in Regula prohibita ; si autem recipiantur , vt distrahantur , sunt pecunia in Regula prohibita .

(Vmb.) [Nec rationabiliter facit P. Ponzanellus pro parte sua trahens doctrinam Seraphici Doctoris , quasi id insinuaret in suo discursu , dum in sua expositione cap.4. dicit præcipi , ne recipiant denarios , vel pecuniam , vel vllam possessionem terream in pecoribus , siue generaliter in omnibus , quæ paupertatem altissimam labefaciunt ; & præcipue loquitur de pecunia

pecunia numerata. Sic ille (inquit Ponzanellus) ubi  
verba videntur facere dictum sensum attenta illa di-  
visione præcipue, quæ de iure maiorem esse rationem  
ostendit, in pecunia numerata prohibitionis, quam in  
alijs: cetera tamen non excludendo, ut patet per  
Barbos. dict. l. 97. & 275. Et sic non solum pecunia  
numerata, sed & alia ad illam ordinata censentur in  
Regula Fratrum Minorum prohibita; quæ est com-  
munis Expositorum, & P.P. sententia: Hac Pon-  
zanellus.

Sed quam immeritò ostendo: quia Seraphi-  
cus Doctor non dicit, possessionem terrenam in  
pecoribus, & in omnibus, quæ labefactant pau-  
pertatem, esse prohibitam in hoc cap. 4. Regulæ:  
aliàs nec ipse distingueret Capitula, & prohibi-  
tiones Regulæ, ut dicunt 4. Magistri; constat  
enim quòd proprietas, & possessio rerum prohi-  
betur cap. 6. loquitur ergo S. Doctor de tribus  
sequentibus Regulæ capitibus, quarto scilicet;  
quinto, & sexto, tanquam de tribus Portis spi-  
ritualis ciuitatis, contra Aquilonis insidias mu-  
nitæ, ut pater ex textu ipsiusmet, quarum pri-  
ma (idest quarta) excludit periculum Iudæ, pro  
pecunia Dominum tradentis; Secunda tollit pe-  
riculum fidei Religionis, tertia aufert pericu-  
lum multitudinis, pro communibus appropria-  
tis rebus contendentis: dicit ergo S. Doctor,  
quòd volens Dominus per S. P. Franciscum à  
Religione sua (quam Hortum conclusum, &  
fontem signatum immediate appellat) radicem



avaritiæ penitus excludere , præcepit (scilicet in his tribus Capitulis regulæ) ne recipiant Fratres denarios , vel pecuniam, vel ullam possessionem, quæ altissimam paupertatem labefactant . Deinde de hoc cap. 4. particulariter determinans dicit & præcipue (idest hic cap.4.) loquitur de pecunia numerata, ita ut ly præcipue referatur ad cap.4. cætera etiam includendo in prohibitione , non in hoc , sed in alijs sequentibus capitibus . Et quòd hoc velit S. Doctor , colligitur , dum dicit in hoc cap. 4. excludi periculum Iudæ Dominum tradentis pro pecunia ; quæ utique fuit numerata . Item dum dicit ulterius , hoc præceptum trahi ex Evangelio Matthæi 10. ubi dicitur : *Nolite possidere aurum neque argentum, neque pecuniam.* In quo loco Expolitores , præsertim Cornelius putat , prohiberi pecuniam numeratam , itaut per aurum , intelligantur nummi aurei ; per argentum , argentei ; per pecuniam , quicumque alij nummi ; v. g. Ænei prout ibidem deducit ex Græco . *Triplex* , inquit Cornelius , *est pecunia: aurea , argentea , anea ; imò omnis pecunia* , ait Budæus de Assè , *primo fuit anea, deinde argentea, deum aurea* : Ergo cum illud præceptum idem secundum D. Bonau. quod ponitur in citato Evangelij loco , ponatur & in hoc capite 4. Regulæ eandem in se prohibitionis continebit materiam , itaut denarij , & pecunia utrobique sumantur pro pecunia numerata , ac ita sint ferè synonyma iuxta D. Bonaventuram.

25. Comm. Malè obfuscatur Seraphicam  
 S. Bonaventuræ doctrinam hæc Vmbra; Si-  
 quidem ex ipsius textu apparet, quòd etsi  
 pecora, & alia huiusmodi sub alio prætex-  
 tu prohibeantur in cap. 6. Regulæ, quate-  
 nus scilicet tendunt ad ingerendam pro-  
 prietatem, vel thesaurizationem; tamen  
 S. Doctor, explicando seorsim cap. 4. & po-  
 stea sextum, hìc intendit sub alio respectu  
 in hoc cap. 4. prohiberi pecuniã &c. quate-  
 nus induunt rationem pecuniæ; quia reci-  
 piuntur eo animo, vt æstimato pretio di-  
 strahantur: & optimè Ponzanellus ponde-  
 ravit ad intentum particulam illam reflexi-  
 uam, *Præcipuè de pecunia numerata*, quia  
 in hac facilius, & frequentius est pericu-  
 lum; & per istã Christum à Iuda venditum  
 esse describitur. Quod autem reperiatur  
 pecunia numerata (idest denarius) aurea,  
 vel argentea, & ænea; siue quauis alia de  
 materia; id non euacuat, quin S. Patriar-  
 cha omnem pecuniam latiùs patentem,  
 idest pro omni re recepta in ordine ad pre-  
 tium, interdixerit.

(Vmb.) [Prob. 2. Principalis assertio, quòd  
 scil. Pecuniæ nomine in Regula Fratrum Mino-  
 rum

rum non possit intelligi res omnis, quæ recipitur eo animo, vt vendatur, aut distrahatur &c. Sic Nicol. III. in Extrauag. *Exijt qui seminat &c.* permittit Fratribus Minoribus, accipere legatum alicuius domus, agri &c. vt per personas idoneas vendantur, & pecunia in Fratrum necessitates expendatur. Ergo secundum Nicol. III. legatum, vel domus, quæ acceptatur, non est pecunia; sed potius pecunia ex domus venditione conflatur, quæ tum demum per personas idoneas in necessitates conuertitur: Ergo nec simpliciter granum, aut aliud quoduis (exceptis denarijs) quod Frater Minor recipiat ad hoc, vt per personas idoneas vendat, distrahat, aut commutet, reputari debet pecunia formaliter, quantumuis ex illa re pecunia conflare possit.]

26. Comm. Serius iam insinuari videtur hæc controuersia per Decretales Apostolicas. Antequam ad hæc respondeam, vnum quid essentiale prænotare debui; Nec Nicol. III. in sua *Exijt*, nec Clem. V. in sua *Exini* declararunt ex professo, quid Denarij, quid Pecuniæ, nomine in Regula intelligatur; an sint ad inuicem synonyma, vel diuersa, Ratio esse potuit duplex, prima generalis; quia cum ad exarandas illas decretales conuenerint ad primam in loco



Soriani iubente Nicolao , præcipui de Curia Pontificia , & aliundè conuocati Iurisperiti ; & eodem modo in Concilio Generali Viennensi coram Clemente ad secundam ex generalibus Regulis iuris , & ex vniformi Doctorum sensu , præsupponebant , illa esse diuersa , Denarium esse monetam authoritate publica cusam , Pecunia verò , quicquid recipitur , vt æstimato pretio vendatur ; eo vel maximè quia & ex constitutione antiqua Ordinis , quam supra retulimus , ita fuisse iam declaratum supponebant , quam constitutionem vnà cum cæteris , & cum expositione quatuor Magistrorum ibi discussam fuisse , dubitare non licet . Specialiùs verò id ipsum supponebant , ex repetita ter vtriusque prohibitione in Regula semper eodem modo , necnon ex declarata superiùs intentione S. Frãcisçi ; quã ideò dicit Nicolaus ipse , haberi velle vt fundamentum præcipuum in illa sua decretali : Huius signum est ; quòd etsi per rarò ( vt optimè notauit Rozycius ) ambo isti Pontifices , denarium , & pecuniam vniuiusè nominent ; nunquam tamen Denarium absque pecunia , sed sæpissimè Pecuniam abs-

absque Denario ; ratio est, quia vt superiùs adnotaui; sub Denario non comprahenditur pecunia , benè tamen è contra pecuniæ nomine venit denarius, pecunia numerata, & pecunia non numerata, idest res æstimato pretio distrahibiles hisce prænotatis .

27. Respondeo , ( quicquid dixerit Pelandus ) negando absolutè totum Rozycij fundamentum, videlicet in illa Nicolai III. Papæ decretali *Exyt* concedi Fratribus, vt possint domum &c. aut aliud legatum sibi factum acceptare, quod postea per personas idoneas ( quas subsequenter pessimè dicit, esse Syndicum Apostolicum ) vendatur, ad hoc, vt pretium in necessitates Fratrum conuertatur. Legatur attentè textus : Tres enim modos illo in Articulo assignat, quibus & pecunia, & legata, & oblata possunt Ordini obuenire; primò, vt offerantur sub modo Fratribus illicito; v. g. domus ad locandum, ager ad excollendum &c. secundò, vt in oblatione modus explicetur Fratribus licitus, vt si detur alicui sæculari pecunia pro Fratrum necessitatibus expendenda, domus vt vendatur, & pretium in legitimis Fratrum

necessitatibus expendatur &c. tertio ut fiat  
 donatio, vel legatum, vel eleemosyna Or-  
 dini sub modo indifferenti; v. gr. domus,  
 ager legetur Fratribus, nihil specificando  
 de modo licito, vel illicito; Primum do-  
 nationis, aut legati modum vult ibi Pon-  
 tificex à Fratribus recipi non posse, quia  
 eorum statui repugnat; ut pecuniam con-  
 tractare, vel disponere authoritate propria,  
 domum tenere locandam &c. Tertium  
 modum ex rationabili, atque pia donatio-  
 nis, siue legantis intentione declarat, in-  
 telligi debere, ut secundum, nempe sub  
 modo licito; v. g. legauit quis domum  
 suam Fratribus; intelligendus est, eam le-  
 gasse, ut modo licito in Fratrum neces-  
 sitates conuertatur: his prænotatis deter-  
 minat Pontifex ibidem, quòd pecunia se-  
 cundo, vel tertio modo donata, vel oblata  
 Fratribus nunquam ex Fratrum authorita-  
 te, vel nomine, sed semper nomine, & au-  
 thoritate dantis, (etiamsi personæ diuersæ  
 forent subrogandæ etiam per Fratres ipsos  
 aliquando nominandæ) pro Fratrum neces-  
 sitatibus expendatur: de legatis postea in  
 eodem artic. 3. definit idem omnino esse  
 intel-



intelligendum , ac de pecuniarijs eleemosynis : Ergo nunquam ibi concedit Pontifex , vt Fratres domum vendendam , aut aliud tale legatum vlllo modo recipiant , vt vendatur : verùm ex quo ibidem præcipit , & quidem grauissimè , vt pia testantium voluntas adimpleatur , heredum compescatur auaritia , Fratrumque necessitatibus prouideatur ; posset exinde videri talia , in Sedis Apostolicæ dominium esse translata , & eius authoritate vendi per Syndicum Apostolicum : sed quia in art. 2. §. *Ad hæc vt fratres* &c. iam decreuerat ipse Papa , nihil præter vtensilia , & mobilia fratrum , vsui necessaria , & licita , & ad summum loca suæ habitationis ( si expressè remittantur ) in Sedis Apostolicæ dominium acceptari ; pecuniarias verò eleemosynas in art. 3. expressè declarauerat , in dantis semper remanere potestate , §. *caterum* , & tandem in §. *Ad hæc quia* definit authenticè , de legatis idem esse intelligendum , ac de pecunijs constat euidentissimè , legata huiusmodi nullo modo ad fratres , vel ad Syndicum Apostolicum , vel ad Sedem Apostolicam , ex decretali-

bus istis *Exijt*, & *exini*, pertinere; sed obligari hæredes, & Iudices &c. vt ad implendam Testatoris voluntatem, per personas idoneas, & fideles, & Deum timentes vendantur, eorumque de pretio fratrum necessitatibus prouideatur. Fratribus autem ius nullum acquiritur; sed tantum licet suas necessitates exponere, quibus est prouidendum. Sic examinanda sunt seriò, non superficialiter allegando verba decretalium: non itaque malè responderat Pellandus; illud legatum nullo modo esse pecuniam fratribus à Papa concessam. Quinimò, etiamsi utensilium, atque mobile, quarum vsum liceat fratribus habere, proprietatem in se assumpserit Pontifex; illicò tamen in §. *Insuper* nec utensilia, siue mobilia habere permittit ad prætiositatem, ad superfluitatem, vel ad thesaurizationem, vel in ordine ad vendendum: vnde cum illa sola, in sui, & Sedis Apostolicæ dominium recipiat, quorum vsum liceat fratribus habere, hæc autem superflua, vendibilia &c. dicat non licere fratribus habere, sequitur quòd non transeant in Sedis Apostolicæ dominium: Sic

ha-

habet speculum Minorum apud Corduba  
q.2.c.6. & alij communiter.

28. Adde *cap. Exini de verborum signif.*)

quòd si in prohibitione generali secundum  
iura, illud omne prohibetur, quod expres-  
sè, non conceditur, unde concessio vnus  
confirmat inhibitionem alterius; quia se-  
cundum Regulam, & Pontificias constitu-  
tiones omnis qualiscunque venditio fra-  
tribus prohibetur, cum sola utensilia, &  
mobilia, quæ licitè habuerunt, iam facta,  
inutilia, concedat per Ministros commu-  
tari absque pretio tacitè, vel expressè  
æstimato, ( quia hoc est interpretata ven-  
ditio ); æstimato verò pretio per Syndi-  
cum Apostolicum alienari; sequitur eui-  
dentissimè; legata illa neque per fratres,  
neque per Syndicum Apostolicum, sed per  
hæredes, Iudices &c. esse vendenda, quæ  
omnia confirmantur in Clementina *Exini*  
art.6.

[Vimbra] *Contra primò*; Vt aliquid non fiat  
authoritate fratrum non est prohibitum in hoc  
cap. de pecunia, sed id prohibetur cap. 6. vt  
benè aduertunt quatuor Magistri cum Hugo-



ne in cap. 4. Regulæ: Ergo quod venditio fiat auctoritate fratrum, non erit contra hoc præceptum, sed contra illud sextum, consequenter venditionem auctoritate fratrum fieri, non erit recipere pecuniam, sed potius appropriare sibi aliquid ]

29. Comm. Distingue ergo Rozyci inter quarti, & sexti capituli Præcepta, ut docent 4. Magistri, & Hugo à te iam superius hac de causa allegati: concedo, quòd omnis venditio in genere, fratrum auctoritate facta peccet contra sextum capitulum Regulæ in quo proprietas omnis inhibetur: at non negant, immò docent illi ipsi venditionem rei pecuniariæ duplicatiuè, quatenus pecuniæ receptionem inuoluit contra quartum impingere capitulum, vnde sub duplici consideratione duplex Regulæ capitulum offendit.

[ Vmbra ] Confirmatur Statuta Reformatore generalia Romana 1643. confirmata ab Urbano VIII. in cap. 6. Regulæ n. 5. decernunt sic: *Vendere, vel procurare, ut vendantur quocumque modo res, quæ nascuntur in hortis nostris, est proprietas sicuti etiam esset vendere res procuratas pro usu fratrum, nisi fortasse haberetur licentia ab ipso*  
do-

danante; & hoc fieret mediante Syndico Apostolico ,  
 & propterea debent tales puniri ut proprietarij: Ergo  
 secundum statuta fratres recipientes, procuran-  
 tes &c. res ad vendendum, distrahendum, im-  
 pingunt in præceptum de proprietate vitanda,  
 non in præceptum de pecunia non recipienda.  
 Quamvis enim loquantur epressè de rebus pro-  
 curatis pro usu fratrum, tamen de his, si ven-  
 dantur, distrahantur, & loco denariorum ope-  
 rarijs, & mercatoribus dentur, eadem est ratio  
 secundum P. Pelandum suæ lucis fol. 34. ac de  
 illis, quæ mendicantur, recipiuntur, ut vendan-  
 tur, commutentur &c. quantum ad rationem,  
 pecuniæ ]

30. Comm. Nil mirum, quod Vm-  
 bram Vmbræ copulando fiat obscuritas, &  
 tenebræ: per Rozycium, qui recipit, aut  
 emendicat res pretio distrahibiles, & ani-  
 mo ut sic distrahantur, non peccat in quar-  
 tum, sed in sextum cap. Regulæ, quia per  
 statuta pœna proprietarij puniuntur, sed  
 & per omnia tum generalia, tum reforma-  
 ta statuta Ordinis, proprietarij declarantur,  
 & pœna proprietarij puniuntur quotquot  
 denarios habere, vel habuisse conuincan-  
 tur; Salmat. 1553. Vallisol. 1593. Segobien.  
 1621. Sambuc. 1658. & Reformata

hïc citata ; ergo denarios etiam immediatè  
per se recipientes , & expedientes , non  
peccant in quartum , sed in sextum Regulæ  
Capitulum ; qui ergo erunt , huius quarti  
capituli transgressores ? Soluat si potest  
Rozycius argumentum . Sed lucem de  
luce faciet clariorem , si statutum copula-  
uerit statuto : statutum Reform. in Vmbra  
hïc allegatum est in cap. 6. sub num. 5. sed  
iam in cap. 4. num. 10. expressè declaraue-  
rant eodem modo , reum esse proprietatis ,  
qui res quasunque emendicauerit , vt in  
alias etiam , etiam si necessarias , & licitas  
commutentur ; *Quia* ( nota benè ) *hoc est*  
*mendicare pecuniam* debuit ergo author  
Vmbre aduertere , quòd proprietarij pœ-  
næ taxatio in casu nostro non tollit offen-  
sionem huius præcepti , sed in omnibus  
Ordinis , & Reformationis statutis alia  
nulla pœna denarij , vel pecuniæ , recepto-  
ribus assignatur , nisi pœna proprietarijs  
taxata ; vt in præcit. Salmat. Tolet. Vallisol.  
& alijs passim est videre , & clarissimè in  
allegatis ab ipso statutis Reform. cap. 4.  
in initio . Communis itaque est pœna  
quarti , & sexti capituli transgressoribus  
impo-



imposita; non quia sint vnum, & idem præceptum, sed quia consimilem imbibunt malitiam.

31. Quod autem illa venditio fieri possit ex commissione dantis principalis, etiam specialiter committendo fratribus, ut venditorem nominent; & tamen tunc nisi per Syndicum Apostolicum vendi non liceat, iuxta illa statuta per Pontificem confirmata; nil iuuat ad intentum Rozycij; nec enim ius aliquod exinde Syndico, ut tali, acquiritur. Cum enim donans principalis velit fratrum succurrere necessitatibus modo licito, & ipse vel nequeat, vel nolit venditioni huic intendere, nec substitutum nominare, sed fratribus id committit; certè ut habetur in allegata decretali *Exijtillum* pro se in tali venditione substituit, quem fratres nominauerint. Quod attamen fratribus alium à Syndico nominare non liceat; non ideò est, quia res illa in Sedis Apostolicæ dominium per Syndicum transferit. cum contrarium fuerit expressè, ut prænotauimus à Nicolao III. declaratum; sed ideò alium nominare fratribus non licet, per coarctationem à statutis

tutis impositam , ad effugiendas fraudes , & errores , qui plurimi possent in huiusmodi casibus occurrere ; possent enim fratres , vel in nominando , vel nominati de Regula nostra non instructi multiformiter errare : Cum verò semper sit ad hæc nominatus Syndicus , fraudis locus non datur in fratribus , vt avaritia obcæcati sibi aliquid approprient ; & Syndicus iam vsuperitus securius agit in contrectatione negotij : nominatur tamen à fratribus auctoritate dantis , cuius etiam auctoritate , & nomine negotium suscipit exequendum , non verò vt Syndicus , & Sedis Apostolicæ Minister ; etsi ad cautelam possit ipse solus à fratribus nominari . Hic ergo vniuersaliter errauit graui æquiuocatione Author Vmbraë , dum ex repetita sæpius huiusmodi nominatione Syndici ad vendendum , ad recipiendam pecuniam &c. putauit , aut putare fingit , Syndicum talia , vt Syndicum reduplicatiuè peragere : quod est falsissimum , & contra Nicol. III. citatam decretalem .

[Vmbra] *Confirm.* 2. Non est necesse, quòd  
Fra-

Fratres procurando, & mendicando granum, oleum &c. vt vendatur, intendant commutare granum in denarios, vel vti grano &c. loco denariorum, sed possunt circa hæc ita se gerere, sicut dum acceptant legatum, v. g. agrum, vineam &c. vt vendantur, & pecunia in eorum necessitates commutetur, scil. intendendo solum res sibi necessarias in specie: & venditio fieri potest vel per amicum spiritualem, auctoritate donatarij (cuius si in similibus casibus de aliqua causa rationabili non possint habere expressam, præsumptam, seu interpretatiuam licentiam, & voluntatem aiunt sufficere Expositores, præsertim Politius in cap. 4. Regulæ fol. 380. num. 34. §. si indeterminatè &c.) vel auctoritate Papæ per Syndicum, si dominium rei sibi non reservauit donator; Ergo saltem taliter recipere res, vt granum, oleum &c. vt vendantur, non erit recipere pecuniam, hoc autem sufficit intentioni P. Marchant. Nec sanè apparet ratio, quare fratres acceptando legatum domus v. g. agri &c. vt vendatur, & pecunia in eorum necessitates conuertatur, non intendant legato illo vti loco denariorum, consequenter non recipiant pecuniam, & quare mendicando granum, oleum &c. vt vendatur, & pecunia in eorum necessitates conuertatur, intendant vti grano, oleo &c. loco denariorum, & consequenter recipiant pecuniam? vel quare possint facere, illa legata vendi auctoritate aliena, scil. vel



Ecclesiæ, vel dantis, & quare non possint ita vendi facere granum, oleum &c. sed authoritate propria. ]

32. Comm. Vniuersus hic discursus in æquiuatione laborat, quam superius explicauimus vbi num. 24. ex allegata decretali *Exijt* aperte docuimus; illa legata nullo modo à fratribus recipi (quoad Reformatos, qui ad illas decretales omnimodè obligantur) sed obligationem factam hæredi, Iudici &c. vt vendantur &c. fratribus autem ius nullum acquiri, nisi vt necessitates suas explicare valeant, quibus sit prouidendum; vnde nulla est illatio à legato ad mendicata. Qualis autem est illa fictio metaphysica, vt fratres mendicando vendenda, venditionem, & consequenter pecuniam non intendant, sed tantum, vt per alios ex ijs suæ necessitati prouideatur, quod sine venditione, atque pecunia fieri non posse præcognoscunt?

[ Vmbra ] *Contra secundò*. Dato non concesso, quòd res mendicæ vt vendantur, distrahantur &c. sint pecunia, certum tamen est ex Corduba in cap. 4. q. 4. punct. 3. res illas non prius

prius posse habere rationem pecuniæ, quam re ipsa, & ex pacto interuenire solito inter emptorem, & venditorem, tales res tradantur: Ergo quando petuntur, & accipiuntur à fratribus, & quandiu manent in manibus fratrum non sunt pecunia respectu fratrum; neque est receptio politica pecuniæ respectu ipsorum si non accipiuntur, vt authoritate fratrum vendantur, aut distrahantur ( vt supponitur posse imò debere, omnino fieri ) quia non conuenit eis definitio pecuniæ, neque receptionis pecuniæ per se; consequenter solum respectu amici spiritualis distrahentis, seu respectu eius, cuius authoritate venditur, seu distrahitur, est pecunia, & politica receptio pecuniæ. Et concordant cum his expressæ: Summ. Ang. tit. Pecunia, & Summ. Ros. eodem tit. & speculum ff. 6. & Tab. 19. Vicarij Generalis vbi habetur, quod res, quæ petuntur, vt distrahantur, tradantur amicis spiritualibus distrahendæ. vide Cord. loco cit.]

33. Comm. Multipliciter errauit hîc Rozycius: primò etenim; Esto Corduba, q. 4. verè ad intentum Rozycij dixisset, rem pretio vendibilem mendicatam à fratribus non habere rationem pecuniæ nisi dum tradita est ad vendendum; parùm esset de illius dicto, qui est de corpore Regularis Observantiæ curandum, vbi agitur de

arctiori Reformatorum obseruantia; secundo contra Cordubam, Angelum, & alios ab ipso ibi citatos, si verò pro Rozycio dixissent, habemus textum Euangelicum; *Qui viderit mulierem ad concupiscendum eam, iam machatus est in corde suo Matth.5.* Ergo, & qui mendicat, aut recipit aliquid, ut æstimato pretio distrahatur, iam pretium, & pecuniam intendit in corde suo. Tamen, ne iniuste Cordubæ, Angelo, & alijs viris doctissimis inferatur iniuria; Resp. 3. illos non distortè sed integrè, & sanè esse referendos, & intelligendos: Corduba siquidem illa q.4. punct.3. repetit apertè, quod res distrahenda pro alia, est verè pecunia, licèt non numerata (quid clarius?) tamen potest à fratribus licitè tangi, & ad eum deferri, qui debet illam distrahere; *Dummodo aliàs licitè petatur, & distrahatur*: hoc est Cordubæ fundamentum: quia, inquit, supposita licita receptione, in manibus fratrum non est pecunia, sed in manu distrahentis: Et illi concordant in hoc Angelus, & alij; sed quando licitè à fratribus recipitur? non absolute mandicando res vendibiles; quia, inquit,



quit, Corduba, *est pecuniam mendicare*; sed tunc solum; quando sua explicata necessitate per fratres, datur aliquid à Benefactore, ut nomine suo ad alium deferatur distrahendum, ut fratrum necessitati prouideatur: quia tunc optimè secundum Cordubam, frater in eo casu tantum materialiter, & non ciuilitè illam rem accipit, contrahit, & defert; & sic in manu eius non est formaliter pecunia, quod non valet in omni medicatione rei vendibilis; nec ad hoc possunt citari, vel Corduba, vel alij nisi ex malitiosa æquiuatione.

[Vmbra] Dices cum P. Pelando: Syndicos, & Procuratores Papæ non esse personas idoneas ad vendendum granum, oleum &c. & alias res mendicatas hac intentione à fratribus, ut vendantur: quia tale dominium ad Ecclesiam Romanam, & Papam non pertinet. Pontifex enim recipit dominium solum rerum mobilium, *quæ sunt in usu fratrum, & Ordinis, & interdum contingit eas vendi, aut commutari ob vetustatem, aut inutilitatem: non autem mobilia, quæ recipiuntur ut vendantur, ut patet ex Nicolao III. art. 6. §. quia verò.*]

34. Comm. Optima est oppositio Pelandi, quæ in allegata ibi decretali litera-liter habet fundamentum .

[Vmbra] *Ad hoc antequam respondeam* : Prænoto in hac instantia P. Pelandi inuolui quæstionem minimè in praxi vtilem , ad vtilitatem obseruantix Regulæ Minoriticæ , sed magis curiosam , & speculatiuam : an scilicet pecunia fratribus pro necessitatibus præsentibus , vel imminentibus donata , vel pro laborio oblata , aut ex testamento legata , cuius dominio dantes renuntiant , maneat in dominio Papæ , seu Ecclesiæ Romanæ ? sic enim illam resoluit Corduba fol: 399. ex Diuo Bonauent. in epist. ad Magistr. Innominat. quòd non pertinet ad Fratres scire , cuius sit illa pecunia ; sicut neque de alijs rebus aliorum hominum pertinet ad fratres scire , cuius sint , cuius non : dummodo ipsorum fratrum non sint omnino : & hoc sufficit ipsis fratribus pro ipsorum conscientia , hec ille , & concordat Hugo cap. 4. dicens : Non tibi dat quisquam , nisi vult expropriari : nec tu quid recipis , nisi velis ei dominari . Namque recepta data , sibi sunt aduersa relata : dans suo priuatur , recipit , qui post dominatur : nam sine consensu vero , vel interpretatio saltem tacito , vel probabiliter præsumpto non acquiritur vlla possessio , etiam in foro humano , vt D. Bonauen. cap. 4. ait ? Vide Chronicon. de S. Patre , qui

expulit Fratres de domo Bononiensi, cò quod dicebatur domus Fratrum, par. 1. lib. 2. cap. 20.]

35. Comm. Concedo grauem illam, controuerſiam illo è puncto deduci; & venerandam prorsus eſſe Seraphici Bonauenturæ doctrinam: ſed benè legendus Corduba non in loco tantum hic citato, ſed & cap. 4. q. 7. & cap. 6. q. 1. & 14. vbi doctiſſimè tractat hanc quæſtionem, atque præſuppoſita, ſiue præmiſſa diſtinctione de ijs rebus, quarum vſus eſt nobis licitus, quantum eſt de ratione materiæ, v. g. calices, libri &c. illicitus verò ratione circumſtantiæ, quia nempe ſunt nimis pretioſæ, ſuperfluæ &c. & rerum, quarum vſus nobis omnino repugnat vt pecunia ( ſub cuius nomine veniunt etiam denarij, vt ait ipſe Corduba cit. q. 7. ) de primis ergo reſoluit, titulo aliquo fieri poſſe, vt tranſeant in dominium Sedis Apoſtolicæ; de ſecundis verò; ideſt de pecunia, nequaquam, vt docet, ſpeculum Fratrum Minorum fol. 7. à Corduba ipſo citatum; ratio eſt ex ipſa decretali Nicolai III. diſponente. Certè in dominium fratrum non tranſit; quia ne-



mo inuitus potest dominium acquirere : si ergo, & Pontifex, & alij hoc recusent, Deo acquiritur, quod pro Deo donatur ; vt ex Hugone notauit optimè Marchant. cap. 4. q. 4. tit. 1. quod poterat aduertere Rozycius. Hoc ipsum plenius infra num. 42. resoluemus.

[Vmbra] Particulariter tamen ad instantiam respondeo. *Dico primò: Personas idoneas ad vendendum granum, oleum, & alias res mendicatas à fratribus intentione eas vendendi ( dato non concesso, quod essent pecunia ) esse vel ipsosmet Benefactores granum, oleum &c. dantes, vel substitutos ab ipsis, quod si ipsimet nolint vendere, commutare &c. nec etiam per se substituere, vt secundum Cordubam ad cap. 4. q. 9. fol. 384. in quotidianis mendicationibus probabiliter creditur fieri, tunc fratres debent eis depositarium nominare quemcunque voluerint, qui ex consensu expresso, vel probabili præsumpto ipsorummet dantium distrahat, vel vendat illud granum, oleum &c. cuius substituti munus potest obire etiam Syndicus Apostolicus, si ita Benefactori placuerit. ]*

36. Comm. Hypotesis, quam negat hic Vmbra, est prorsus indubitabilis, vt iam demonstrauius ex omnibus strictio-  
ris

ris Observantiæ Professoribus &c. & iterum infra probabimus, pecuniam esse quicquid animo distrahendi recipitur. Concedo tamen personam sufficientem ad illorum distractionem, esse etiam nominatam à fratribus, ita volente domino; & etiam Syndicum Apostolicum, non tamen ut Syndicum, sed ut à domino vel dante substitutum, modo in superioribus explicato.

[ Vmbra ] Vnde Emanuel Rodericus tom. 3. q. 39. postquam adduxit authoritatem statutorum Generalium Tolet. decernentium, non esse contra Regulam, uti Syndico etiam ad depouendum pecunias secundum Martin. V. Constit. Ipsemet hoc (præsuppositis necessitatibus veris, præsentibus, vel imminuentibus) esse sine dispensatione, & relaxatione Regulæ deducit. Pecunia enim (inquit) prædicta nomine dantis apponitur, qui prædictis necessitatibus prouideat secundum declarationem Nicolai III. & Syndicus apponitur, & constituitur à Papa (scilicet Martin. V.) ut quædam Generalis persona, que nomine dantis prædictam pecuniam consumat, in quo exonerat ipsum dantem ab inquisitione alicuius personæ, cui talis pecunia suo nomine conseruanda tradatur; dantes enim, eleemosynam facientes dictis fratribus, nolunt perso-

nam querere, dicentes, eos satisfacere, eleemosynam largiendo, & non intelligentes Regulam prædictorum fratrum, ad eos inquisitionem prædictæ personæ remittunt. Et hæc responsio ut magis conformis Regulæ iuxta declarat. Nicol, III. in praxim est amplectenda. ]

37. Comm. De Syndico Martiniano non est cur disputemus, quia Reformatis est interdictus; ideo est amplior eius facultas, quam habet præ Syndico Nicol. III. tamen ad recipiendam, vel expendendam pro fratrum necessitatibus pecuniam nomine, vel autoritate dantis, modo iam explicato, non indiget indulto Martiniano.

[ Vmbra ] Quia tamen P. Marchant. tenet secundum puritatem Regulæ, rerum huiusmodi ac pecuniarum, quas à se dantes omnino repudiant, dominium deuolui ad Sedem Apostolicam, secundum ipsius fundamenta ad præfatam P. Pelandî instantiam. Dico secundò personas idoneas ad vendendum granum, oleum &c. esse Syndicos Apostolicos tanquam Sedis Apostolicæ delegatos. Neque hoc aduersatur decisioni Nicol. III. qui licet s. Quia verò. recipiens in dominium res fratrum, expressè non loquatur de rebus mendicatis, ut vendantur, aut distrahantur &c. sed solum de rebus, quæ erant in usu fratrum;



ramen etiam istæ iure communi, & antiquo in illius dominium deuoluuntur ad effectus licitos, & intentos, prout ipsemet Nicol. III. §. *Ad hæc*, innuit, ostendens ea, quæ propter Deum offeruntur, ad Sedem Apostolicam deuolui (si dominium sibi donantes non reseruarunt) quod & contingit in administratione bonorum Hospitalibus, Xenodochijs, vel mensæ pauperum, relictorum, quæ (si donantes aliud non exprimant) in administrationem Episcoporum, tanquam Sedis Romanæ delegatorum transeunt. *Vide Conc. Trident. sess. 22. de Reformat. cap. 6. & §. & sess. 25. de Reformat. cap. 4.* Imò aliquando in administrationem Reipublicæ transire solent iure ordinario. *Vide Barth. in Minoritica l. 2. dist. 4. §. 2. & §. 3.* Ergo seclusa etiam ordinatione particulari Pontificis, iure communi res illæ, quæ recipiuntur, vt vendantur, commutentur &c. quarum dominium dantes sibi non reseruant, pertinent ad dominium Papæ. Nec sanè est vlla ratio concernens puritatem Regulæ nostræ, cur huiusmodi res non maneant in dominio Papæ, sicut & illæ (supposita necessitate præsentis, vel imminenti fratrum, & quòd dantes renuntient dominio talium rerum) ergo sunt in dominio Papæ.]

38. Comm. Ostendit Author Vmbræ, se in hoc esse præcisè, vt Marchantij dicta

sustineat . Tamen Marchantius ipse in cap. 4. Reg. tit. 2. q. 2. dicit expressè, quod non licet fratribus Procuratore, siue Syndico, vt tali reduplicatiuè vti ad recipiendas pecunias, quia, inquit, hoc esset pecuniam recipere per interpositam personam, quod prohibetur in Regula; & in decretali *Exijt* non conceditur, imò euidenter excluditur .

39. Quod autem legata, vel donata cæteris locis pijs, alio Domino non comparente, transeant ad manus Episcopi, vel Papæ, de iure communi ad fauorem illius loci pij, non facit ad intentum, quia talia loco pio non repugnant, nec vlla lege prohibentur: in casu verò nostro detentio rerum vendibilium statui Minoritico repugnat per Regulam, & à Papa repudiatur vt talis; ergo non transit ad manus Papæ in fauorem fratrum; & hæc est ratio differentię inter acquisitionem legatorum ad fauorem alterius locij pij, & acquisitionem ad fauorem fratrum Minorum; quam Author Vmbra non vidit in obscuro. Quod si vera esset illius illatio hic appolita; *Ergo seclusa etiam ordinatione particulari*  
 Pon-

*Pontificis, res illæ, quæ recipiuntur, ut vendantur, quarum dominium dantes sibi non reseruant de iure comuni, pertinent ad dominium Papæ: quis non videat, hac in materia corruere omnes Pontificum expositiones, & decretales; & ostium patere latissimum ad mendicandas res pecuniarias, quas dantes, qui Regulæ nostræ rigores ignorant, pro Deo à se abiudicare intendunt, inuitoque Papa, in Papæ dominium transibunt? cum enim Syndicus ad hæc recipienda, vel distrahenda, nec à donante (ut in casu suppono) nec à Papa Nicol. III. (de quo tantum agitur inter Reformatos) non deputetur, sequitur, quod authoritatem sibi à nullo in illis bonis attributam illicitè usurpat; vel à fratribus illicitè deputatur, qui propterea erit *interposita persona* per Regulam fratribus interdicta. Sic docent expressè citatus *Marchan. Patti p.1.c.4.n.6. & p.2.tract.1.cap.8.n.57.58.59. & seqq. Monza cap.4. Corduba ibidem*, qui omnes dicunt, hunc esse communem Expositorum sensum, stando in decretalibus *Exijt, & Exini. vno excepto Rozycio.**



(Vmbra.) [ Si dicas: Pontifex citato articulo expresse dicit, se non recipere in dominium suum illa, quæ recipiuntur eo animo, vt vendantur, distrahantur &c. ergo non potest dici, quòd recipiat. Resp. antecedens debere intelligi de ijs; quæ venduntur, & distrahantur, ad superfluitatem, diuitias seu copiam derogantem paupertati: sic nec utensilia, nec vlla alia, quorum secundum se vsum ad necessitatem, & officiorum sui status executionem licet habere, recipit in dominium, si similiter ad superfluitatem, & diuitias recipiantur: vnde subdit, quinimò in omnibus appareat in eis quoad dominium omnimoda abdicatio, & in vfu necessitas. Nos autem loquimur de illis, quæ recipiuntur, vt vendantur, distrahantur, & sunt necessaria; Si non in se immediatè, in illis tamen, quæ per illa acquiruntur. Quòd autem debeant sic intelligi verba Pontificis patet: quia postea domos, agros, vineas &c. permittit recipi, vt per personas idoneas vendantur, distrahantur &c. vt toties repetitum est: quod non esset verum, si simpliciter omnium rerum, quæ eo animo recipiuntur, vt vendantur, renunciaret dominio.]

40. Comm. Verissima est, quam sibi Rozycius opponit, obiectio, sed nullo modo, per responsionem eius euacuatur: imò vt ex Marchantio, Corduba, & alijs iam  
 4 7  
 oslen-

ostendimus, multò fortius res fratribus oblatas, multòque magis per fratres procuratas à suo dominio addicat Papa, quæ etiam ratione materiæ eorum vsui repugnant, quàm quæ repugnant tantum ratione circumstantiarum, vt ratione pretiositatis, superfluitatis &c. etiamsi debeant in necessaria conuerti; vnde illarum dominium, & distractio ad dantem attinere non dubitatur; vel debent ab eo licentiam petere fratres, vt eius autoritate distrahantur. Falsum etiam demonstrauius esse, concedi fratribus per decretalem *Exijs* legata, pro necessitatibus alienanda; quod satis in num. 24. fuit ostensum.

[ Vmbra ] *Vnde P. Hieron. à Politio in cap. 6 Reg. scribens n. 16. postquam determinauit, pecuniarum, armorum, equorum &c. ad dominium Ecclesiæ Romanæ non spectare, subdit, attamen pecuniaria legata, quæ fratribus fiunt, eorumque dominium Romana Ecclesia in se recipit, si fratres illis indiguerint, saltem quoad auctoritatem illa dispensandi, vt ex Bull. Mart. IV. patet Ex quo, nomine Ecclesiæ, & eius auctoritate Syndicus Papæ ea potest recipere, petere, & expendere, in fratrum necessitates; vt super cap. 4. dictum est.*

est. Hæc ille censens, hanc Martini prouisionem non contrariari Regulæ puritati. Et declarationibus *Nicolai III. & Clem. V.* & in cap. 4. Regulæ idem Author scribens num. 37, ad finem habet sic: *Pecaniæ dominium, quod dans nullo modo apud se esse vult, secundum Innocentium, Nicolaum, & Clementem prædictos, in suis declarationibus erit Ecclesiæ, & authoritate ipsius Ecclesiæ in necessitates fratrum expendetur.* Quod habetur expressè in *Serena Conscientia*, vbi etiam dicitur, quòd Martinus V. se in hac parte gessit secundum declarationes Nicol. & Clement. vid. ibi quæst. 53.]

41. Comm. Quicquid allegatus hic dicat P. Politius, & subsequentiè Alexander Ariostus in *Serena Conscientia*, nihil habent ad intentum; quia primus professione Capucinus, alter de Regulari Obseruantia ad omnimodos rigores decretalium *Exyt*, & *Exini* ex institutione propria non obligantur, vt Reformati, quod adnotauimus in principio: controuersia verò nostra est, in rigore strictioris Obseruantia. Vnde & manifestè primus allegat Martini IV. constitutionem, & si dicat secundus, Martin. Papam V. in sua concessione non recedere à decretalibus Nicol. III. & Clem. V.



contrarium apparet in ipsis eorum constitutionibus, ut infra producemus ex integro.

[Vmbra] *Confirmatur*: Res illæ receptæ ad vendendum, commutandum &c. pro necessitatibus fratrum præsentibus, vel imminentibus, debent esse alicuius dominij, nec manere sub incerto dominio; sed non sunt fratrum, quia suppono, non velle fratres illarum dominium sibi usurpare; nemo autem inuitus potest esse dominus alicuius rei, nec sunt dantis, quia illas abdicauit, ut suppono, aliàs non esset verum, quòd dicit Pontifex per talem abdicationem, res constitui in incerto dominio; sic enim discutrit Papa art. 3. §. *Ad hæc. Cum Fratres ipsi nihil sibi in specie acquirere, vel eorum Ordini possint etiam in communi, & cum aliquid ipsis propter Deum offertur, conceditur, vel donatur, ea (si secus non exprimat) offerentis, concedentis, vel donantis verisimiliter credatur fuisse intentio, ut rem huiusmodi concessam, oblatam, vel donatam perfectè concedat, donet, & offerat, à se abdicet, & in alios transire cupiat propter Deum; nec sit persona, in quam loco Dei congruentius dominium huiusmodi transferatur, quàm Sedes præfata, vel persona Romani Pontificis Christi Vicarij, qui Pater est omnium, & Fratrum Minorum nihilominus specialis: ne talium rerum sub incerto videatur esse dominio &c.*

Ergo

Ergo dicendum est, quod talium rerum, quæ recipiuntur, vt vendantur, distrahantur &c. pro necessitatibus fratrum, dominium maneat apud Summum Pontificem, ne maneant sub incerto dominio; supposito quod dantes eorum dominium à se abdicent. Hinc statuta generalia Reformatorum de Syndico ad cap.4. Reg. num.3. decernunt in hunc modum: *Quilibet Conuentus habeat Procuratorem, vel Syndicum Apostolicum, vel ad summum vnum alium substitutum, & tales, & non alij nominentur à Patre Generali, vel Prouinciali, vt habeant curam eleemosynæ pecuniariæ assignatæ pro necessitatibus præsentibus, vel imminentibus, casu, quo ille, qui dedit, nollet seruare. Et pro hac decisione adducunt Nicol. III. & Martinum IV. & V. Eugenium IV. Sixtum IV. Vallis. 1593.* Ergo supponunt statuta etiam secundum Nicol. III. habere authoritatem Syndicum à Sede Apostolica recipiendi in dominium Ecclesiæ etiam pecuniarias eleemosynas pro necessitatibus fratrum præsentibus, vel imminentibus oblatas, casu quo offerentes non reseruarent sibi dominium: neque enim Generales, & Prouinciales authoritate propria possent ad hoc tales nominare Syndicos; aliàs non essent Syndici, sed personæ interpositæ. Item eadem statuta n.4. declarant Syndicum non solum habere authoritatem à Sede Apostolica vendendi, commutandi &c. res, quæ sunt in usu fratrum, & factæ sunt inutiles; sed etiam recipiendi nomine Sedis Apostolicæ omnia  
*mobi-*

mobilia, & immobilia fratribus oblata, vel testamento relicta: sic enim dicunt: Declaratur autem quod possimus uti Syndico in duobus tantum casibus, quorum primus est, ut possit recipere nomine Sedis Apostolicæ omnia mobilia, & immobilia fratribus oblata, donata, vel relicta in Testamento. Secundus casus est, ut possit nomine Sedis Apostolicæ vendere, alienare, vel commutare res, quibus non possunt fratres licite uti, vel quæ sunt inutiles, & pretium conuertere pro necessitatibus fratrum. Ergo falsum est, quod Pontifex recipiat in dominium solum illa, quæ sunt in usu fratrum, & interdum contingit, vendi ea, vel distrahi &c. quandoquidem statutum dicit, quod etiam res, quibus fratres non possunt uti, & vniuersaliter omnia mobilia, & immobilia, oblata, donata &c. Syndicus accipiat nomine Sedis Apostolicæ, consequenter falsum est, quod Syndicus non sit persona apta ad vendendum res oblatas fratribus hac intentione, ut vendantur, commutentur &c. Item statuta generalia apud Sanctior. cap. 4. stat. 3. ordinant sic: *Eleemosynæ omnes pecuniariæ pro necessitatibus fratrum quoquo modo aduenientes per Syndicos Apostolicos de consensu Prælati tantum expendantur.* Item statuta generalia Reformat. ad cap. 4. Reg. n. 10. dicunt: *Declaratur proprietarius, quicumque procurat res ad commutandum illas propria authoritate, in alias licet necessarias, quia hoc est contra Regulam; nisi hæc commutatio notificetur danti. Postea subdunt,*  
& tunc



*Et tunc debet fieri mediante Syndico.* Ergo supponunt statuta, quod fratres res ad commutandum, distrahendum &c. propria autoritate, procurantes peccant contra præceptum de non appropriando; non verò de non recipiendo pecuniam; & vltius, quod Syndicus Apostolicus sit persona ad hoc idonea, sed non esset persona sic idonea, nisi haberet auctoritatem ab Ecclesia, seu Pontifice Romano; nec Pontifex posset dare auctoritatem talem nisi reciperet in dominium Ecclesiæ res taliter receptas (supposito quòd dantes non reseruent sibi dominium.) Ergo recipit illas in dominium.]

42. Comm. Iam diximus in n. 24. non licere vlllo modo Reformatis aliquid recipere oblatum multò minùs mendicare, eo animo, vt vendatur; quia talia non suscipit in dominium Sedis Apostolicæ Nicol. III. vt pluriès ex ipso textu decretalis ostendimus; sed ne videatur insufficiens ipsa decretalis, in quo casu fratrum necessitatibus prouideri non possit per res in propria specie consumibiles declarauit ibi Pontifex in §. *ceterum*, & ex illo Siguenza in declaratione eiusdem §. in suo §. 5. Patti p. 2. trac. 1. cap. 9. & alibi sæpè, Monza, & alij zelantissimi de strictiori Obseruantia, debere

bere fratres suam in specie manifestare necessitatem, supplicando pro eius releuatione, mentemque omnino præscindendo à pecunia: Quod si Benefactor per denarium, aut pecuniam velit providere; per se ipsum id exequatur, aut per alium ab ipso substitutum, etiamsi velit hunc à fratribus nominari, ita ut non nisi dantis nomine recipiat, vendat, soluat &c. Vnde etiamsi Benefactor ille donando pro fratrum necessitate pecuniam expressè se declaret abdicatam à suo dominio esse illam pecuniam; nunquam transit (iuxta Nicol. III.) in dominium Sedis Apostolicæ, sed penès dantem, vel penès eius substitutum, (non obstante etiam expressa dantis abdicatione) remanet ex illius authoritate, vel ad summum penès Deum, quia datum pro Deo, & consequenter penès Pontificem, ex iure vniuersali pauperum, rerumque piarum, nunquam verò ex cura speciali, quam assumpsit Fratrum Minorum, ut videlicet de talibus oblatis &c. authoritate Papæ fratrum necessitati provideatur ut n. 36. fusius explicauimus. Quia Sedes Apostolica se protestatur, tale dominium non  
 reci-

recipere illius, quod fratribus est illicitum; nemo verò inuitus rei alienæ efficitur dominus. Quod autem aliter sit ex concessione Innoc. IV. Nicol. IV. Mart. IV. & V. nil facit apud Reformatos ad Nicol. III. & Clem. V. decretales obligatos.

43. Textus autem illius decretalis ex S. *Ad hac* art. 2. truncatus affertur, qui si ex integro recitetur, apparebit ex ipso, quòd solas res in se recipit Sedes Apostolica, ne sub incerto dominio remaneant, cum à donante abdicantur, quatum vsus non est fratribus illicitus, quæ non eo recipiuntur animo, vt distrahantur, vnde non valet illatio illa, ergo rerû etiam vendibiliû ex professo dominiû transit in Sedem Apostolicâ.

44. Statuta Reformatâ hîc etiam allegata ex cap. 4. num. 3. quomodo sanè sint intelligenda iam notauimus n. 27. nec enim dicunt, quòd liceat fratribus autoritate sua nominare Syndicum Apostolicum, aut alium quemcumque ad recipiendas elemosynas pecuniarias; quia hoc eis expresse prohibetur in dictâ decretali; sed supposito, vt supra, quod debeant ex dispositione dantis aliquem nominare, prohibetur



tur Reformati per tale statutum alium nominare, nisi Syndicum Apostolicum ob rationes illo n. 27. allegatas, vnde quia nominatur ex dispositione dantis, non agit vt Syndicus, sed vt à dante substitutus; & in hoc optimè citantur in margine Nicol. III. & alij, quia Nicol. III. in cit. §. *ceterum* ita expressè disponit. Sed qualis abinde illatio; Ergo Syndicus vt Syndicus est sufficiens, & idonea persona ad recipiēdas indifferenter pecunias fratribus oblatas, vel mendicatas?

45. Maior certè videtur esse difficultas in allegato statuto Reform. sub n. 4. vbi declaratur licere Syndico Apostolico inter Reformatos, alienare ( pro fratrum necessitatibus ) non modò res iam factas inutiles, sed & illas, quibus vti fratribus non licet; quia verè talia videntur esse pecuniaria: diximus autem ex decretali *Exijt* §. *Verùm quia*, non posse Syndicum per illam Nicolai decretalem institutum alienare nisi res iam factas vsui inutiles; & hoc mordicus sustinetur à Patti, Monza, cæterisque Reformatis: quia tamen statutum illud fuit à primarijs Ordinis Patribus grauissimo cum examine conscriptum, & ab Vr-

bano VIII. ( qui Reformatos denuò declarauit ad illas rigorosas decretales *Exijt*, & *Exiui* esse obligatos ) confirmatum ; ideò dicendum est , quomodo in illa particula de alienandis rebus , quibus vti non licet , nil contineat illicitum , aut statui Reformatorum contrarium nec etiam exinde liceat inferri per consequentiam generalem posse talium rerum accipi dominium à Syndico Apostolico : dimissa itaque illa opinione, quæ dicit, hoc non intelligi de Syndico reduplicatiuè vt Syndico ; sed vt à dante substituto, modo superiùs explicato ; cum statutum illud expressè loquatur, de actibus , qui Syndico, quà tali conueniunt inter Reformatos. Aduerto cum Monza, Patti, & alijs; quòd Reformati suos omnes Conuentus accipiebant in initio, pluresque adhuc recipiunt ab Obseruantibus; in quibus ex Apostolico indulto habebant paramenta aurea , & argentea, paramenta longè superflua ; & alia , quibus vti Reformatis non licet; cùm ergo iam illa per constitutiones Martini IV. & V. & Clementis VII. & Leonis X. Orb. Seraph. tom. 2. fol. 338. transissent à multo tempore in do-

dominium Sedis Apostolicæ; de istis dis-  
 osuit Clem. VII. in sua Bulla *In suprema*  
*S. 3. Quæ quidem loca fratres prædicti ex-*  
*propriare possint superfluis, & pretiosis, & ca-*  
*utilia, & necessaria commutare, median-*  
*Syndico à Nicol. III. prædecessore nostro*  
*dinato. Ut dum Reformati tales Con-*  
*ventus apprehenderent, possent per Syn-*  
*cum Reformatorum alienari; pretium-*  
*ie in Conuentuum reparationem, & alias*  
*atrum necessitates conuerti; itaut hoc*  
*m sit priuilegium speciale à Clemen. VII.*  
*oncessum; nec tamen vlllo modo contra*  
*ecretalem Exijt, immò literaliter confor-*  
*iter ad ipsam: cum enim S. cit. Verùm*  
*ia dicatur expressè, vt vendantur à Syn-*  
*ico res, quibus vsi sunt fratres licitè, iam*  
*erò factæ sunt inutiles: quis non videat,*  
*æc ipsa, quibus vti non licet Reformatis,*  
*uisse in vsu licito apud Observantes, & in*  
*ominio Sedis Apostolicæ; iam verò ex*  
*peciali prohibitione de non ijs. vtendo,*  
*ctas esse Reformatis inutiles, & ideò alie-*  
*ari debere per Syndicum; Vnde hìc etiam*  
*on liceat Rozycio generaliter inferre;*  
*ergo licet Syndico inter Reformatos indiffer*



res accipere ad vendendum, quibus  
non licet, & ideò pecuniarias.

46. Statutum tertium ex Generalibus  
Ordinis ibidem allegatum vltro admittit  
sed nil contra nostrum intentum; quia Re-  
formati maioribus rigoribus adstringuntur  
nec indulto possunt vti Martiniano.

47. Statutum quartum ex Reformatis  
allegatum cap.4. n.10. per summam ma-  
tiam dupliciter falsificatur in puncto huius  
controuersiae. Primò enim contra forma  
statuti addit post verba *commutandum a  
strahendum &c.* illud *authoritate propria*  
quod in statuto non existit; sed sic addi-  
tum multum fauet Rozycio, vt probet, non  
puniri à statuto procurantes aliquid,  
distrahatur, sed tantum, qui authoritate  
propria distrahere tentat, quod est contra  
sextum Regulæ capitulum, illud verò con-  
tra quartum. Secundò statutum dixit  
*quia hoc esset emendicare pecuniam*, quod tan-  
taliter Rozycij doctrinam euertit, mutat  
ipse ad intentum suum, *Quia hoc esset con-  
tra Regulam*, vt inferre liceret, quod iam  
superius intulit, peccari in tali casu contra  
sextum non contra quartum Regulæ capi-  
tulum

lum ; sed ad hoc iam superiùs in n. 27. abundantius respondimus ; ex quo cor-  
rumpunt funditus illationes ex his præmissis  
per Rozycium deductæ per duplicem alle-  
gati statuti falsificationem.

[ Vmbr. ] *Confirm.* Nicol. III. recipit in do-  
minium Ecclesiæ omnia mobilia præsentia &  
futura , quorum vsum facti scil. ordini vel Fra-  
tribus ipsis licet habere : sed rerum quæ reci-  
piuntur vt distrahantur &c. vsum facti est licitus  
fratribus : nam grano mendicato eo animo , vt  
vendatur , possum licitè vti , in ea quantitate ,  
quæ mihi necessaria est , similiter equo , mihi  
vt vendatur oblato , possum aliquo tempore vti ,  
pro necessario opere antequam vendatur . Ergo  
& istas recipit in Dòminium Ecclesiæ .

*Nec valet* dicere cum P. Pelando ; quod rebus  
mendicatis ad hoc , vt vendantur , solùm possu-  
mus vti secundùm suam speciem , & materiali-  
ter , non autem vt suppleant vicem denariorum ,  
seu receptis ad vendendum , & in denarios com-  
mutandum : quia sic sunt Pecunia . Non valet  
inquam : quia vt superiùs ex Corduba ostendies  
illæ , dum mendicantur , recipiuntur &c. &  
quamdiu sunt in manu Fratrum , non sunt Pe-  
cunia . Deinde vt idem *Corduba cap. 6. quæst. 2.*  
dicit dominium omnium rerum , quarum vsum  
Ordini Nostro in sua materia aliquo modo lici-

tus esse potest , ad Papam & Ecclesiam Romanam pertinet ; quamvis sit illicitus ratione circumstantiæ, scil. ratione qualitatis ; quantitatis modi , finis , temporis &c. quam sententiam *Politius in c. 6.* vocat probabilem . Vnde idem *Corduba c. 6. q. 3. f. 529.* expressè elicit ex *Nicol. III. loco cit.* Quod si res sunt modo pecuniario acceptæ idest eo animo vt vendantur , se distrahantur , contractus venditionis , conventio , seu æstimatio pretij , & dominij translatio fiat per Syndicum Papæ ; & non per Fratres , vel alium à Fratribus interpositum . Ratio est , quia inquit , *cum res tali animo accepta sit verè pecunia non potest nisi per Syndicum , quando pertinet ad Papam , vel per Amicum Spiritualem , quando eius dominium pertinet ad alium , distrahi aut alienari : Quamvis possit per Fratres ipsos recipi , & transportari . Et in hoc omnes Doctores concordant & Statuta de his agentia de quo non est dubium .* Hæc corduba : videat nunc P. Pelandus , vtrum rectè P. Marchant. ex textu Nicol. III. supra cit. colligat , Personam idoneam ad vendendum granum &c. mendicatum à Fratribus , vt vendatur, esse Syndicos & Procuratores Papæ supposito quod sibi dominium non reseruauerint donatores : si hoc licuit Cordubæ tenenti taliter mendicata , vt vendantur , esse pecuniam : Loquens porro citatus Corduba de rebus non pecuniario modò receptis scil. non eo animo vt vendantur ; sed principalius animo vtendi illis in vñibus Fratrum ,



quæ postea factæ inutiles debent vendi : quæritur  
vtrum necessario contractus venditionis debeat  
fieri per Syndicum, quando res pertinent ad Pa-  
pam, vel per Amicum Spiritualem, quando per-  
tinent ad alium : an verò possit fieri per ipsos  
Fratres personaliter? Et Resp. licere id Fratribus  
personaliter vendere, & contractum venditionis  
facere, & conuentionem seu æstimationem pretij  
de licentia Prelatorum, & Domini talis rei, se-  
cluso scandalo, idque multis probat. ]

48. Comm. Iam ex dictis & sæpiùs  
probatís antecedenter constat euidentissi-  
mè, quomodo omnia, quæcumque recepta  
eo animo vt vendantur, siue illis vti liceat,  
siue non, esse pecuniam; dum tali reci-  
piuntur intuitu: Et ad Doctrinam Cordubæ  
ibi primò contra responsionem Pelandi al-  
latam nu. 33. sufficientissimè respondimus :  
cæterum neque Cordubæ, neque Politij  
nos mouere in hoc debet authoritas, quia  
secundùm propriam vterque loquitur pro-  
fessionem, vnde Corduba hic à Rozycio  
citatus, allegat concessionem Martini IV.  
quam prohibentur admittere Reformati;  
vtrum verò Corduba ipse, prout à Rozy-  
cio citatus ex cap. 6. q. 3. ab ipso Rozycio  
legitimè allegetur, iudicent alij.

[ Vmbr. ] *Probatur Tertiò*: Nicol. III. volens patenter distinguere res , quæ legantur , vt vendantur , à pecunia: pecuniam de rebus ipsis acceptam , à rebus distinguit , & legatum pecuniarium , à legato rei alicuius ad venditionē relicto: Ergo sicut legatum Domūs , vt vendatur , non est pecunia ; quia à pecunia distinguitur ; nec similiter granum , à Fratribus mendicatum , vt vendatur , reputari debet pecunia formaliter .

*Respondet P. Pelandus* neg. consequentiam . Quia ibi Pontifex ; dum distinguit legatum pecuniarium , à legato domūs vel alterius rei ad vendendum relicte , & pecuniam de rebus ipsis acceptam , ab ipsis rebus ; ibi sumit nomen pecuniæ pro denarijs , non pro pecunia , quæ in Regula à denarijs distinguitur , vt clarissimè patet ex textu ipsius .

*Sed contra* Pecunia , quæ à denarijs in Regula Fratrum Minorum distinguitur , non est aliud per Pelandum , quàm res ad vendendum mendicata, vel recepta; sed quando Pontifex domum, vineam , &c. ad vendendum legatam distinguit à pecunia , & legatum pecuniarium , à legato rei alicuius ad vendendum relicto ; hoc ipso negat , rem ad vendendum receptam seu mendicatam esse pecuniam in Regula Fratrum Minorum; vt patet : Ergo secundum ipsum non datur Pecunia in regula Fratrum Minorum , quæ distinguatur à denarijs . Non enim potest assignari, quid illud sit secundum P. Pelandum ; si non  
esset

esset res ad vendendum mendicata seu recepta; Ergo nomen Pecuniæ debet in Regula Fratrum Minorum sumi pro Denarijs, sicut sumitur à prædicto Pontifice .

*Dices* , Pecuniæ nomine in Regula Fratrum Minorum debere intelligi , rem ad vendendum acceptam , seu mendicatum Fratrum auctoritate ; ynde clarum est , quod sicut , si Fratres legatum domus , aut vineæ &c. acceptarent , vt propria auctoritate eandem venderent, vel vendi facerent; hoc esset recipere pecuniam contra Regulam ; quæ adhuc distingueretur à legato pecuniario , idest denariorum . Ita etiam granum mendicatum , vt vendatur , est verè pecunia , pro vt pecunia distinguitur à denarijs .

*Sed contra* Ex hoc confirmatur nostra superius adducta instantia , quòd scilicet sicut , licet possit legatum domus , vineæ &c. vt vendatur , esse pecunia ; si acceptetur , vt Fratrum auctoritate vendatur, non est tamen de facto, quia, suppono, non acceptatur vt taliter vendatur . Ergo similiter dato non concessio , quòd granum mendicatum , vt vendatur modo non auctoritate Fratrum, vt benè potest; ( imo & debet semper, etiam si non esset pecunia ) non erit pecuniæ receptio contra Regulam . Non potest quisquam sibi rationabiliter imaginari , quòd quando P. Marchant. asserit , non esse pecuniam res mendicatas , vt vendantur , intendit per hoc concedere Fratribus , vt id fiat auctoritate ipsorum : quia  
se-



secundum ipsum, si non contra hoc præceptum de non recipienda pecunia, adhuc peccarent contra præceptum de appropriatione.

*Dixi dato non concessio*; quia, ut dixi supra, Fratres mendicando res, ut venderentur eorum, autoritate, potius necesse est, ut peccent contra præceptum c.6. de appropriatione, quam contra hoc quartum de non recipienda pecunia. ]

49. Comm. Respondeo, ferè cum Peculando; Pecuniam, ut ibi à Pontifice contra legatum vendibile distinguitur, accipi pro pretio rei vendibilis, siue pro pecunia numerata, quam ita nominat ad effugendam circulationem in verbis, & ut clarior fieret eius expositio. Nec tamen in tota illa decretali apparet, quòd ex professio distinguatur legatum Pecuniarium à Pecunia, ut malè allegatur à Rozycio; sed nominatur *campus vinea &c.* ad pleniorè intelligentiam; pretium verò rei venditæ nominatur expressè *Pretium* vel *Pecunia* idest numerata pecunia; pecunia enim est utrimque commune nomen, ut in superioribus ostendimus; et etiam quomodo generaliter, omnia vel mendicata, vel oblata recepta, ut vendantur, sint *Pecunia*, & qualia dicantur,

tur, dum à dante donantur, vt à authoritate sua per Personam ab ipso deputatam alienentur; iam toties repetita, probataque fuerunt, vt iam constet, hìc tantum verborum fieri repetitionem: distingue quæso Rozyci inter quartum, & sextum Regulæ capitulum, & intelliges, quomodo dicantur Fratres appropriare sibi aliquid, aut acceptare superflua; & quando dicantur ad Pecuniam recurrere, dum Pecuniam intendunt vel immediatè ad pecuniam numeratam, vel mediante re de qua primò & per se intenditur ipsa Pecunia numerata.

[ Vmbr. ] *Probat*ur quarto Conclusio Principalis, Nicol. III. ar. 3. agens de commutatione mobilium, quæ expedit commutari; vult, talium rerum commutationem fieri authoritate Ministrorum; Ergo tales res pecunia non sunt. Consequentia pat: Quia nullam authoritatem in pecuniaria dispositione ex Regula Ministri possunt habere.

Respondet P. Pelandus ex doctrina ipsius P. Marchant., in suo tractatu de institutione Syndicorum pag. mihi 752. Duplicem esse authoritatem, vnā iuridicā, cuius non est capax Frater Minor, alterā solum directiuā, & consultiuā; & de hac solum loquitur Nicol.

III. consequenter, inquit, *præmissa probatio nil valet ex doctrina ipsiusmet Marchant.*

*Sed contra.* Probatio hæc optimè valet ad hominem. Quod ostendo sic: Si res mobiles, quas expedit commutari, essent pecunia respectu Fratrum, ex eo quòd intendant illas in denarios conuertere, aut loco denariorum eis in pretium rerum emendarum, vel emptarum uti (ut vult P. Pelandus) sequeretur, quòd authoritas etiam consultiua & directiua esset prohibita Fratribus per Regulam, in commutatione, distractione, &c. talium rerum. Sed hoc est absurdum, contra Declarationem Pontificis; Ergo &c. sequelam Probo: Consulens, dirigens rem aliquam, intendit illam; Ergo Frater Minor consulens, dirigens commutationem, venditionem aliquarum rerum mobilium, quas expedit commutari, vendi &c. intendit illa, venditionem &c. Consequenter conuersionem illarum rerum in denarios in pretium rerum emendarum, vel emptarum, &c. Ergo res illæ commutandæ, vendendæ &c. erunt pecunia ex Regula prohibita respectu Fratris Minoris; Ergo auctoritas etiam directiua, & consultiua, erit prohibita Fratribus in commutatione, distractione &c. talium rerum. ]

50. Comm. Quicquid dicant hîc Pelandus, & Marchantius; ipsis ex verbis Decretalis ego respondeo, ex §. *Quia vero;* quo-



quoniam earum solummodò rerum, quæ ad vsum receptæ sunt à Fratribus, conceditur fieri cōmutationem auctoritate Ministrorum: recipi verò expressè in ordine ad commutandum aut vendendum, expressè prohibuit; patet euidenter, non illas, sed istas esse pecuniam; unde non valet præten-  
*sa consequentia, illæ non erant, aut non sunt pecunia, ergo nec istæ:* quod vt clariùs fiat, notanda sunt attentè verba Pontificis, non obiter citanda: dicit ergo ibi Pontifex tria; primò decreuerat, ne à Fratribus aliquid recipiatur cum intentione vendendi vel commutandi, nec talia recipit in Dominium Sedis Apostolicæ: hinc duo subiungit, primum est, quòd res ad vsum ordinis acceptæ, & Apostolicæ Sedi donatæ pro vfu Fratrum, commutare possint auctoritate Ministrorum: secundum est, quòd si talia æstimato pretio commutari debent, vel alienari, hoc non fiat amplius auctoritate Ministrorum, sed per Syndicum Apostolicum. Illa ergo tantùm auctoritate Ministrorum commutari licet, quæ in vfu Fratrum, & dominium cesserunt Sedis Apostolicæ; & dummodò commutatio non fiat æsti-  
mato

mato partio ; ergo talia sic commutanda ,  
nunquam induunt rationem pecuniæ , quia  
nunquam pecunia fuit à Fratribus intenta ;  
& à receptis in ordine ad alienandum ,  
omnino discrepare conuincitur .

Dices : quomodo fiet ista conuersio non  
æstimato pretio ? quia etiamsi Fratres pre-  
tium non intendant , alter tamen cum quo  
fiet commutatio nisi æstimato prætio non  
commutabit ? Respondeo cum Monza ex  
ipsa decretali : ( fol. 510. ) quòd commuta-  
tio illa commititur , vt fiat authoritate Mi-  
nistrorum , non verò ab ipsis Ministris ; de-  
bent ergo Fratres , vel possunt ex authori-  
tate solius Ministri , etiam non requisito  
Syndico ( in quo tantum consistit conces-  
sio hæc Apostolica ) aliquem fidelem , &  
deuotum conuenire , atque rogare , vt di-  
gnetur ex charitate talem commutationem ,  
exequi pro Fratrum necessitate .

[ Vmb. ] *Probatnr quinto*: Per hanc Regulæ pro-  
hibitionem , non tantum prohibetur nobis pos-  
sessio & proprietas illius rei , quæ est pecunia ;  
sed etiam vsus : Atqui rei , quam accipio vt ven-  
dam , V. G. domus &c. vsus non est mihi prohi-  
bitus ; ergo non intelligitur nomine pecuniæ &c.

*Respon-*

*Respondet* P. Pelandus, distinguendo minorem; rei, quam accipio, vt vendam, v. g. domus, vsus non est mihi prohibitus, secundum speciem suam vt domus est, scil. ad inhabitandum, concedit; Vsus non est mihi prohibitus, vt vtar loco denariorum, vel vt recipiam domum ad vendendum, & in denarios conuertendam, Negat; & similiter distinguit consequens. Non est pecunia, si sumatur primo modo, concedit; si sumatur secundo modo, negat, & exemplificat in denarijs, quorum vsus non est nobis prohibitus, vt sunt aurum, v. g. ad deaurandum calicem, sed tamen est prohibitus, vt denarius formaliter, idest ad necessaria emenda &c. ]

52. **Comm.** Iam cum communi Expositorum, immo ex ipsa Decretali probauimus, illa non esse pecuniam, quæ licitum ad vsum Fratribus conceduntur; & vt talia transeunt in dominium Sedis Apostolicæ; illa verò verissimè sunt Pecunia, nec sic à Pontifice recipiuntur, quæ intentione primaria recipiuntur ad vendendum &c.

[ Vmbr. ] *Sed contra:* Domo licitum est vti Fratribus non solum ad habitandum, sed etiam ad vendendum per idoneas personas, & in denarios conuertendum vt patet ex Decret. Pontif. præfer-



sertim Nicolai III. qui permittit absque præiudicio Regulæ legata domorum, agrorum &c. acceptare Fratribus vt vendantur per Personas idoneas, & pecunia de rebus ipsis accepta, in Fratrum necessitates conuertatur; Ergo etiam sic sumpta domus, &c. non est pecunia. }

53. Comm. Nugationes sunt istæ sæpius repetitæ: Sæpius probatum est ipsa è Decretali, quòd nullo modo legata Fratribus conceduntur ad vendendum; sed vendi debent authoritate Hæredis, Iudicis &c. & in fratrum necessitates expendi.

[ Vmb. Prob. Sexto. Ex vi regulæ possumus sepe non nulla facere vt vendantur, vel distrahantur. Ergo nomine pecuniæ non intelliguntur: Anteced. Probatur. Licet Fratri Minori, pictoriæ vel scriptoriæ artis perito, pingere imagines, scribere libros; ea intentione, vt imagines, & librî per personas ad hoc idoneas vendantur, & distrahantur, vt pretium laboris in necessaria Fratribus applicetur. Ergo imagines pictæ, & libri scripti ea intentione, quòd vendantur vel distrahantur; pecunia, dici non possunt. Anteced. patet. Quia licet Fratri scriptori, vel Pictori & intendere & recipere pretium laboris, modò pecuniam non recipiat. Ergo licet intendere vt vendantur, & necessaria illi subministrentur.

*Respondet* P. Pelandus primò Neg. Anteced. *Nam Statuta Generalia Ordinis prohibent res venales facere*, hoc enim repugnare videtur tam Religioso statui, quam Minoriticæ Paupertati. Et ideo in Clem. Exiui §. licet verò, declaratur hoc repugnare Regule, & Ordinis Paupertati, & recipere pretium rerum, ad naturam & Formam pronuntium appropinquat. Secundò inquit Anteced. repugnare doctrinæ P. Marchant, quia in cap. 6. Reg. dub. 3. tex. 4. docet non licere Fratribus procurare materias, V. G. corium, membranam &c. mediante pecunia, ut in illis operentur, & postea per Syndicum aut alios, aestimato pretio vendantur; contra puritatem vite Fratrum Minorum. Non possunt autem Fratres imagines, libros de nihilo facere. Dixi per se & ex natura emptionis, quia potest quis curare emi materiam, non nomine suo, nec in suam utilitatem, sed in eius pro quo in re operatur. Tertiò permissio Anteced. Negat consequentiam Quia (inquit) non solum res artificiales, quæ sunt à Fratribus ut vendantur, & in denarios conuertantur, vel loco denariorum deferantur, sunt verè pecunia, sed etiam res, quæ sunt in usu Fratrum, licet non ad venditionem, sed ad usum receptæ; si vendantur & in denarios conuertantur, aut loco denariorum operarijs vel mercatoribus dantur in pretium, verè sunt pecunia. Et ad hoc adducit prohibitionem B. Patris Capistrani in suis Constitutionibus c. 6. dicentis: *Caueant insuper Fratres, nè panem vel vinum, vel alia mendicata siue oblata pro usu Fratrum*

*distrabant, aut vendant, vel vendi faciant siue pro alia re permutent, vel pro satisfactione fienda cuiquam tradant; sed per alios licitos modos satisfieri procurent illis, quibus fuerit satisfactio rependenda. Item ex Iulio 11. in Statutis cap. 4. ubi clarè dicitur, quod talia facere, vel tali nomine recipere vel retinere sit pecuniam recipere, & habere. Quartò ad res venales redeundo P. Pelandus, sic ratiocinatur: Fratres arte pollentes, ut Pictores, Scriptores &c. vel laborant in materia aliena, vel in materia ab ipsis procurata & recepta, ut per eorum artem alteratam vendant, vel vendi faciant. Si primo modo? tunc licitè, & ex Regula de mercede laboris corporis necessaria recipere possunt. Si secundo modo? tunc dicit, talem materiam esse verè pecuniam contra Regulam, etiam si illa materia esset recepta pro mercede sui laboris, & multò magis pecunia esset, si reciperetur cum intentione vendendi, vel distrahendi absque ulla alteratione. Et sic patet (ait) non valere consequentiam.*

*Sed contra Statuta Generalia cit. solum prohibent res venales facere quando id repugnaret statui Religioso, & Paupertati Minoriticæ (quod sine dubio tunc esset, si venditio fieret per ipsos Fratres immediatè, aut ipsorum autoritate; secus est si fiat per Syndicum Apostolicum) quod prob. quantum ad primum. Quia eadem statuta Generalia apud Sanctior. in cap. 4. f. 283. ad finem de eleemosinis sic disponunt. De eleemosinis nil vendi, nil emi, aut disponi sine Syndico Apostolico*



*lico possit* . Hoc enim ius ostendit . Ergo statuta supponunt quòd mediante Syndico emi , & vendi possint : præsertim si nullum in his prætendatur ius . Clementina quoque citata non loquitur de rebus , quæ recipiuntur aliquando , vt mediante venditione , vel commutatione eorum , prouideretur necessitati Fratrum ; sed de hortis , vineis &c. quæ colerentur à Fratribus , vt olera & alia hortalitia ex ipsis , pretio distrahantur . Pater autem quòd licèt hoc secundum repugnet paupertati , & accedat ad naturam prouentuum ; non tamen primum . Adde quod statuta Generalia , & Clement. citata , prohibent res aliquas vendi vel distrahi , non titulo receptionis pecuniæ , sed titulo paupertatis non violandæ ; Consequenter falsum est , quod rem aliquam tenere , vel recipere ad vendendum , sit tenere vel recipere pecuniam , sed potius erit violatio paupertatis ; si hoc fiat sine necessitate præsentis vel imminenti vel autoritate Fratrum .

*Ad illud* , Quod adducit ex doctrina P. Marchant. patet clarè , ipsum , dum negat procurare tales res mediante emptione , loqui de emptione propriè sumpta , quæ fieret nomine Fratrum . Quamuis autem non liceret nomine proprio , & in vtilitatem ipsorummet , potest tamen licere , non nomine suo , nec in vtilitatem suam , sed in vtilitatem eius , pro quo in re laboratur , vt in vltiori contextu P. Marchant. affirmat . Similiter potest licere procurare illas , mediante men-

dicatione , vel recipiendo pro mercede laboris ; & sic Fratres non ex nihilo facient libros , &c. Sed ex materijs sic procuratis . Ergo falsum est , quod anteced. repugnet doctrinæ P. Marchant.

*Quo ad secundum* Dum permisso Antecedenti, negat Conseq. Probo illam sic . Ex vi Regulæ non possumus retinere , recipere , vel habere pecuniam, ipsaque uti : Ergo supposito quòd anteced. sit verum ( vt permittit Pelandus ) scil. nos posse ex vi Regulæ sepiùs nonnulla facere vt vendantur , distrahantur ; manifestè sequitur , hæc nomine pecuniæ non intelligi in Regula .

Ad Authoritatem ex B. Ioanne Capistrano , dico , Quòd , licèt hic Beatus, prohibeat in suis Constitutionibus emptionem & venditionem , Cómutationem rerum mendicatarum , vel oblatarum pro vsu Fratrum ; non tamen dicit, quòd sint pecunia . Ergo nihil sequitur ex hac authoritate contra nos . Alio itaque titulo prohibet iste Sanctus præfata : illo scilicet , quem Ioann. de Fano discursu de pecunia facto , insinuat dicens : *Vendere est prohibitum Fratribus , quia denotat proprietatem* , & quo prohibent similia fieri statuta Generalia supra citat. videlicet sine Syn- dico Apostolico , & cum prætensione Iuris ; vel potiùs loquitur de emptione, venditione &c. iuridica solenni cum obligatione ciuili . ]

54. Comm. Quam distorta sit , & à Professio-

fessione Minoritica hæc Rozycij argumen-  
 tatio, patet ex ipso Regulæ contextu; c. 5.  
*De mercede verò laboris pro se, & suis Fra-*  
*tribus corporis necessaria recipiant, præter de-*  
*narios vel pecuniam, & tamen huius vigore*  
 argumenti, patet iam nos fieri mercatores,  
 mediantibus Personis idoneis. Nego ita-  
 que absolutè antecedens: Ad replicam in  
 contrarium, dico, statutum illud quod ibi  
 citatur, in concessione Martini IV. & V.  
 fundatum, in consequentiam deduci non  
 posse, vbi de maioribus Reformationis ri-  
 goribus agitur. Clementina verò *Exini* ibi-  
 dem falsò allegatur; quia tales venditio-  
 nes absolutè reijcit, & ad declarationem  
*Exijt*, se remittit, quam expressè appro-  
 bat, & mandat obseruari. Cætera, quæ  
 ibi coaceruantur, sæpius iam repetita, ac  
 euidentiùs improbata, procedunt, vel ex  
 concessionibus Martinianis, vel irregula-  
 riter supponendo pro infallibili fundamen-  
 to, quod principaliter controuertitur, &  
 vt omnino improbabile reijcitur.

[Vmbr.] Ad authoritatem ex Iulij Secundi  
 Statutis Dico, iuxta *Decretum Urbani VIII.*  
*Dat. Romæ ad S. Mariam Maiorem 1. Octobr. 1625.*



Nos potiùs debere declarationibus Nicol. III. & Clem. V. quàm Iulij II. Ergo cum sit conformiùs declarationibus horum Pontificum, res, quæ procurantur, recipiuntur &c. vt vendantur distrahantur &c. non esse pecuniam in Regula prohibitam, sic tenendum est, non obstante prædicta Iulij II. autoritate; quod autem sit conformiùs patet ex dictis, & infra dicendis. ]

55. Comm. O quàm ex capite suo (veniam rogo; sic cogor dicere) constitutiones Apostolicas interpretatur Rozycius, vt contra Reformationis professionem argumentetur. Quale sit eius argumentum, videat Lector: Iulius Papa II. in Statutis pro nostris PP. Conuentualibus editis aliquid eorum pro laxiori vita concessit; aliqua ad Regulæ puritatem explicauit: Urbanus VIII. in Bulla *Sacrofanctum* 1625. ne concessionem illæ quoquo modo relaxatiuæ in Obseruantes irreperent, expressè prohibuit; ergo reuocauit, quæ concernunt puriorem Regulæ obseruantiam? Quæ consequentia est ista? Considerentur, antequam condemnentur Apostolicæ Constitutiones. Omnium denique consensu magis ad mentem S. Francisci sunt expostio-

tionēs decretales Nicol. III. & Clem. V. & ideo apud Reformatos cum obligatione receptæ; quod autem in istis dicatur, res ad vendendum mendicatas non esse pecuniam, nusquam in illis apparet; ut ad nauseam vsque iam probauimus.

[P]Vmb. J *Ad tertium* tandem dico satis patere ex dictis, falsum esse, quod res accepta eo animo ut vendatur, sit pecunia in Regula Fratrum Minorum prohibita. Siue igitur Fratres laborent in materia aliena, siue in materia ab ipsis procurata, & recepta; ut per eorum artem alterata, vendatur per personas idoneas, & pretium in eorum necessitatem conuertatur, non debent dici recipere pecuniam contra Regulam: Imo dato, non concesso, quod eiusmodi res essent pecunia verè, non tamen ut recipiuntur à Fratribus & quamdiu sunt in manibus eorum, secundum Cordubam, ad quem se remittit P. Pelandus, consequenter Fratres recipiendo illas, non reciperent pecuniam contra Regulam. Vnde idem Corduba cap. 5. q. 3. punct. 2. ad finem docet posse Fratres laborare in quacunque materia, dummodo ipsi Fratres non prætendant in ea aliquam proprietatem, aut ius; & proprietas talis materiæ acquisitæ per Fratres pertinet ad Papam, sicut & aliæ res, quibus Fratres vtuntur, quando dantes non reseruauerunt sibi

dominium, vt infra cap. 6. q. 2. habetur, & possunt vendere talia per Syndicum, sicut & alia res pertinentes ad dominium Papæ, de earum pretio suis necessitatibus prouidere possunt, sicut de pretio, aut pecunia data pro rebus venditis, pertinentibus ad Papam, & non aliter: Et infra punct. 3. §. Patet tertio. Postquam determinauit, contra Regulam facere illos Fratres, qui faciunt sportas, horologia &c. vt pro ipsis accipiant pecuniam, seu vt vendant ea; Addit, quod intellige nisi accipiant, vt vendant ea, eo modo, quo pecunia potest acceptari, aut quo modo res alia possunt per Syndicum vendi. vt dictum est, fiat receptio, aut venditio, certè licitum est ex vi Regulæ scribere libros, & facere horologia, & alia mechanica.

Dico ex vi Regulæ quia aliunde potest esse illicitum, vtpote quia carius iustò venduntur, aut quia cum scandalo, aut distractione, aut cum alia quauis circumstantia vitiante, quæ omnia cauenda sunt; bonum enim est ex integra causa. Et secundum hoc limita, & intellige, quod habetur in Serena Conscientia q. 71. vbi secundum Aluarum & Barthol. Pisanum, damnat absolutè Fratres recipientes pecuniam, pro mercede laboris, qui scribunt libros ad vendendum, quia debet intelligi, vt dictum est. ]

56. Comm. Totum hoc in negatione consistit, & supponendo Martinianas concessio-



cessiones in Obseruantia strictiori non admissas. Vnde in Statutis Reform. c. 5. n. 4. prohibentur Fratres manualia facere , non modò vt vendantur , sed nec vt gratis donentur ; & ibidem num. 5. eos pæna proprietarij puniri iubet , qui materiam ad opus necessariam vel emi , vel mendicari procurant ; eo modo , quo in c. 4. n. 10. eisdem pænis subiecerant eos , qui res ad quoquomodo distrahendum emendicant ; quia ( inquit ) *hoc est recipere pecuniam* . Quomodo cum his concordant tot è directò his aduersantia , quæ ad faciendum vim in verbis , coaceruantur à Rozycio ?

57. Infallibile suppositum est apud Reformatos , ex decretalibus *Exijt , et Exiui* non licere nobis vel mendicare , vel recipere , nisi licita nobis quo ad vsum , & necessaria ; nullo verò modo etiam de licitis superflua , vel pretiosa per excessum vel vt distrahantur ; ex hoc indubitabili fundamento deducat , si potest author Vmbræ suas Vmbratiles atque chimericas consequentias . Certè sicut Cordubam , Siguenzam , & alios se ligisse , ostendit , vbi eos sibi fauere credidit , ita sine passione Cordu-

dubam ipsum ad cap. 5. q. 3. Siguenz .  
 eodem cap. 5. Patti similiter art. 2. &  
 Monza fol. 410. & alios si obseruare vo-  
 luisset, ipso Rozycio iudice, tot doctrinas,  
 vel illationes, vel probationes non coacer-  
 uasset, sepiùsque repetiuiisset, quæ ab illis  
 tanta cum euidencia condemnantur: nec  
 vlllo modo iuuat explicatio, vel limitatio  
 illa, quam contra textum literalem voluit  
 Serenæ Conscientiæ opponere.

[ Vmbra ] *Dices* Ergo licebit Fratri Minori  
 quascunque res facere, ea intentione vt vendan-  
 tur, vel distrahantur &c. Resp. Neg. Conse-  
 quentiam. Et si enim huiusmodi res, pecunia  
 non sint; ex alio tamen capite talium rerum,  
 receptio, conquisitio illicita esse potest, sicut &  
 venditio, & commutatio. Hoc specialiter nota-  
 runt 4. Magistri cum Hugone in hoc cap. vbi  
 postquam retulerunt opinionem eorum, qui  
 dicunt nomine Pecuniæ, prohiberi receptionem  
 rerum ad vendendum, commutandum &c. *Isti*  
*( inquit ) capita Regulæ non distinguunt, nec pro-*  
*hibitiones; constat enim quod in sequenti capitulo*  
*omnis rei proprietas interdicitur, sed non vsus. Qua-*  
*liter verò hæc receptio intentione vendendi, & com-*  
*mutandi sit licita, vel illicita dicitur in Expositione*  
*cap. 6.*

In hoc P. Pelandus Obycit P. Marchant quòd textum 4. Magistrorum, & Hugonis mutilatum adducat omittendo particulam valde notabilem, scil. *ad thesaurizandum*, ratione cuius ( inquit ) 4. Magistri, & Hugo corrigunt illam opinionem dicentes, quod non distinguant Capitula Regule. Nam 4. Magistri quando referunt opinionem illorum; qui dicunt nomine pecuniæ, prohiberi receptionem rerum ad vendendum, commutandum, vel thesaurizandum, postea addunt, & isti Capitula Regule non distinguunt, constat enim &c. Hoc prænotato .

Respondet . Quod si bene perpendatur textus 4. Magistrorum & Hugonis non videtur eos his verbis docere, quod ea, que recipiuntur ad vendendum, vel commutandum cum aestimatione pretij non sint pecunia; sed solum quod nomine pecuniæ in Regula non sumatur ita amplè & largè, ut includat etiam omnes res, quæ recipiuntur ad thesaurizandum, ad donandum liberaliter &c. Nam hæc non prohibentur in cap. 4. Regule quia non suppleant vicem denariorum, & consequenter non sunt pecunia, sed bene prohibentur cap. 6. ibi . Fratres nil sibi approprient; quia in talium receptione est, vel potest esse proprietas . Sed

Contra Potius P. Pelandus mutilatum textum 4. Magistrorum adducit, omittit enim ipse particulam, ex qua clarè intelligi potest mens 4. Magistr. qui referendo opiniones eorum, qui dicunt nomine pecuniæ prohiberi receptionem rerum



rum textum afferri à Pelando truncatum, quod Marchantio Pelandus ipse obiecerat. Vt ergo tergiuersationi huiusmodi omnis aditus excludatur, integrum Magistrorum textum, & non per partes à principio in finem vsque rescribo.

[ *Præcipio firmiter Fratribus vniuersis vt nullo modo denarios, vel pecuniam recipiant &c.* Hæc est quaestio necessaria. Quid dicatur pecunia. Nam, constat, quòd pecunià dicit aliud quàm denarius. Quid etiam sit recipere per se vel per interpositam personam. Ad primam per interpretationem dicit constitutio antiqua, pecuniam esse quicquid recipitur vt vendatur, vnde libri, & calices, si reciperentur intentione vt autoritate Fratrum postmodum venderentur, inter pecuniam computantur: quæ intentio denariorum, est in sic recipiente: quia quod venditur, denarijs venditur. Sed cum in præsentī capitulo prohibeatur receptio rerum, quarum Fratres non possunt habere vsum (visum aliquibus est) genera aliquarum rerum tangi per denarios, & pecuniam. Prætera visum fuit aliquibus denarios constitui in pecuniam numeratam, Pecuniam verò dici omnem illam rem, qua solent vtī homines cum opportunum est ad pretium rerum emendarum: vt aurum, & argentum: aut si quid tale sit, quo pro denarijs ad pretium re-

rum emendarum homines vtantur. Aliquibus verò visum est; in prohibitione receptionis pecuniæ omnis rei receptionem prohiberi, quod ad usum necessarium non recipitur; Alioquin videtur quòd possumus recipere non intentione, vendendi pannum, vestes, blandum, gemmas, & tempore necessitatis non vendere, sed pro alijs rebus vt libris, & victualibus commutare. Prohiberi ergo videtur receptio rerum ad vendendum commutandum, & thesaurizandum, quia in omnibus istis rei possessio vel proprietas declaratur. Isti vero capitula Regulæ non distinguunt, nec prohibitiones: constat enim, quòd in sequenti capitulo omnis rei proprietas interdicatur sed non usus: In presenti verò capitulò quarundam rerum, quæ nomine denariorum designantur, omnino usus, & proprietas prohibetur, sed secundum iura *Pecunia* est, quicquid appretiatur numerata pecunia vt aliquid ematur. Nam propriè quod emitur pretio emitur numeratæ pecuniæ; sed si species alicuius rei pro specie alterius rei datur, commutatio est, non emptio; Si verò taxetur vel æstimetur pro numerata pecunia vel pro alia re detur, emptio est, quæ propriè non contrahitur nisi Pecunia mediante. Videtur ergo hic prohiberi receptio denariorum, & quarumlibet rerum, quæ reciperentur ad pretium rerum vendendarum. Quid sit recipere pecuniam quæritur. Nam quædam res recipiuntur in proprietatem, & non

in usum ; quædam in usum , & non in proprietatem . Dicendum ergo , quod receptio cuiuslibet rei prohibetur Fratri Minori in proprietatem infr. c.6. Receptio verò rerum aliquarum conceditur ad usum . Receptio autem denariorum, & pecuniarum , & quantum ad proprietatem , & quantum ad usum prohibetur omnino & per se , & per interpositam personam . ]

59. Ponunt ergo quatuor Magistri expositionis suæ tale fundamentum : *Constat, quod pecunia dicit aliud quàm denarius, quid clariùs esse potest contra Rozycium ? Deinde quinque opiniones hac in materia quoquo modo diuersas referunt ; quarum quinta est hæc , Quia rem possumus recipere non animo vendendi , ut pannum, vestes &c. & tempore necessitatis non vendere , sed pro alijs rebus commutare ; prohiberi videtur receptio rerum ad vendendum , & commutandum, & thesaurizandum ; quia omnibus istis possessio, vel proprietas declaratur .*

60. Hanc quintam opinionem refellunt Magistri dicentes ( *isti verò Capitula Regula non distinguunt, nec prohibitiones ; constat enim , quod in sequenti capitulo ( scil. sexto ) unius rei proprietas interdicitur , sed*

*non*



*non usus*. Quintam ergo illam refellunt opinionem, quæ proprietatis, & usus prohibitionem in vnum confundebat; quæ ad diuersa præcepta pertinere cognoscuntur; hæc autem confusio confurgit ex illo verbo (*& ad thesaurizandum*) quod in hac quinta opinione adiungitur; quod manifestè attinet ad proprietatem, quæ in sexto Regulæ capitulo interdicitur. Et sic optimè obiecit Pelandus afferri à Marchantio truncatum textum Magistrorum per ablationem illius verbi, *Ad thesaurizandum*; in quo fundatur oppositio tota Magistrorum: Nec obiectio ista Pelandi euacuatur per replicam Rozycij, dicentis, ab ipso Pelando truncatum adduci textum, eò quod illa verba omisit; *quia in omnibus istis rei proprietates, & possessio declaratur*: quia proprietates, & possessio in sensu præciso thesaurisationem, non venditionem, aut commutationem afficiunt, quæ aliam à proprietate malitiam non habet; venditio verò, & commutatio, & si à proprietate, vel possessione separari non possint; & qua tales ad sextum Regulæ capitulum attineant; tamen aliam specialem malitiam induunt,

nem-

nempè pecuniæ, cuius etiam vsus nobis interdicitur; & iuxta hoc ad quartum Regulæ capitulum attinere non dubitatur; quia, vt dicunt in sequentibus Magistri, venditio, & commutatio æstimato pretio appretiantur numerata pecunia, & secundum iura *Pecunia* dicuntur, & nobis per Regulam cap. 4. & per decretales *Exyt*, & *Exini* specificè prohibentur. Vnde concludunt iidem Magistri suam opinionem. *Dicendum ergo, quod receptio cuiuslibet rei prohibetur Fratri Minori in proprietatem infra cap. 6.; receptio verò rerum aliquarum conceditur ad usum; receptio verò denariorum, & pecuniarum, & quantum ad proprietatem, & quantum ad usum prohibetur omnino & per se, & per interpositam personam.* Ecce literaliter adducta Magistrorum opinio, quæ denarium à pecunia in hoc capitulo expressè distinguit; neque constitutionem antiquam, vt dixeras in *Vmbra* principio condemnat, sed approbat; & *Vmbra* tuæ tenebras omni claritate dilucidat.

[*Vmbra*] Dices, qui recipit rem ad vendendum;

dum ; intendit pecuniam ; quod enim venditur, pecunia venditur, ita loquitur Serena Conscientia . Ergo &c. Resp. Neg. anteced. non est enim necessarium, quòd intendat pecuniam, quia potest intendere rem in sua specie . Resp. secundò, si intendat pecuniam, quamvis daremus eum, qui accipit aliquid, vt inde pecuniam habeat, peccare contra prohibitionem, de non recipiendo pecuniam, intendendo nimirum, quod sibi illicitum est ; hinc tamen malè inferretur, quòd res illa, ex cuius venditione intenduntur pecuniæ, sit pecunia ; sicut, qui furatur, vt fornicetur, verè peccat contra præceptum de non fornicando ; hinc tamen non potest inferri, quod illud furtum sit fornicatio vera, quæ intenditur . ]

61. Comin. Non tantum ex priuata intentione recipientis equum, vt vendatur ; sed secundum iura communiter, vt dicunt quatuor Magistri, & alij Iuristæ omnes ; Equus ille dicitur pecunia, quia in æstimatione supplet vicem pecuniæ numeratæ, & accipitur pro pecunia ; ideò non currit paritas ; de furante cum intentione fornicandi ; quia hoc dependet tantum à priuata intentione fornicationis .



[Vmbra] Dixi quamuis daremus &c. Quia inter Doctores controuersia est, vtrum voluntas habendi pecuniam in Fratre Minore, quam exequi intenderet comparando pecunias, licet aliqua intercedente mutatione id non exequatur, sit peccatum mortale? Alijs affirmantibus. cò quod voluntas pro facto reputetur, saltem apud Deum; Alijs negantibus; Quia præcepta humana non possunt versari circa actus voluntatis merè internos, vel præcipiendos, vel prohibendos; sed præceptum de non recipienda pecunia est humanum? Ergo non potest versari circa actum merè internum: At qui actus hic in proposito est merè internus, non, coniunctus cum reali receptione pecuniæ, vt suppono. Ergo.

Dices cum Ponzanello: Intentio in multis operatur quoad substantiam, vt habeat esse, vel non esse, vt de cognatione spirituali, quam non contrahi sine intentione illam contrahendi, docet *Sanchez de Matrim. lib. 7. disp. 58. num. 4. & alij apud Barbos, axiom. 128. num. 5.* Idem in conficiendis Sacramentis communiter docent omnes: Ergo etiam in proposito, intentio recipientis aliquam rem ad vendendum, seu vt per eam acquirantur denarij, seu pecunia numerata, facit eam esse pecuniam prohibitam in Regula, quæ res absque tali intentione non erat. Respon. neg. Consequen. & exemplum est in contrarium: quamuis enim defectu intentionis,

cognatio spiritualis, & Sacramenta non ponantur: Falsum tamen est, quod posita sola intentione, & non adhibita materia, & forma debita, ponantur. Item sicut etiam si intentio formetur à non habente auctoritatem, seu iurisdictionem, ut in conficiendo Sacramento Eucharistiæ &c. nihil operatur: Sic in proposito licet aliquis recipiat rem intentione vendendi eam, & per eam denarios acquirendi; si tamen res accepta in se non sit pecunia, eò quod careat quantitate æstimationis publicæ in ratione pretij ad res emendas, quæ est ultima forma pecuniam constituens (ut dicetur in probatione Conclus. tertiæ) non recipit pecuniam. Item intentio Fratris Minoris non est intentio habentis iurisdictionem conficiendi pecuniam, ut dicetur ibidem; consequenter instantia nil valet]

62. Comm. Eodem modo, eademque facilitate hîc evanescit Vmbræ repetitio, siue duplicatio; quod equus ille in ordine ad vendendum acceptus sit pecunia, non ex priuata intentione sic recipientis præcisè dependet; sed quia secundum iura, & Doctores definitum est, ut equus ad vendendum acceptus sit, dicaturque pecunia, unde Minorita, qui equum cum tali intentione recepit etiam si postea non vendat  
iam

iam physicè, & in actu exteriori pecuniam accepit; quod non currit vniformiter in cæteris, quæ ab operantis intentione præcisè dependent: quantitas autem æstimationis publicæ in ratione pretij non affigitur pecuniæ vt sic in genere, sed pecuniæ cufæ, idest monetæ, vel denario; & ad huius proportionem æstimatur equus vendibilis pretio inter contrahentes concordato.

## Conclusio II.

[ Vmbra ] *Quod datur loco nummorum, pecunia dici non potest, v. g. do latomo ædificanti mihi domum, granum in mercedem etiam æstimato pretio; do operario cibum &c. pro suo labore; nec granum, nec cibus pecunia dici possunt in Regula Fratrum Minorum. Probatur. Per Regulam nullo modo liceret pecuniam recipere: Ergo quod in pretium laboris datur, pecunia dici non potest: Consequen. Probatur. Ex mente S. Patris Francisci, licet Fratri Minori granum recipere in mercedem laboris, siue pretium; Ergo granum, cibus &c. non sunt pecunia; Conseq. probatur, quia granum, cibus &c. dantur licitè loco nummorum, & denariorum Fratribus, qui tamen pecunia dici non possunt.*

*Respondet P. Pelandus per hæc probari solùm,*



quod granum, vestis &c. data Fratribus pro labore non sint pecunia respectu Fratrum, quod omnes concedunt, non tamen quod granum, &c. quæ æstimato pretio dantur operarijs à Fratribus Minoribus loco denariorum non sint pecunia. Sed . . .

*Contra* Non est maior ratio, cur merces habeat rationem pecuniæ, cum datur, quam cum accipitur; Ergo si granum acceptum pro mercede à Fratribus non habet rationem pecuniæ, nec quando datur, habebit -

*Dices* fortè cum P. Pelando, quando hæc accipiuntur à Fratribus pro laboris pretio, non æstimantur à Fratribus, nec appretiantur loco denariorum licèt sic æstimarentur à dantibus; consequenter licèt respectu dantium sit pecunia, non tamen respectu Fratrum.

*Contra* Quamvis per huiusmodi æstimationem factam à Fratribus respectivè ad denarios, quos promeretur operarius, statuatur granum, &c. in ratione iustæ mercedis pecuniariæ, sicut nec per æstimationem dantis Fratribus pro labore; ut dixi supra, non potest res aliqua haberi pro pecunia, quæ non sit moneta, nisi statuto publico, vel consuetudine æquivalente eius usus sit tanquam pretij in emptionibus; Ita non obstante illa æstimatione, granum, oleum &c. data à Fratribus loco mercedis operarijs, non sunt pecunia.

*Confirmatur* Possunt Fratres alteri dare pro mer-

mercede laboris, quod ipsimet pro pretio laboris possunt recipere: Sed possunt pro mercede, laboris granum accipere, ergo etiam alteri dare. Hinc Corduba supracitatus in 6.c.Reg.q.3. docet, licitum esse per Regulam, quod Fratres faciant conventionem, seu æstimationem pretij, deducens id ex Nicol III. si.

*Dicas* Per rem, quæ datur pro alia, sit eadem actio quæ per pecuniam, scil. emptio: præsertim si in re, quæ datur, habeatur ratio æqualitatis cum pecunia illa, v. g. is, qui emit librum à Bibliopola vno Imperiali, cuius loco dat Bibliopolæ tantum frumenti, quantum sufficit ad Imperialem, is efficit frumento, quod pecunia efficeret: ergo frumentum est pecunia. Resp. neg. consequen., quia ex effectibus similibus malè concluditur, causas esse eiusdem rationis, non licet inferre: Ignis calefacit, & similiter Sol: ergo ignis est Sol, vel Sol ignis: ita in proposito. Quæ iter liceat Fratribus, vel non liceat emere alibi explicatur.]

63. Comm. Vbi ex literæ contextu patet de mente Legislatoris, ut quid ad eam explicandam, siue potius detorquendam fingimus sophismata? Dicit Pater Seraphicus in cap.5. Regulæ: *De mercede laboris corporis necessaria* granum, panem, libros &c. recipiant. dic quæso Sancte Pater,

libros istos, panem &c. corpori necessaria possumus ne recipere mediante negotiationis commercio, scilicet aliquid accipiendo, vt vendatur, aut æstimato pretio commutetur ad habendum necessaria? *Nequaquam*, inquit, Sanctus Pater;  *necessaria recipiant præter denarios*, idest monetam cusam, vel *Pecuniam*, hoc est illa, quæ æstimato pretio inter sæculares emuntur, venduntur, & commutantur; quia Minoritæ debent ad apices Euangelicos ab omni negotij sollicitudine, vel apparentia esse alieni. Idem confirmatur à Nicolao III. & Clemente V. illa tantum Fratres recipiant, quibus vtilitè possunt, sed nullo modo ad distrahendum æstimato pretio. Vltèrius laboris pretium recipere nullo modo possumus ex obligationis titulo, sed tantum vt cætera, nobis oblata, quia ius nullum acquirimus; vt docent Corduba, Patti, Siguenza, Monza, & alij super cap. 5. Regulæ vniformiter; ergo quamuis à donante pro laboritio, iusto pretio taxetur id, quod donatur, nunquam tamen æstimato pretio recipiatur à Fratribus, qui ex mera charitate, & non nisi ad vtendum illud accipiunt. Vnicum hîc profero



Fero Siguentiam, qui ad cap. 4. text. 1. §. 6. docet expressè, illud nullo modo esse pecuniam, quod licitè ad licitos vsus accipitur, etiam si postea, vel quia inutile, vel quia superfluum absque æstimate pretio de licentia Ministrorum alienetur; & tale potest donari tali modo operarijs in mercedem laboris; dummodo, vt dixi, nec tacitè, nec expressè fiat taxatio pretij; quasi tacitè, vel expresse interueniat, iam est illud ipsum pecunia; & fundatur literaliter in decretali *Exijt* c. 3. & citat Politium, & alios: deinde ad c. 5. text. 1. §. 2. citans eandem decretalem, & Cordubam &c. docet expressè, non licere nobis pro laboritio, vel expetere, vel recipere quicquam, nisi vt oblatam elemosynam. Vnde applicanda est hic eadem doctrina de pecunia tam in recipiendo pro nobis, quàm in satisfaciendo nostris operarijs: Tandem proprius ad intentum in cap. 6. tom. 1. §. 10. docet ex citata decretali, & citato S. Bonaventura, quod de licitè ad vsum nostrum acquisitis, iam verò superfluis, aut inutilibus, possumus licitè absque Syndico satisfacere creditoribus, aut operarijs nostris, eo tamen

fal-

saluo, vt fiat absque taxatione pretij; quod si hæc tacitè, vel expressè interueniat, tunc fieri debet à Syndico: Infert exinde nobis omnino non licere talia licita congregare ad superfluitatem eo animo, vt postea dentur operarijs pro mercede laboris; quia hoc inexcusabiliter, iuxta citatas decretales, esset merus recursus ad pecuniàm: Per quæ sufficientissimè euanescent omnia Vmbrae repetita figmenta.

64. Concedo quidem; Cordubam hinc à Rozycio citatum inclinare, & quidem grauiter, (non tamen expressè defendere) in oppositum, atque fauere Rozycio; immò ibi procurat, pro sua opinione illa, trahere citatum textum decretalis; Sed reuera textus decretalis, est contra vtrumque; non enim ibi distinguit Pontifex, quod res vendibiles, aut commutabiles sint acquisitæ cum æstimatione pretij, vel sine tali æstimatione, immò supponit, eas acquisitas esse modo licito ad licitos vsus, & solum distinguit de modo illas alienandi, itaut cum æstimatione pretij alienentur à Syndico, si pertineant ad Papam, (vel ab amico spirituali, si eius sibi

sibi dominium reservauit) & nullo modo à Fratribus: ex Ministrorum verò auctoritate, si alienentur, absque tacita, vel expressa æstimatione pretij. Generaliter autem dixi, multa posse sustineri à Corduba secundum indulta Martini IV. & V. quibus adhærere non licet Reformatis.

### Conclusio III.

[ Vmbra ] *Pecunia propriè nil aliud est, quàm id, quo solent homines uti, cum opportunum est, ad pretium rerum emendarum.* Ita quatuor Magistri, Hugo de Dina. Si quis præcisè eorum textum consideret. Dixi id, quo solent uti homines, nimirum publica auctoritate, vel communi consensu, ut includatur omne instrumentum, siue medium, quo omnes nationes uti solent, non enim omnes nationes utuntur denarijs, vel moneta, sed alijs rebus; sic enim legitur de nonnullis, qui utebantur officulis. Dixi ad pretium rerum emendarum; pecunia enim propriè est medium contractus emptionis, prout emptio est. Respondet Pater Pelandus negans quatuor Magistros, & Hug. intelligere per pecuniam in Regula Fratrum Minorum, id, quo utuntur homines publica auctoritate, & communi consensu, ad pretium rerum emendarum; quia hoc modo de-



denarius, & pecunia pro eisdem acciperentur, & essent ferè synonima, vt ait P. Marchant. & consequenter quatuor Magistri, & Hugo essent sibi contrarij, quia docent, & supponunt tanquam certum, quod pecunia dicitur aliud à denarijs. *Sed quòd* quatuor Magistri hoc intelligant per pecuniam in Regula Fratrum Minorum.

*Probat*ur primò, quia Bartholomæus Pisanus adducens sententiam quatuor Magistrorum hac de re dicit: *Iuxta Constitutiones antiquas, & quatuor Magistrorum sententiam, per denarios intelligitur pecunia numerata: pecunia verò dicitur omnis res, qua solent vti homines, cum opportunum est ad pretium rerum emendarum, vt aurum, & argentum, & quidquid tale sit, quo pro denario ad pretium rerum emendarum homines vtuntur.* Item Serena Conscientia sic habet: *Respondent quatuor Magistri; denarij sunt pecunia numerata, pecunia autem dicitur omnis res, qua solent vti homines, cum opportunum fuerit ad pretium rerum emendarum.* Sed particula *solent* publicam indicat auctoritatem, aut consuetudinem, nam *soleo* idem est apud Calepinum, ac *consueui*, pro more habui: Ergo quatuor Magistri, & Hugo per pecuniam intelligunt id, quo solent homines vti, publica auctoritate, vel communi consensu ad pretium rerum emendarum.

*Confirmatur* Petrus Ioannis apud Serenā Conscientiam, quatuor Magistrorum exemplo de-  
cla-

clarans, de quali vsu loquantur Magistri exemplificat, dicens: *Sicut ante usum nummorum utebantur homines auro, & argento*: sed vsus ille auri, & argenti ante usum nummorum, proculdubio erat publica auctoritate, seu communi consensu institutus: vnde passim in scriptura legimus, quòd in emptionibus, & venditionibus ad pretium rerum emendarum aurum, & argentum taxabatur, seu æstimabatur statera, siclo, obolo &c. olim enim pecunia non erat signata, sed ad eorum pondus appendebatur v. g. in pretium rei dabant tot, vel tot drachmas, vnicas libras, talenta auri, & argenti, inquit *Cornelius à Lapide in Zacc. cap. 18. vers. 11. & Lorinus in libr. Num. cap. 11. vers. 51. dicit veteres tum Romani, tum Hebræi utebantur massa rudi auri, & argenti, vel aris, in certo pondere, loco pretij, seu pecuniæ: Vnde Jerem. 32. dicitur, emi agrum &c. & appendi ei argentum septem stateras, & aecem argenteos, & vers. 11. argentum Appende in statera. Quòd verò id fieret publica auctoritate, testatur super hunc locum *Cornelius à Lapide* dicens: *Omnis enim pecunia, & signata iam; & olim non signata, iustum, & definitum à Principe debet habere pondus.* Hinc obseruat *Andreas Piritus Ramirez ex Plin. lib. 33. cap. 3.* Quòd ex eo, quia prius appenderent ad Bilances, dispondios, & librales suos; postea numeratam pecuniam soluentes, pendere dicebantur: Ergo per pecuniam secundum quatuor Magistros intelligitur id, quo solent*

lent vti homines , publica authoritate cum opportunum est , ad pretium rerum emendarum . ]

65. Comm. Non est nouum, multos in errores impingere , qui aliorum opiniones non ex proprio fonte desumptas , sed ab alijs relatas de carta in papyrum transfere-  
 rendo citare consueuerunt; vt etiam discor-  
 dias ferè omnes, quæ in Urbibus oriuntur,  
 ex falsa Nugatorum relatione , qui dicta,  
 vel audita aggrauant, mutant, & inuertunt,  
 oriri non dubitamus. Si Rozycius ex ipso  
 textu Magistrorum per nos superiùs addu-  
 cto verba legisset Magistrorum , non dixis-  
 set, hanc esse illorum opinionem : patet  
 enim ibi , quod hæc tertia Rozycij con-  
 clusio recitatur à Magistris vt opinio tertia  
 inter illas quinque , quas à Magistris ipsis  
 refutari dixit in initio Rozycius .

66. Dato verò, sed non concesso, quod  
 hæc conclusio Rozycij esset verè de men-  
 te quatuor Magistrorum ; malè superaddi-  
 tur illa glossa ( nimirum ) *publica authorita-  
 te, vel communi consensu* : patet enim, hisce  
 adhuc temporibus , vti solere homines re-  
 bus



bus venalibus vt gemmis, panno &c. ad pretium rerum emendarum, prout opportunum est; sed semper taxato pretio pecuniæ numeratæ, ex quo illa omnia pecuniæ nomen acceperunt, per quod ad auctoritates Pisani, Serenæ Conscientiæ, Petri Ioannis, & aliorum est satisfactum. Miror autem, quod Rozycius adductis tot auctoritatibus opinionem suam ex antiquis legibus nitatur comprobare, qui iura nouissima, & DD. auctoritates hac ipsa in re repudiat, dicendo, non iuribus, & Doctoribus esse deferendum in hoc, sed vsui communi loquendi. Non ergo ignorabat Sanctus Pater negotiationem, atque rerum venalium cōmercia fieri vbique terrarum, vel per cusam ex quacunque materia monetam, vel per alias res venales æstimato pretio taxatas; ideo vtrumque sub nomine *denarij*, & *pecuniæ* interdixit,

[ Vmbra ] *Probatur* secundò. De ratione pecuniæ est, vt sit illud, quod publica auctoritate, & communi consensu accipitur ad pretium rerum emendarum: Ergo de taliter recepto ad pretium rerum emendarū debent intelligi quatuor Magistri. Anteced. Prob. Vltima forma con-

constituens pecuniam in ratione pecuniæ est  
 quantitas æstimationis publica lege impositæ,  
 vt benè notat Layman tom. 1. lib. 3. fol. 143. ex  
*Paulo Primo cap. in l. ff. de contrahen. empt.* dicens:  
*Pecunia, seu nummus publica authoritate cusus, vim,*  
*et sumque in commutationibus non solum habet ex sub-*  
*stantia materiæ, sed magis etiam ex quantitate æsti-*  
*mationis lege publica impositæ: si enim substantiam*  
*auri, vel argenti species absolute nondum habet ra-*  
*tionem pretij, sed potius mercis: quare ut pretij ra-*  
*tionem consequatur, ad res alias æstimandas, emen-*  
*dasque publicæ æstimationis quantitate indiget: Hæc*  
*igitur est ultima forma constituens pecuniam. Hæc*  
*Layman. Idemque repetit num. 7. dicens, quod*  
*pecuniæ usus, & commoditas publica esse debet:*  
 Ergo per pecuniam id intelligi debet, quo vtun-  
 tur homines publica authoritate, & communi  
 consensu ad pretium rerum emendarum.

*Confirmatur: Pecunia numerata ideò lege*  
*publica constituta fuit, quia debebat esse rerum*  
*omnium, quibus indigemus, certa æstimatio, vt*  
*docet Layman lib. 3. tract. 3. par. 1. cap. 5. Vbi no-*  
*tandum ex Aristot. lib. 5. Ethicor. cap. 5. & P. 1.*  
*cap. in l. 1. ff. de contrahen. empt. quod nummus*  
*hominum impositione, ac lege propter neceffi-*  
*tatem introductus fuit, vt esset rerum omnium,*  
*quibus indigemus, certa æstimatio, & num. 4.*  
*ait ad iustitiam causa monete, seu pecuniæ inter alia*  
*requiri legitimam cudendi authoritatem, quam etiam*  
*signum impressum indicant. Nam monetam cude-*

re ex Regalibus vnum est, vt constat ex lib. 2. feud. cap. 56. quæ sint Regalia. Et lib. 2. de falsa moneta, vbi mortis supplicium decernitur ijs, qui monetam priuata fusione formarint, tanquam læsæ maiestatis crimine obnoxiijs; sed etiam pecunia, vt distincta à denarijs deberet esse commutationis rerum mensura, seu pretium, per quod aliquid aliud habeatur, vt concedunt etiam aduersarij; Ergo debet ad hoc institui publica anthoritate, vel communi consensu: vt proinde mirum sit, quomodo Fratres Minores sua intentione, vel attentione, seu æstimatione priuata pecuniam facere possint.]

67. Comm. Negatur assumptum; eiusque probatio, atque confirmatio ex Layman desumpta; quia vt expressè patet in eius litera, loquitur de moneta cusa, quæ idem est ac denarius, siue nummus, vt ibidem aduertitur: falsum autem assumitur in Minore confirmationis, quòd nempe pecunia, vt à denarijs distincta debeat esse commutationis rerum mensura; sed ipsa æstimatio pretio ad valorem pecuniæ numeratæ, siue nummi mensuratur.

[Vimbra] Neque per hoc, quod per pecuniam hoc intelligant quatuor Magistri, & Hugo, quo



homines solent vti publica authoritate, vel communi consensu ad pretium rerum emendarum; possunt dici esse sibi contrarij, vt infert P. Pelandus: quia stante hoc, quod pecunia sit id, quo vtuntur homines publica authoritate, & communi consensu ad pretium rerum emendarum, adhuc pecunia erit aliud à denarijs vt dicit Hugo à P. Pelando citatus. *Attende in hoc cap. 4.* ( inquit Hugo ) *quid dicatur pecunia, cum pecunia dicat aliud, quàm denarius; Omnis enim denarius est pecunia, sed non omnis pecunia denarius est.* Neque P. Marchant. absolutè dicit, denarium, & pecuniam esse idem, sed ferè idem, vt patebit ex mox dicendis infra, vbi omnino conformitèr ad dicta Hugonis etiam ipse discurret. ]

**68 Comm.** Saluari omnino non potest; iuxta positionem Rozycij, quin quatuor Magistri sibimet contradicant, dum per pecuniam intelligunt, quicquid publica authoritate, vel communi consensu taxatum, reperitur ad pretium rerum emendarum, vt verè dicitur de denario, & priùs dixerunt, pecuniam aliud esse à denario; Alietas enim per se posita, iuxta regulas logicales differentiam importat substantialem; differentia verò accidentalis, alteritas  
vel

vel alteratio dicitur; nec exinde euacuatur, quòd dicatur, pecuniam, & denarium non esse idem; sed ferè idem; quod alietatem substantialem non excludit: Optimè quidem dicit Hugo ibi citatus; omnem denarium esse pecuniam, sed non ècontrà; sed nihil pro Rozycio; non enim per hoc intellexit Hugo, quandam minimam, vel apparentem differentiam inter vtrumque constituere, vt sint ferè idem, sed alietatem substantialem; qualis est inter hominem, & animal; quia pecunia est genus (vt supra demonstrauiamus) ad pecuniam cusam, scil. denarium, vel nummum, & pecuniam non cusam; vt patet in eius litera per Regulam logicalem, de ijs, quæ non dicuntur ad conuertentiam.

## Conclusio IV.

[ Vmbra ] Denarius, & pecunia in Regula Fratrum Minorum sunt ferè synonymina, & pro eisdem accipiuntur. ]

69. Comm. Si denarius, & pecunia pro eodem accipiuntur; iam non ferè, sed ab-

solutè sunt synonymina ; & si generaliter pro  
re quacunque ad pretium rerum emenda-  
rum ex autoritate publica, vel communi  
consensu taxata ; quacunque demum ex  
materia fiant, siue de metallo , siue de alijs  
rebus ( quam differentiam assignauit Ro-  
zycius in tertia conclusione de moneta  
metallica, & de officulis) certè non video,  
cur Nicol. III. & Clem. V. tam accuratè  
ponderauerint trinam denarij, vel pecunię,  
semper eodem modo repetitam prohibi-  
tionem , dum in Europa scripsit S. Pater  
Regulam , imò in Italia ; cum nullibi per  
Europam vtantur homines alia moneta  
nisi metallica ; si hæc sola potest dici dena-  
rius : si enim , vt subtilizat Rozycius, ipse  
præuidit, filios suos ad fidem inter barba-  
ros disseminandam esse profecturos, vbi  
aliud à metallo pro rerum pretio commu-  
niter habetur ; certè non ignorauit, iam  
eos sufficienter in Regula edoctos, omne  
id, quod monetæ loco adhibetur, esse pro-  
hibitum, non erat cur tam accuratè, dena-  
rios, vel pecuniam repeteret. Quia verò  
( non de casu imaginario, sed de physico  
loquendo) non ignorabat, posse filios suos  
etiam



etiam in Europa, & Italia Iurium, atque  
 Doctorum authoritate suffultos, repudia-  
 to solo denario ( si hunc solum in Regula  
 interdixisset ) in pecuniæ contrectatione,  
 per recursum ad res æstimato pretio distra-  
 hibles, quæ pecunia ( vel teste Rozycio  
 secundum Iura, Doctoresq; dicuntur, ) sese  
 possent immiscere idē attēre semper vtrum-  
 que coniunxit; ergo ex litera, & mente  
 Sancti Francisci sanius intellecta, denarius,  
 & pecunia, non sunt ferè synomina, nec  
 pro eodem accipiuntur.

70. Hoc, quia punctum est præcipuum  
 à Rozycio intentum, & in nostra Religio-  
 ne singulariter periculosum, vt maiori fir-  
 mitate stabiliatur, præter ea, quæ ex Iuri-  
 bus, & Doctoribus, & à communi Italo-  
 rum, Gallorum, & Hispanorum acceptio-  
 ne, & in num. 10. fuerunt adducta, iuuat  
 multiplicatis authoritatibus confirmare.  
 Primò l. Nam quod, in fine, ff. ad Trebell.  
 l. 1. §. fin. & ibi glos. ff. de calumn. glos.  
 fin. in l. pecuniæ 222. §. de verbor. signific.  
 glos. verb. pecuniæ in l. 2. C. de constit.  
 pecuniæ, & verb. conuert. l. fin. C. eodem  
 tit. glos. verb. pecuniam in Clementina,

*Nolentes*, de hæreticis, Sanchez in præcit. decretal. tom. 1. l. 2. cap. 20. num. 9., Tiraquell., & alij multi, & Seraph. decis. 965. num. 4. & decis. 998. num. 1. ( qui ibidem num. 2. dicit, quòd si addatur *pecunia distributa* intelligitur de *pecunia numerata* ) apud Barbos. de verb. signif. appell. 196. verb. *pecunia*, concordant intelligi per pecuniam, quicquid æstimato pretio datur pro pretio rerum emendarum; & post dies Sancti Francisci. S. Thomas 2. 2. quæst. 100. art. 2. in corp. *per pecuniam intelligitur omne illud, cuius pretium potest pecunia* ( idest per nummum ) *æstimari*, ut Philosoph. dicit in 3. Ethic. Paulus etiam, & Festus hanc significationem inculcant; & apud veteres fuisse, & apud recentiores extare affirmant. Theatrum Vitæ humanæ nouissimè impressum verb. *pecunia*, dicit ut quid inter homines commune; *pecunia est omne id, quod homines possident in terra, quia dare, vendere &c. possunt ad libitum.* ex August. de doctrina Christiana, & habetur in decretis 1. q. 3. cap. totum. Immo & in communi praxi gentium, non minus in moneta, quàm in agro,

agro, oleo, gemmis, & in cæteris pretio æstimabilibus videmus fieri solutiones.

71. Vt ergo Seraphicus Pater, Paupertatis Apostolicæ reparator; filios suos ab omni periculo, & affectione terrenæ negotiationis elongaret, & denariû, & pecuniam ( prout substantialiter ab inuicem distinguuntur ) attenta repetitione interdixit.

[ Vmbra ] Probatur primò : Quia hæc est communis vsurpatio in modo loquendi, iuxta quam vult suam Regulam intelligi Sanct. Pater Franciscus.

*Respondet* P. Pelandus neg. fuisse intentionem Sancti Patris, quod verba Regulæ suæ accipiantur prout secundum communem loquentium sermonem vsurpantur. Sed hoc falsum esse ex dictis suprà in probatione primæ Responsionis patet.]

72. Comm. Et secundum Doctiorum, & secundum communem Hispan. Gall. Ital. acceptionem, pecuniam à denario substantialiter distingui iam pluries, & irrefragabiliter ostendimus; & quomodo non nugatoriè, sed maxima cum cautella in prohibitione copulentur.



Vmbr. [Probatur secundò . Illa particula *vel* indicat, quòd denarius, & pecunia sumantur pro eisdem . Ergo debet dici, quod sic sumantur .

Respondet P. Pelandus neg. quòd per illam particulam disiunctiuam *vel* hoc indicetur, sed potiùs oppositum indicatur; sed & hoc satis clarè superiùs deductum est,]

73. Comm. Luce itidem meridiana, clariùs in n. 16. probauimus, quid importet illa disiunctiua *vel* inter denarium, & pecuniam apposita.

Vmbr. [Prob. 3. idem Nicol. III. & Clem. V. ista simul confundunt, & pro eisdem sumunt: imò solo nomine pecuniæ vtuntur pro denarijs, vt patet legenti declarationes; Sed hoc nec fecissent, si tanta distinctio ibi esset, cum traditæ ab alijs distinctiones sint fundamenta infinitorum scrupulorum, imò grauissimorum dubiorum, ad quæ elucidanda suas Declarationes ediderunt supradicti Pontifices: Ergo denarij, & pecuniæ in Regula Fratrum Minorum sunt ferè synonyma .

*Ad hoc respondet* P. Pelandus dupliciter; Primò, Pontifices prædictos vtì solo nomine pecuniæ; in Regula autem non ponitur solum pecuniæ nomen, sed ne denarios, vel pecuniam re-

ciplant: vnde in declaration. prædictorum Pontificum sumitur pro denarijs, non sic in Regula: Secundò responaet. *Quòd si supradicti Pontifices suas dederunt declarationes, ad dilucidandum grauissima dubia, quæ ex aliorum distinctionibus oriuntur, verisimile videtur, quòd ipsi supponant, Regulam esse intelligendam secundum distinctiones aliorum, non secundum opinionem dicentium, denarios, & pecuniam esse synonyma; vel ferè synonyma: Quia secundum opinionem istam, eorum declarationes, non fuissent necessariae. Sed*

Quantum ad primum responsionis punctum, hoc sufficienter manet ex dictis ad primam probationem refutatum, & inutilitas distinctionis huius de pecuniæ nomine sumpto solitariè, & combinando illud cum denarijs, est clarè deducta. Neque est absolute verum, quòd semper Pontifices in suis declarationibus solo nomine pecuniæ vtantur. Nam Clem. V. cap. 4. §. Porro loquens de obseruatione præcepti, non recipiendi pecuniam, sic habet; Porro cum dictus Sanctus volens Fratres suos super omnia à denarijs, seu pecunia esse alienos præcepit, vt nullo modo &c Ergo non obstante quòd nomen pecuniæ combinetur disiunctiuè cum denarijs in Regula dicendo denarij, vel pecunia; adhuc debent sumi pro eadem; sicut sumuntur (vt patet ex contextu, & ex concessis P. Pelandi) in declarat. Clem. V. nō obstante, quòd etiā hic fiat combinatio disiunctiua à denarijs, seu pecunia.

Quan-

Quantum ad secundum, contra arguo sic: Pontifices prædicti utique in suis declarationibus sumunt pecuniam pro denarijs; ut pro confirmanda sententia P. Marchant notat Sanctior. in cap. 4. Regulæ. *Nam Clem. V. in Clementina Exiui &c. §. Porro &c. ait: Quo circa questus omnis pecuniæ, ac oblationum pecuniarum receptio in Ecclesia, vel alibi cippi, siue trunci ordinati ad offerentium, seu donantium pecunias reponendas &c. sunt interdicta.* Idemque sæpius repetit in hoc §. & certè panni, blada &c. non reponuntur in cippis, sed denarij. Item *Nicol. III. in cap. Exijt. §. Caterum* declarando modos recurrēdi ad amicos spirituales, solum pecuniam nominat, nulla facta denariorum mentione, idque sæpius, & fatetur ipsemet P. Pelandus: quia, inquit, sumunt nomen pecuniæ solitariè: Ergo in suis declarationibus resoluunt dubia secundum hanc acceptionem: Ergo falsum est, quod dederunt Declarationes suas ad dilucidandum grauissima dubia, quæ ex distinctione à denarijs oriuntur, ut supponit P. Pelandus: imò cum ne leuissimam quidem distinctionis insinuent notam, signum est, quod pecunia, & denarij secundum mentem Pontificum prædictorum sint ferè synonyma in Regula Fratrum Minorum.

*Nec est verum*, quod dicit ulterius P. Pelandus, secundum opinionem tenentium denarios, & pecuniam esse synonyma, non fuisse necessarias Declarationes: Quia etiamsi non esset in



Regula quidquam de pecunia ; vt distincta à denarijs , de receptione ipsorum denariorum multa declaranda remanerent . Imò si dictum hoc P. Pelandi esset verum ; quandoquidem ipse in hac solutione fatetur, Pontifices Nicolaum III. & Clem. V. sumere vbique in suis Declarationibus pecuniam pro denarijs ; sequeretur illas propterea non esse necessarias quoad hoc, sed hoc est absurdum, & Pontificiæ dignitati iniuriosum ; quorum vterque protestatur, se præfatas Declarationes suscepisse ad sedanda plenè omnia Regulæ dubia, & expediendas à scrupulis Fratrum conscientias, præsertim Nicol. III. in Prolog. §. 5. dicit se velle, *Quæ erant in Regula dubia declarare, alia declarata plenior claritate differere, in aliquibus Regulam ipsam concernentibus puritati eorum conscientiæ prouidere.* Et infra, *Tam ea, quæ per Prædecessores nostros approbata, & declarata esse noscuntur, quàm etiam Regulam, & eam contingentia maturitate plena discussimus &c.* Et præsertim de præcepto hoc cap. 4. ne Fratres recipiant pecuniam, vel denarios villo modo, ait : *Articulum istum propter detrahentium morsus profundius quàm nostri Prædecessores fecerint, assumentes, & ipsum clarioribus determinationibus prosequentes &c.* Clemens etiam V. restatur, non solum dubijs, quæ occurrunt, sed etiam, quæ possunt occurrere in futurum, opportunè adhibuisse remedia, ac in eis expediendis se omne studium, ac diligentiam adhibuisse,

se, illaque examinari voluisse per plures Archiepiscopos, Episcopos, in Theologia Magistros, & alios literatos, prouidos, & discretos; Ergo non est verum, quod dicit P. Pelandus, secundum opinionem tenentium denarios, & pecuniam esse ferè synonyma, non fuisse necessarias Declarationes.]

74. Comm. Falsum est absolutè, solam pecuniam semper nominari à Nicol. III. & Clem. V. vt patet in eorum Decretalium contextu vbi sæpè denarius, & pecunia simul nominantur; immo notandum, quod vbi prohibitionem S. Francisci referunt, semper in eisdem S. Francisci verbis) *denarios, vel pecuniam* exprimunt, vt eius intentionem contestentur; & si Pontifices ipsi solo pecuniæ nomine, vt plurimum, vtantur. Iam verò in num. 26. probauimus, falsissimum esse, quod Pontifices solo vtantur nomine pecuniæ, eo quod cum denario, vt synonyma conueniat; sed ideo quia pecunia (vt ex Hugone fateretur Rozycius, est veluti genus, & denarius veluti species; vnde sub nomine pecuniæ, veluti sub genere, venit & denarius, quicquid in hoc dicant Pelandus, & Rozycius.

75. Nec ideo tamen inficior, necessarias fuisse Pontificum declarationes; quia cum altissimus Euāgelicæ paupertatis apex esset huius mundi sapientibus in intelligibilis, non defuerunt, qui dicerent, ipsum hac in Regula S. Francisci præceptum esse inobseruabile, vt Nicol. III. in præmio suæ decretalis attestatur: addito deinde difficillimo, atque periculosissimo, salua Regulae puritate, ad pecuniam recursum; multoque magis ex aliquorum simplicitate, atque aliorum ad cauillandum malitia, erat impossibile, vt absque Sedis Apostolicæ definitione sedarentur in timoratis conscientijs scrupuli, & malè affectorum cauillationes: Si enim post authenticas Pontificum declarationes tam varia sunt Exponentium placita, vt etiam conentur aliqui huius Vmbre opacitate puriorē Regule obseruantia obfuscare; quid esset nisi per ipsas Apostolicas Decretales possent euidentissimè retundi? De opinione P. Sanctiorij per Rozycium hinc allegata quid verè dicendum sit, explicauimus in antecedentibus. Vnicum nobis sufficiat, quòd independenter à Iuribus, & Doctoribus



antiquis, quatuor Magistri, Hugo, Pisanus, & alij, sub religione indiuisa in Regulæ rigoribus adhuc perseverante, & post Ordinis diuisionem, Patti, Siguenza, Monza cæterique Reformati (vno excepto Rozycio) immò & ipse Corduba, & statuta Regularis Obseruantia, pecuniam, & denarium non intelligunt pro eodem, sed in sensu per nos explicato, plurimum ab inuicem distincta.

Vmbr. [Dixit P. Marchant, *Ferè synonyma*, quia pecunia videtur nomen aliquantulum vniuersalius, quàm denarius, ob nationes barbaras, si quæ reperiuntur, quæ moneta, & denarijs strictè acceptis non vtuntur, vt de nonnullis legitur, qui officulis utebantur.

*Respondet P. Pelandus: Quod in hac sua declaratione P. Recollectus putat, denarium esse monetam de metallis tantum confectam: Sed Corduba docet (allegando communiter omnes Expositores) denarium esse monetam ex quocumque metallo, seu materia confectam; & per consequens officula illa, & alia instrumenta, quibus Nationes barbaræ pro denarijs vtuntur, sunt verè denarij: & sic denarius & pecunia etiam apud illas Nationes essent omnino synonyma.*

Sed quidquid sit de mente Cordubæ: quòd per denarios debeat intelligi propriè, & strictè

moneta solùm de quibusdam metallorum speciebus facta, seu particulæ quorundam metallorum signatæ, patet; quia, vt inquit Budæus de Asse apud *Cornelium in cap. 10. Matt.* Omnis pecunia primum fuit ænea, deinde argentea, demum aurea, & quod loquatur hîc de denarijs, non potest negare P. Pelandus: quia *ly pecunia* quando ponitur solitariè (vti hîc) sumitur secundùm ipsum pro denarijs: Ergo officula illa, & quælibet alia instrumenta, quibus vtuntur aliæ Nationes pro denarijs, vt limacum conchæ, quibus in Regno Congo vtuntur, non sunt propriè, & strictè denarij: Sicut nec aurum, & argentum, quod secundum Petrum Ioannis utebantur homines ante vsum nummorum, consequenter nec sunt propriè synonima, sed ferè synonima, vt loquitur P. Marchant.

Nec inuerisimile censerî debet, B. P. Franciscum posuisse in hoc Regulæ præcepto, nomen denariorum, propter nationes, quæ vtuntur moneta de metallis facta; nomen verò pecuniæ propter Nationes, quæ vtuntur officulis, vel alijs instrumentis loco denariorum: quia S. Pater nouerat optimè ex diuina reuelatione, etiam inter alias Nationes Fratres suos, & Ordinem propagandum; non obstante quod P. Pelandus nullum viderit hoc præceptum sic explicantem.]

decernimus obseruandum, quod in pecuniarijs per Declarationem prædictam noscitur eleemosynis definitum Nicol. III. etiam §. Si vero docet Fratres non posse ad res legatas recurrere, vt vendantur, &c, nisi eo modò, quo ad pecuniarias eleemosynas: Ergo ista sunt pecunia.

Respon. quantum ad primam partem anteced. neg. eam, quod scil. Clem. V. receptionem equorum, armorum &c. numeret inter transgressiones præcepti de pecunia: sed potiùs enumerat, vt legenti patet; inter transgressiones contra paupertatem, & appropriationem, ait enim: proinde cum Vir Sanctus paupertatis promissæ in Regula modum exprimens dixerit in eadem Fratres nihil sibi appropient, & infra ad nostrum deducta examen, quæ in ordine fieri dicebantur, & videbantur prædicto voto, paupertati scil., & puritati Ordinis repugnare &c. Et tandem enumerando illa, ponit receptionem equorum, armorum &c. in sepulturis: Hæc Nicol.

Quantum ad secundam partem illam: scil. circa equorum, armorum &c. oblationes, illud decernimus faciendum, quod in pecuniarijs eleemosynis noscitur definitum per declarationem prædictam. Resp. neg. consequen. etsi enim ad vtrumque tam ad oblationes nimirum prædictas, quàm ad eleemosynarias pecunias sit idem modus recursus; non idcirco illæ oblationes pecunia censeri possunt; quia per illas ordinationes suas, voluit solum Pontifex, vt oblationes

L equo-



equorum, armorum &c. non accipiantur indistinctè, sicut fieri dicebatur; cui abusu obviare volens Pontifex loco citato dicit, circa equorum, armorum &c. oblationes illud decernimus in omnibus &c. & per omnia obseruandum, quod per declarationem prædictam in pecuniarijs noscitur eleemosynis definitum; Id est vt oblationes prædictæ sine vera necessitate præsentis, vel imminenti, & conditionibus in recursum ad pecuniam requisitis non recipiantur: cuius ratio est, non quia sunt pecunia, sed quia immediatè vsibus Fratrum non cedunt: & nisi ad necessitates veras reducantur, superfluitatem, pretiositatem, & thesaurizationem sapiunt. Aliud itaque est, illa esse pecuniam, aliud non fieri recursum ad illa, nisi eo modo, quo ad pecuniam.]

77. Comm. Zelotes S. Francisci discipulus tanto studio non quæreret ad excusandas excusationes in peccatis: Equi, & arma &c. in Decretali Clem. V. prohibita, & inter eleemosynas pecuniarias recensita, non ideo tantùm sic prohibentur, & recensentur, quia seruire valeant ad thesaurizationem, possunt enim recipi tantùm pro rebus licitis, & necessarijs, sed quia necessè est talia æstimato pretio vendi, ideo in ordi-

ordine ad vendendum recipiuntur; & quæ talia sunt pecunia; & pecunia censentur in illa decretali, vt legata in illa Nicolai III. computantur: & supra declarauimus: quomodo in istis peccari possit, & contra 6. Regulæ capitulum ex materia proprietatis, & thesaurizationis, & contra quartum capitulum ex illegitimo ad pecuniam recursu; per quod vniuersæ Vmbræ huius tenebræ dilucidantur.

## Corollarium.

[ Vmbr. Denique P. Marchant agens de Commutatione rerum, quæ sunt in vsu Fratrum, in fine ponit hoc Corollarium contra multorum scrupulos. *Licet Superiori commutare flum, lanam, &c. extra Ordinem pro tela, vel panno: Siliiginem pro frumento, granum pro butyro &c. etiam æstimato pretio, de licentia Generalis, vel Prouincialis (si non obstat expressa prohibitio donantis) idque probat: Quia hic (inquit) interuenit nudum ministerium sine aliquo iure.*

*Respondet P. Pelandus neg. consequentiam primò: quia res, quæ commutatur cum æstimatione pretij in Regula Fratrum Minorum, est verè pecunia; vt patet ex supradictis. Secundò: Quia commutatio,*

que fit cum æstimatione pretij, est vera venditio, & emptio secundum 4. Magistros, Hugonem, Cordubam, Politium, & alios; venditio autem, & emptio fit mediante pecunia, cuius usus Fratribus Minoribus est planè interdictus; quod quidem fatetur etiam ipse P. Recollectus Concl. 4. eiusdem quest. Sed

Contra Rationes istæ, ob quas negat Consequen. nihil omnino valent: Non prima; quia oppositum potius ex dictis constat; neque secunda, quia cum 4. Magistr. Hugo, & alij dicunt, commutationem, quæ fit cum æstimatione pretij, esse emptionem, intelligunt de æstimatione publica, & civili, quam esse de ratione pecuniæ probatum est supra, ita quod tunc fit emptio, quando res taxata seu æstimata lege publica, loco numeratæ pecuniæ datur pro alia re, vt patet consideranti textum 4. Magistr. & Hugonis.

Quantum ad Cordubam Dico: quòd Corduba potius hac in parte fauet P. Marchantio; nam c. 6. q. 3. postquam determinauit, venditionem, & conuentionem, seu æstimationem pretij, & rei vendendæ, eiusque dominij translationem ibi interuenientem debere fieri per Syndicum Pape: proponit dubium; vtrum similiter necessario debeat talis contractus, aut conuentio, seu æstimatio pretij interueniens fieri per Syndicum, quando res vendenda pertinet ad alium? an etiam possit fieri per ipsosmet Fratres personaliter; quando talis res non fuit modò  
pecu-



pecuniario accepta ; idest eo animo , vt venderetur , aut distraheretur , sed principalius fuit accepta animo vtendi illa in suis vsibus , & postea si contingat illam fieri inutilem , aut de illa aliquid superfluere , aut iam non esse necessariam , ita quod expediat , eam vendere , habebunt animum minus principaliter eam vendendi ? & respondet Corduba ibidem sic : *Quod Speculum Fratrum Minorum , & cum eo communiter Doctores omnes ferè de hoc loquentes dicunt , nullo modo licere Fratribus personaliter talem rem vendere modo predicto , scil. faciendo contractum , & conuentionem , & pretij æstimationem ; neque tradere talem rem in potestatem euentis : Sed quòd Syndicus nomine Papæ , aut Amicus Spiritualis nomine alterius domini talis rei , potest , & debet hoc facere , & non alius . Sed certè ( inquit idem ) ego non video rationem sufficientem ad dogmatizandum tam strictè , neque vlla authoritas ad id cogit . Ideo saluo meliori iudicio : dico , quòd in casu duby præfati , rem non pecuniario modo acceptam , benè licet Fratribus ipsis personaliter vendere de licentiâ Prælatorum , & Domini talis rei , & contractum venditionis facere , & conuentionem , seu æstimationem pretij , dummodo caueatur scandalum , aut alia occasio peccati , & omnis alia praua circumstantia aliàs vitians , seu inficiens talem actum . Ratio est ; quia nullus Pontifex , seu Declaratio id prohibet , vt patet : quia Nicol. III. vbi supra de hoc agens , hoc certè non prohibet ; quia solum dicit , pretium rei ven-*

ditæ accipitur per Syndicum , & de contractu venditionis nil prohibet nobis : immo generaliter loquens, sine exceptione concedere videtur , quod de licentia Prælatorum potest fieri personaliter , per Fratres autem quando pretij æstimatio interuenit , neque alius Papa innuitur id prohibuisse ; Neque per Regulam est illicitum ratione voti paupertatis ; Probatur ; quia in prædicta venditione sunt multi actus , quorum unus est æstimatio pretij , & hic certè non prohibetur nobis , sicut in re alterius agere de valore rei ; quid enim detrahatur paupertati propter hoc , quod ego de hac vel illa re ( cuiuscunque sit ) dicam : quod valet tantum , vel tantum . Item alius actus est traditio , vel translatio rei in potestatem ementis , & acceptatio pretij talis , vel talis ; quæ duo faciunt conuentionem , & contractum perfectum : certè de licentia Domini talis rei , ut seruus Domini nil habens Iuris in re , non videtur , quare non possit id licitè facere autoritate Domini Papæ , aut alterius Domini talis rei ; quia & Nicol. III. supra expressè videtur huic suffragari ; neque hic interuenit pecuniæ acceptio , ex quo ut suppono pretium pecuniarum debet per Syndicum , aut per amicum Spiritualem accipi , & non per Fratres , ut supra dictum est : Ergo de se non est contra Regulam , quod talis venditio fiat per Fratres ipsos .

Dico notanter de se , & dummodo caueatur scandalum : quia quatenus est de rigore Regule , & Declarationum , quoad hoc non videtur illicitum , vendere simpliciter modo prædicto sine strepitu , & sole-  
mini-

mnitate Iudiciali , seu iuridica , & civili obligatione &c. secùs autem si aliande proveniat scandalum , aut prava circumstantia ; tunc enim venditio de felicitate , fieret illicita ratione talis circumstantiæ , sicut & quodlibet opus bonum potest sic infici . Ideo si in tali venditione internueniat aliqua obligatio civilis , aut si iuridicè fieret , vel in iudicio , aut si etiam ex hoc agendum esset in Iudicio , iam tunc non liceret personaliter Fratribus sic vendere rem quamcumque , sed per Syndicum nomine Papæ secundum Priuilegium Martini IV. & Nicol. III. quia hæc omnia sic prohibita sunt fieri aliàs ex Regula , aut per Papam , aut ratione scandali , & huiusmodi ( ut in suis locis de singulis agendum est in sexto hoc capite ) Et quidem quamvis sit purius , & honestius , quod id fiat per Syndicum , non tamen videtur dogmatizandum , quod id sit necessarium , maximè cum oppositum communiter practicetur , possitque Frater Minor peccare contra conscientiam prædicto modo vendendo per se , si ei dicatur esse illicitum , in quo tamen non peccaret , si ei veritas diceretur ; Non enim sunt Fratribus plures laquei obijciendi , quàm ex sua Professione tenentur ; utinam vel sufficienter ea seruentur , ad quæ ex Regula , & Professione tenentur , & non angeantur , neque minuantur vota nostra . Hucusque Corduba .

Idem Author cap. 6. q. 4. agens de commutatione , puncto primo dicit . Fratribus Minoribus non licet autoritate sua rem aliquam pro alia commutare , distrabere , seu alienare , sed solum au-



176 *Vmbra*  
authoritate Domini talis rei, & eo modo, quo ipse  
vult, & nomine suo, ad quod sufficit autoritas,  
seu voluntas eius probabiliter presumpta, quando  
non potest commodè haberi expressa quia ex quo Fra-  
tres nullum ius, aut dominium in tali re habent, non  
possunt de ea disponere, nisi ut dictum est. Deinde  
puncto secundo dicit: Quod ad licitè commutan-  
dum res pertinentes ad Papam, quibus iam utitur  
Ordo, tres requiruntur conditiones. 1. quòd fiat de  
licentia Ministri Prouincialis, & Custodis. 2. quòd  
sint res mobiles. 3. quòd si mediante pretij aestima-  
tione commutantur, aut distrabantur pro alijs rebus,  
tunc non nisi per Syndicum fieri potest secundum Do-  
ctores communiter, & habetur in Serena Conscientia  
q. 81. & in speculo. Sed ut mihi videtur, hoc non  
est necessarium propter rationes tactas supra: ibi vi-  
deatur, & ad propositum applicetur: Ergo quamuis  
intercedat aestimatio pretij, & esset etiam ven-  
ditio adhuc potest fieri per Fratres sine  
Syndico. 1

78. Comm. Hoc deerat corollarium  
extortissimum, & fortasse ut obiectum pri-  
marium in opere toto intentum, ad ape-  
riendum ad relaxationem in Obseruantia  
strictiori amplissimum ostium, ut oblata vel  
mendicata etiam aestimato pretio vendere  
ipsis Fratribus dicatur licitum. Certè ve-

tendum fuit; nè nisi preuenirentur ita dicentis consilia; si Umbra hæc inoffensa transisset; conclamaretur à multis, vel errore, vel malitia seductis; *Regnavit Rex Absalom; & uniuersus Israel toto corde sequitur Absalom.* 2. Reg. c. 15.

79. Noto itaque primò, in hoc corollatio vniuersalem esse Rozycij ex Marchantio propositionem; de venditione rerum vt est in conclusione; quam infra probare tantum intendit in particulari de rebus, quæ ad Fratres modo pecuniario non perueniunt. Deinde per nudum Fratrum Ministerium, absque vlllo iure ius rei venditæ transferatur in eminentem neminem transferrere, nec enim per Fratres, vt tu dicis, quia reuera non possunt; neque per Pontificem, quia in sæpe citata Decretali *Exijt S. quia vero*, & Clemens V. C. *Exini S. Porro cum dictus*, expressissimè contradicunt: Ergo nullo trasferente transfertur rei per Fratres venditæ dominium: ecce chimericum argumentum!

80. Vbi verò Pelandi rationes in oppositum euellere nititur; apparet ex dictis, quàm veriùs constet oppositum; rem scilicet

in ordine ad vendendum acceptam, esse Pecuniam. Similiter de 4. Magistris, & Hugone, patet sole clarius ex recitato superius illorum textu, quàm aperte doceant venditionem æstimato pretio Fratribus non licere; quàm verò non subsistat conficta hinc explicatio: quòd Magistri intelligantur tantum de venditione publica, & ciuili; iudicent alij; quid intelligis per venditionem publicam, & ciuilem? fortè illam, quæ fit sub hasta, scribente Notario? certo certius in omni venditione transfertur dominium, qualem translationem facere Pontifex concessit ministris, vbi non interueniat æstimatio pretij; hanc autem soli Syndico reseruauit.

181. Ad opinionem Cordubæ iam supra sufficientissimè respondi; sed iterum aduerto, quòd ad illa se restringit, quæ Fratres non pecuniario modo receperunt; in Corollario verò conclusio est vniuersalis. Repeto Ergo hinc breuiter; opinionem Cordubæ non posse aliquid habere ponderis apud Reformatos, vbi eorum stictiori viuendi modo repugnat. Deinde non mirari non possum, cum omnino solum, contra-

com-



communiter Doctores, ut ipse confitetur, hanc nouam vel non subsistentem, vel saltem periculosissimam doctrinam inuehere voluisse, de qua nil boni ad Ordinis ædificationem, aut Reformationem sit sperandum. Tertio quod nullus Pontifex, seu declaratio id prohibeat, est apertissimè falsum; prohibetur enim primò generaliter, ut expressè declarat Clemens V. in præcit. S. Porro cum dictus Sanctus Dicimus, Fratres teneri cauere summopere, quod pro alijs causis, & sub modis alijs, quam ponat dicti prædecessoris nostri declaratio, ad dantes pecunias, sine deputatos Nuncios non recurrant, ne si secus ab ipsis attentatum fuerit; transgressores præcepti, & Regula meritò possint dici; nam ubi aliquid alicui generaliter prohibetur id omne, quod expressè non conceditur, intelligitur denegatum. Cum ergo rem æstimato pretio vendere, sit tanto cum rigore Fratribus generaliter vetitum, hoc nisi specialiter in casu concedatur, etiam in rebus non pecuniario modo receptis est vetitum. Etiam Nicol. III. C. Exijt postquam omnimodum ad pecuniam recursum Fratribus, ut ex propria auctoritate veti-

tum

tum esse definisset ; specialiùs in §. *quia verò* ; hoc in alienatione cuiuscunque rei æstimato pretio interdixit, & Apostolico Syndico reseruauit, non modò rei venditæ pretium, sed & ipsam venditionem ; neque vel apparenter Fratribus concedit in hisce contractum facere, vel dominium trasferre, quicquid in subsequentiis fingatur à Corduba.

82. Quod autem ipse postea subiungit, id solùm prohiberi ratione scandali, aut alteriùs grauis periculi; eodem modo, nec minori fundamento possumus de reliquis Regulæ preceptis ratiocinari; vt nempe sublato scandalo &c. equitare, non ieiunare &c. liceat vniuersaliter. Eodem modo in §. *Idem author.* fol. 86. optimè cum Serena Conscientia q. 81. & communiter Doctoribus de rerum commutatione, atque venditione cum differuisset, tandem illos omnes nulla ratione apposita, contra Decretales Apostolicas refutat, & negat.

[ Vmbr. ] *Ex quibus omnibus* quilibet colligere potest, quòd quandoquidem sententia Patris Marchantij sit conformior declarationibus Ni-

col. III. & Clem. V. vt ex dictis luculenter patet, quàm opposita; & ex concessis ipsiusmet P. Pelandi, standum est potius declarationi Pontificiæ, quàm cæteris Doctorum declarationibus; Papalis enim declaratio omnes obligat ad eius obseruantiam in vtroque foro, cui absque vlla contradictione subiacere tenemur; meritò hæc sententia oppositæ præferri debet. ]

83. Comm. Patet equidem etiam cæcis, nisi voluntaria passione obcecati sint, quàm veriùs Rosycius cum suo marchantio, omnibus Reformatam vitam profitentibus, & menti & Regulæ Seraphici Patriarchæ, & Nicol. III. & Clem. V. constitutionibus Apostolicis contradicat.

[ Vmbr. Nec instantia P. Ponzanelli de sequenda communi opinione aliquid valet, cui opponitur Maiestas Conditoris Legum, Iustitiani, qui *l. 1. ff. de veter. vir. enucl. §. 6.* Triboniano, alijsque ab eo deligendis viris discretissimis, togatis fori, demandans Prouinciã, colligendi responsa antiquorum prudentum, & ex eis eliminatis, conficiendi 50. Libros digestorum: hoc sanè quàm sapiens monitum, inter reliqua dedit: *Sed neque ex multitudine authorum,*  
*quod*



quod melius, aut æquius est, indicate, cum posset  
 vnius forsan & deterioris sententia, & multos &  
 maiores in aliqua parte superare. Censuit igitur  
 Imperator præsumptionem de veritate opinio-  
 nis communis non esse tanti faciendam, quin  
 liceat ab ea successionem facere, quando vnius  
 sententia, ratione (quæ ipsius etiam legis ani-  
 ma est. cap. Consuetudo dist. 19.) meliore, ac  
 subtiliore illam superat; sicut traditur cap. Ca-  
 pellanus de for. quamobrem Macagnus tract. de  
 communi opinione c. 8. n. 1. post Felinum, &  
 alios tam Theologica, Canonica, Legalique  
 Scientia excellentes asserunt, singularem opi-  
 nionem esse anteponendam communi, quando  
 nititur meliore, & subtiliore ratione, confor-  
 miter ad allegoriam Senec. lib. de vita, dicen-  
 tis. *Tritissima quæque via, & celeberrima, maxi-  
 mè decipit; nihil ergo magis est præstolandum,  
 quam ne pecorum ritu sequamur antecedentium gre-  
 gem, pergentes non quæ eundum est, sed quæ itur.*  
 Fateor tamen cum Prateo I. C. Regul. Iuris  
 lib. 3. tit. 7. c. 2. esse temerarium, à commu-  
 ni opinione deflectere ad singularem sine ratio-  
 ne; hoc enim, nec plus probant rationes Patris  
 Ponzanelli adductæ in contrarium.

84. Comm. Admitto vniuersam hanc  
 Rozycij hac in prima parte coronidem;  
 eamque rogo, vt ipse sibi accomodet, & vi-

deat

deat quam grauitèr sibi, & alijs nocere possit; dum vult nouissimam, & sine fundamento Marchantij doctrinam contra communem, atque tutissimam inter Reformatos, ex Apostolica Constitutione sententiam, mordicus etiam cum animarum periculo sustinere.

## Pars Secunda.

[ Vmbr. ] **I**N qua P. Pelandus impugnat retractationem P. Marchantij, qua retractat Doctrinam, & sententiam primò à se defensam; quòd Scil: Institutio Syndicorum, secundum Martinianam sit contraria Regulæ, & declarationibus Nicol.III. & Clem.V. ostenditque per oppositum, Prouisionem Martini V. de receptione, & administratione pecuniarum per Syndicos, tanquam per Procuratores Romanæ Ecclesiæ, non esse contra Regulam, ac declarationes Nicol.III. & Clem. V. nihil conferre Fratribus, quòd Regulæ rigorem relaxet: sed tantum benignitate Apostolica nonnulla media prouisa esse, quibus puritati, & quieti Fratrum, & intimæ Regulari Observantiæ prouideretur: Quod quidem declarat per sequentem Conclusionem. ]

85. Comm. Cum institutio Syndici Apostolici, vt aperte testatur & Clemens VII. in Bulla *Vacantibus &c.* & SS. Innocentius XI. in Bulla *Solicitando Pastoralis &c.* 20. Nouembr. 1679. nec fuerit, nec sit Regulæ Minoriticæ relaxatio, sed modus à Romanis Pontificibus pro summa in Ordinem pietate inuentus, quo possent Fratres quietius Regulam ipsam sine scrupulis obseruare: ideo Apostolica decreta pro debito venerans, de Syndici validitate non dubito; Sed cum varijs à Pontificibus varia fuerit assignata Syndicorum authoritas, ideo hîc examinandum cum Rozycio, quis eorum purius, & perfectius cum literalî, & puriori Regulæ obseruantia consistat: ipse namque Martinianum, nempe à Martino IV. & V. institutum ab illo, qui per Nicol. III. & Clem. V. assignatur, in nullo discordare contendit, ad hoc vt Martinianum inter Reformatos hucusque non concessum passim liceret introducere, vt iam pleræque de Ultramarinis Reformatæ Prouinciæ admittere tentauerant. Cum itaque varia per varios Pontifices sit  
eorum



eorum facultas ; vt exponit optime Sanctorius ; Noto cum Sanctorio ipso in Com. Const. c. 4. stat. 4. amplissimas esse Syndici Apostolici facultates à Martino IV. & V. ab Eugenio IV. & ab alijs concessas à Sixto IV. & Iulio II. & ab Alexandro VI. notabiliter ampliatas , itaut etiam Hæredes possint à benefactoribus institui ; & has solùm pro Conuentualibus nostris valere non dubitamus : Martinus V. ( vt mox dicemus ) ad concessionem Martini IV. multum superaddidit ; sed Paulus IV. in Bulla , *Ex Clementi Sedis Apostolica &c.* die 1. Iunij 1555. plurimum adauxit, quam ideo concessionem subreptitiam fuisse , & esse probat Sanctor. loco præcitato f. 295. Ver. *Respondeo hanc Bullam* : quod disputare, non est huius loci .

86. Hinc solùm essentialiter adnotandum , duas esse de Syndici Apostolici facultate Martini V. Apostolicas constitutiones , & vnum statutum , quod Martinianum dicitur , quia eius authoritate factum , & ab eo confirmatum . Primum fuit anno sui Pontificatus vndecimo ; & in hoc nihil facit , excepto quod Syndicum

à Martino IV. iam olim institutum confirmavit, reuocauitque Extrauagantem, Ioann.XXII.*Ad Conditorem Canonum* (Orb. Seraph.tom.1.f.513.) per quā cassauerat ipse Ioannes, omnes, & quascunque Syndici Apostolici deputationes à suis Prædecessoribus factas; vnde iterum Martinus in sui, & Sedis Apostolicæ dominium suscepit res Fratrum Minorum vsui concessas; Syndicosque restituit Apostolicos; Incipit *Amabiles fructos &c.* calend. Nouemb. anno vndecimo.

87. Statutum, quod Martinianū dicitur, & secundo loco fuit à nobis hîc allegatum, continetur in cap. 4. Constitutionum Generalium pro Reformatione totius Ordinis anno 1430, die 15. Iunij à Cardinale Ioanne Ceroantes cum potestate Legati à Latere per Martinum V. deputato, auctoritate Apostolica editarum, & deinde ab ipso Martino Papa cum aliqua modificatione confirmatum: ibi ergo in cap. 4. sic ordinatur: *Statuimus iuxta Declarat. Nicol. III. Clem. V. & Martini IV. & ordinationem S.S.D.N.D. Martini Papæ V. quòd quilibet Conuentus, sine locus habeat suum*

*suum Procuratorem &c. Cui omnis eleemosyna pecuniaria, & alia, quæ ad pecuniam reduci possunt, integraliter consignentur, qui eadem dispensare debeat legaliter, & fideliter pro reparatione &c. Ita ut in hoc specialiter supra decretales Nicol. III. & Clem. V. auctoritatem Syndici notabiliter adauxerit, dum ei concedit, ut tanquam Syndicus Apostolicus nomine S. Sedis accipiat omnes eleemosynas pecuniarias, & alia, quæ ad pecuniam reduci possunt, Fratribus quomodocunque oblata, pro eorū necessitatibus expendenda: Quod in citatis Nicol. & Clem. nullo modo fuerat concessum; sed solum pro rebus illis accipiendis, & in casu alienandis, quarum usus esset Fratribus ex Regula permissus; ideo prudentissimè idem subiunxit Apostolicus Legatus, In omnibus autem, quæ ultra hoc magis videntur arctare Fratres, siue ex declaratione Clementis &c. Apostolica nobis auctoritate commissa misericorditer dispensamus. Hoc ideo factum, etiam consentiente, immo & componente statutum ipsum B. Ioanne à Capistrano, ad hoc (ut notatur in Orb. Seraph.) ut salva qua-*



litercunque in essentialibus Regulæ puritate quoad essentialia, possent Conuentuales ad vnionem, & vniformitatem vitæ per constitutiones illas cum Obseruantibus adduci.

88. Tertia Syndici Apostolici prouisio Martiniana, siuè Bulla secunda Martini V. *Ad statum Ordinis &c.* decimo kalen. Septembris, anno Pontificatus 13. nempe nostræ salutis 1430. (Ibid. tom.2.fol.496. num.17.) non à B. Ioanne à Capistrano, vt falsò ab aliquibus asseritur, sed à Gulielmo de Casali Ministro Generali Ordinis ad fauorem Conuentualium fuit procurata: Inter alia ibi Syndico Apostolico conceditur, *ut in proprietatem Sedis Apostolica recipere possit possessiones, & bona quæcunque mobilia, & immobilia, & annuos prouentus; ipsorumque redditus, fructus &c. recipere, tenere, possidere, exigere, illosque in commodum, & utilitatem fratrum, atque Conuentuum de ipsorum fratrum consilio conuertere.* Quàm latiùs per hæc ampliata fuerit authoritas Syndici Apostolici; explicatione nostra non indiget.

89. Nicol. III. in decretali *Exijt*, &  
Clem.

Clem.V.in sua *Exiui* soli inter omnes Pontifices, qui Regulam Minorum declararunt; se illam ad omnimodum Regulæ rigorem, & ad mentem Sancti Francisci declarare, protestantur: pro solis veris, præsentibus, aut imminentibus Fratrum ipsorum necessitatibus Syndicum Apostolicum approbaverunt; cui propterea duos solos actus indulserunt; Primò vt nomine Sanctæ Sedis mobilium, & immobilium Fratribus obuenientium possessionem acciperent, sed eorum tantum, quorum vsus sit eis à Regula permissus, (ex quo pecunia, & omne ad pecuniam reducibile excluditur); de his autem quantum ad necessitates sufficiunt, & in propria specie; nullo verò modo ad superfluitatem, aut quod sapiat thesaurizationem: secundus actus huic Syndico concessus est, vt omnia supradicta Fratrum vsui concessa possit ex causis, & modis ibi deputatis, vendere, pretiumque illorum in Fratrum necessitates veras conuertere: Itaut verissimè dixerint Nicolaus, & Clemens Pontifices, Regulam ad omnimodum rigorem fuisse à seipsis expositam; dum eis medio Syndico non nisi necessaria, in propria specie con-

sumenda, nullo autem modo pecunias, aut res pecuniarias, neque superfluitatem, aut ad maiorem commoditatem, aut ad thesaurizationis apparentiam concedunt.

90. Patres Capucini ad nullam præcisè harum declarationum ex vi, aut Bulla suæ institutionis obligantur; Patres Conuentuales omnem qualemcunque dispensationem Apostolicam admittunt; Patres de Regulari Obseruantia Syndico Martiniano reseruato, in reliquis ab anno 1606. ad rigores decretaliū Nicol. *Exijt*, & Clem. *Exiuit* se se obligarunt; qua de re videndus est Sanctorius in Commen. ad Constitutiones generales cap. 4. stat. 4. vbi hoc tractat ex professo; similiter & Corduba, & Patti, vbi de Syndico Apostolico; sed præsertim Apostolica Constitutio, siue motus proprius Innocentij XI. *Sollicitudo Pastoralis &c.* 20. Nouembris 1679. edita (Ibid. t. 2. fol. 188.) Nostri Reformati nulla facta reseruatione ad omnimodos. citat. decretalium *Exijt*, & *Exiuit* rigores, non modo per statuta propria, sed ab institutione ipsius Reformationis per Constitutiones Apostolicas Clem. VII. & VIII. Greg. XIII.



& XV. & Vrb. VIII. obligantur ; itaut neque autoritate Capituli generalis possint ab eis recedere, vt possent, si ad hæc per sua tantum statuta forent obligati ; Syndicum ergo Apostolicum nullatenus admittere possunt, nisi eo modo, iisque cum restrictionibus, quibus à Nicolao III. & Clem. V. conceditur .

91. His ex indispensabili necessitate pro faciliiori, pleniori, atque tutiori dicendorum intelligentia prænotatis, ad rem nostram reuertimur . Intendit ergo Rozycius ex Marchantio defendere, quòd nulla sit inter Syndicum Martinianum ex vna, & Nicolainum, siue Clementinum ex altera parte differentia ; vnde nouitate prorsus inaudita intendit Syndici Martiniani vsum in Reformationem inducere ; quod ab illius Vmbræ opacitate obtenebratæ iam non sine grauissimo Stricteris Observantiæ præiudicio, (nisi ex Superiorum zelo fuisset opportunè prouisum,) aliquæ Prouinciæ Ultramarinæ decreuerant, atque de facili poterat in alias irrepere : videamus itaque, quid Rozycius dicat,

# Articulus I.

## Conclusio.

[ Vmbra ] *Prouisio illa Martini V., qua Syndici designantur, ut pecunias omnes, eleemosynas in utilitatem Fratrum oblatas, datas, vel relictas, recipiant, & in necessitates Fratrum expendant, in nullo contrariatur Regulæ, aut declarationibus Pontificum Nicol. III. & Clem. V. Probat. Si Prouisio illa Martini V. contrariatur Regulæ, aut declarationibus, id fit, aut respectu Pontificis personæ pecuniarum dominium in se assumentis, aut respectu Syndicorum pecuniam recipientium, & administrantium, aut respectu Fratrum, & modi recursus; sed nihil horum dici potest: Ergo absolute non contrariatur illis. Minore probat quo ad omnia tria membra diuersis rationibus, quam negat P. Pelandus, & rationes soluere nititur. ]*

92. Comm. Martini V. prouisio respectu Syndici, à prouisione facta de eodem per Nicolaum III., & Clementem V. in concessione pecuniæ, in modo, & in quantitate rerum pro Fratribus recipiendarum omnimodè distinguitur, quo ad omnia, & singula tria capita in probatione Rezycij assumpta; ut clarissime patet ex antedictis, & hinc

& hîc immediatè prænotatis ; quod vt clarius fiat , actus omnes appono , qui Syndicis eisdem à varijs illis Pontificibus conceduntur : & sunt quinque , vt patet in Apostolicis eorum concessionibus , atque per omnes Regulæ Expositores nullo excepto .

93. Nicolaus III. & Clemens V. duos tantum actus Apostolico Syndico concedunt : primus est , vt Ecclesiæ nomine res omnes mobiles , & imobiles pro Fratribus oblatas , donatas , vel testamento relictas , ( excepta semper pecunia ) recipere valeat . ( Sanctior. in Comm. Const. c. 4. stat. 4. )

94. Secundus actus est , vt res illas actu primo receptas , si factæ sint inutiles , alienare possit , earumque pretium in fratrum necessitates expendere , & ad nil aliud extenditur .

95. Syndicus Martinianus ad alios tres actus ampliatur , nempe ad illos duos hîc recensitos , & ad alios tres .

96. Tertius est , vt repetere possit relictâ fratribus etiam in iudicio , etiam pecuniam .

97. Quartus est , vt agere possit in iudicio



cio pro omnibus causis, iuribus, & actionibus fratrum Ordini competentibus.

98. Quintus actus est, ut nomine Sedis Apostolicæ recipere valeat pecunias, resque pecuniarias vndecunque, & quomodocunque provenientes; & ipsas in fratrum necessitates de mandato Superiorum expendere: qui ultimus à Martino V. concessus, à Paulo IV. confirmatur. Iudicent autem alij num isti tres actus ultimi duobus primis aliquid superaddant.

## Membrum I.

[ Vmbra ] Quia in hoc Martinus V. nil aliud facit, quàm Nicol. III., qui pretium, siue pecuniam ex rebus Fratrum vsibus prius datis, imò ex oblatis diuenditis provenientem in dominium suum assumpsit: Ergo non respectu Pontificis &c.

## Solutio.

Respondet P. Pelandus quoad hoc punctum; primò negando, quod assumat Pontifex Nicolaus III. in dominium pecuniam ex rebus diuenditis provenientem: negatque, Pontificem in sua decre-

decretali id insinuare : immo ( inquit ) *ipse Nicolaus ait : Nec eo animo ut distrabant , seu vendant , recipiant . Sed .*

*Contra .* Quòd hoc insinuet in sua decretali Nicolaus III. manifestè patet ex dictis suprà in probatione secunda Conclusionis primæ per totum . Vnde Martinus V. in hac sua de Sindici provisione cap.4. *Statuimus ( inquit ) & ordinamus , iuxta declarationem Nicol. III. & Clem. V. ac Martini IV. Quod quilibet Conuentus , seu locus habeat suum Procuratorem æconomum , Syndicum , & actorem , cui omnis eleemosyna pecuniaria , & alia , quæ ad pecuniam reduci possunt , integraliter consignentur &c. 1*

99. Comm. Respondeo neg. paritatem ; nam Nicol. ea solùm à Syndico vendi permittit , & pretium recipi , quæ priùs licitè , ad necessarium , & licitum vsum fratribus fuerant concessa ; Martinus verò amplissimè ad omnia se protendit , & oblata , & procurata etiam sub qualitate pecuniæ , & rerum ad vendendum acceptarum , quæ Nicolaus nullo modo vult in se recipere . Ad probationem in contrarium , dico notanda esse verba statuti illius Martiniani ; non enim dicit , *iuxta decretalem Nicolai , & Clementis ; sed superaddit , ac Martini IV. & V.*

quia

quia nempe non ignorabat Pontifex ,  
 siue Capistranus statuti director ; per  
 Nicolai declarationem minorem fieri , mo-  
 do hìc explicato , Syndico concessionem ;  
 at longè maiorem à Martino IV. & V.  
 idest , vt dixi , ad omnem qualemcunque  
 pecuniariam eleemosynam .

[ Vmbra ] Respondet secundò , *falsum esse ,  
 quòd Martinus V. nil aliud faciat, quàm Nicol. III.*  
*quod sic ostendit : Nam Martinus V. assumit in*  
*dominium pecuniam à Fratribus per recursum pro-*  
*curatam, vel liberaliter, aut ex laboritio eis oblatam:*  
*Nicol. III. verò minimè ; sed vult , quòd pecunia*  
*illa secundùm Regulæ puritatem , remaneat in pro-*  
*prietate, & dominio offerentium, & donantium, donec*  
*in Fratrum necessitates sit expensa . Item Martin. V.*  
*recipit in dominium non solùm omnes pecuniarias*  
*eleemosynas, sed etiam ea , quæ , ad pecuniam reduci*  
*pòssunt, vt constat ex Martiniana cap. 4. Nicol. ve-*  
*rò III. nec pecuniam , nec reducibilia ad pecuniam*  
*recipit ; Et sic patet ( inquit ) Martinianam contra-*  
*riari Regulæ , & declarationibus Pontificis Nicolai*  
*III. et Clem. V. respectu Pontificis pecuniam in do-*  
*minium assumentis , et per consequens clarissimum*  
*est, hoc primum Membrum non esse verum Sed*

Contra . Quamuis materialiter , & indini-  
 dualiter , aliud faciat Martinus V. quàm Nico-  
 laus III. formaliter tamen , & specificè idem  
 omni-



omnino facit vterque . Nam sicut Nicol. III. de pecunijs ex pretio rerum , quæ in vsu fratrum , antea fuerunt , per Procuratores suos diuenditarum prouenientibus prouiderat ; scil. vt ad Ecclesiæ dominium pertinerent , in genere piorum donorû ; donec in necessitates Fratrum essent expensæ ; idem de pecunijs , sub incerto dominio velut relictis , & abiectis per dantes ( siue sint per recursum pro necessitatibus præsentibus , aut imminentibus procuratæ , siue liberaliter oblatae , siue pro laboritio ) Martinus V. ordinavit ; Consequenter non aliud voluit formaliter , quàm Nicol. III. sicut v. g. si quispiam pro eleemosyna expenderet vnum Imperialem , & alter eiusdem pretij , vel maioris victum ; quamvis materialiter aliud faceret vnus , quàm alter ; formaliter tamen vterque idem exerceret , scil. eiusdem virtutis actum . ]

100. Com. Expositio hæc de identitate formali , non materiali inter concessionem Nicolai III. & Martini V. est ultra nimium extorta ; non enim comparari debent ad inuicem , nisi per modum excedentis , & excessi ; quia Martinus præ Nicolao longè plura , & ampliora concessit ; neque vera est similitudo de Imperialem vnum , & eius iustum valorem expendente ; sed per excessum

sum superat Syndicus Martinianus ; Nicolaus enim id solùm vendi concedit à Syndico , quod iam sub modo licito Fratribus concessum , transferat in potestatem Ecclesiæ : nullo verò modo , quæ à dante offeruntur , vel à fratribus procurantur , ad superfluitatem &c. & maximè si pecuniæ naturam assumant , quod facere Martinus indulgit .

[ Vmbra ] Et quando Nicolaus III. pecunias huiusmodi vult manere in proprietate , & dominio donantium , ac offerentium , donec in necessitates Fratrum sint expensæ , supponit , quòd illius dominium sibi reseruauerint donantes , ac offerentes ; vt colligitur , tam ex illa ratione , qua assumit in dominium pecuniam ex rebus , quæ fuerunt in vsu Fratrum , prouenientem , & ipsas res huiusmodi , ne scil. remaneant sub incerto dominio . ]

101. Comm. Neque Nicolaus ea tantùm fratribus oblata , aut procurata repellit à suo dominio , quæ dantes sibi specialiter reseruant ; sed & omnia , quæ superfluitatem , pretiositatem , aut thesaurizationem sapiunt ; multòque magis , quæ pecuniæ natu-

naturam assumunt; ad quæ omnia extenditur Martiniana concessio. Neque pretium de venditis ex sua concessione recipit, quia derelictum, & sub incerto dominio, sed ut pretium rei iam secundum Regulam licitæ in Sedis Apostolicæ dominium assumptæ.

[ Vmbra ] Tum ex statutis Reformatorum, supra fol. 31. 32. præsertim dum cap. 4. dicunt, Syndicum debere habere curam eleemosynæ pecuniariæ pro necessitatibus assignatæ præsentibus, vel imminentibus; casu quo ille, qui dedit, nollet eam seruare; Et quod ibi sit sermo de Syndico, ut Syndico patet; nam volunt, illum nominari à Generali, & Prouinciali, quod ad Syndicum ut substitutum dantis non requiritur.]

102. Comm. Quomodo statutum illud Reformat. cap. 4. num. 3. malè interpretatur à Rozycio, explicatū est superius n. 44. & si enim nominent ibi Syndicum ut Syndicum reduplicatiuè, & ideo à Prælati nominandum; tamen in illa pecuniæ receptione se habet ut dantis substitutus ex ratione ibi per nos allata.



(Vmbra) Quod si fortè etiam Nicol. III. non voluisset hoc de pecunia per recursum procurata, aut liberaliter, vel pro laborio fratribus oblata; non sequitur, quò minus id potuerit facere Martinus V. absque præiudicio Regulæ; sicut fecit Nicolaus III. de illa, quæ prouenit ex venditione rerum mobilium, quæ erant in vsu Fratrum; cum eadem sit vtriusque ratio.)

103. Comm. Ultrò do manus, amantissime frater; supremam super omnes Regulas, & Ordinum constitutiones Sedis Apostolicę potestatem veneror: non tamen debes, aut potes abinde deducere, quod eadem sit vtriusque concessio, cum vnā præ alia longè ampliorem esse, nemo non cognoscat.

(Vmbra) Quando ulterius addit P. Pelandus, Nicolaum nec pecunias, nec reducibilia ad pecuniam, recipere in dominium; hoc manifestè falsum est: Tum ex dictis immediate de pecunijs ex venditione rerum mobilium, quæ erant prius in vsu Fratrum, prouenientibus, & ipsis etiam rebus huiusmodi, quæ iure dicuntur reduci ad pecuniam; quia licet sint receptæ animo, vt eis in suis necessitatibus Fratres immediate

diatè vtantur ; attamen secundùm P. Pelandum in solutione ad sextam probationem, si postea, in toto , vel in parte retinentur , & asseruantur, vt vendantur, pecunia sunt ( essetque idem pecuniam habere , & vti pecunia : ) Quòd enim hæc sint in dominio Papæ, fatetur ipsemet P. Pelandus fol. 75. §. *Quia si Doctor* : vbi dicit non solum res ipsas mobiles, quæ fuerunt in vsu fratrum ; sed & pecuniam ex ijs prouenientem, esse in certissimo dominio Sedis Apostolicæ ; idque clarissimè colligitur ex transumpto Instrumenti Cardinalis Matthæi Protectoris Ordinis ad Archiepiscopos, & Episcopos Germaniæ dat. Romæ 1280. kalend. Maij Pontificatus Nicolai III. anno 3. vno scilicet anno post declarationem, seu Extrauagantem ipsius : *Exijt, qui seminat etc.* quæ data erat 18. kalend. Septembris Pontificatus eiusdem anno 2. Quod quidem Instrumentum continet executionem Procuratorum Apostolicorum iuxta declarationem Nicolai III. factam, per Treuirensẽ Archiepiscopum 1281. in Crastino omnium Sanctorum ; in quo Instrumento inter alia habetur : Procuratores illos, siue Syndicos institui ad recipiendum pretium, siue pecuniam de mobilibus, quæ sunt in vsu fratrum, prouenientem, & vt huiusmodi pretium, seu pecuniam illam, quæ prius deposita fuerat apud alios Procuratores, seu Syndicos aliter institutos recipiant. ]

104 Comm. Pudet in circuli tam multiplici repetitione diutius immorari. Quia illa ex concessione Nicolai vendibilia, iam vt fratrum vsui licita transferant in dominium Sedis Apostolicæ: ideoque pretium eorum eiusdem autoritate consumitur; quod non valet in reliquis à Nicolao reiectis.

[ Vmbra ] Deinde Nicol. III. in speciali casu, quo scilicet donans Principalis moreretur, voluit pecuniam apud Depositarium, siue substitutum depositam pro necessitatibus Fratrum, in illas, etiam contradicente vero hærede, expendi, quæ donec expensa sit (cum non sit amplius donantis, qui mortuus est, nec substituti, qui solum est Minister, & ab hærede abstrahatur) necessario ex vi declarationum Nicolai III. ad dominium Ecclesiæ, & Pontificis reddit. *Vide declarationem, Nicolai III. art. 6. quid faciendum. Quamobrem Corduba in cap. 4. q. 16. punct. 3. ad omnes eleemosynas, etiam pecuniarias in testamento relictas, & ad illas in iudicio, vel extra repetendas, nomine Ecclesiæ licite posse vti Syndico affirmat; (si tali legato verè Fratres indigeant) eo quod dominium eorum, vel saltém dispensatio ad Papam pertinere probatur iuxta immediate dicta; idque per decretalem Nicolai concedi affirmat, §. Ad hæc,*



vbi agens de legatis Pontifex præcipit, quòd tam hæredes, quàm executores, quàm Iudices, seu alij Prælati, ex officio proprio diligenter procurent, & faciant, quòd talia legata diligenter soluantur, & piæ defunctorum voluntates impleantur, subiungit: *Nam & nos etiam per modos licitos, & fratrum Regulæ congruos intendimus providere etc.* Ex quibus verbis patet, quòd intendebat Summus Pontifex providere de Syndico, qui posset nomine Ecclesiæ talia legata repetere; quod postmodum non fecit, vel morte præventus, vel aliàs præpeditus. Et ideò Martinus IV. & alij eius successores prædicti executioni mandarunt, quod Nicolaus ipse mandare non potuit; Et quòd id fieri possit secundum Regulæ puritatem, ex eiusdem Martini IV. Bulla comprobatur: dicitur enim ibi, quòd per hanc Syndici provisionem dantur remedia opportuna, per quæ nostri Ordinis pura observantia, in sui vigore conservetur; Quam opinionem Cordubæ, Hieronymus à Politio satis rationabilem, & in nullo Regulæ puritati præiudicare censet, in cap. 4. num. 50. Quamvis Speculatoris, & Collectoris modum (quoad iuridicam dumtaxat repetitionem) sanctiorem ad ædificationem populi putet. J.

-1105. Comm. Hæc est omnino voluntaria Decretalis illius ignorantia. Statuit

Pontifex ibi §. *Ad maiorem*, vt persona perdantem deputata res dante ipso viuente nondum consumptas in Fratrum necessitates expendat illo defuncto, etiam inuito hærede; quia vt supremus Princeps Ecclesiæ debet eniti ne ab iniquo hærede fiat iniuria testatori, qui eo casu vellet vt suum vsurpare, quod suum re verà non est, sed à testatore pro anima sua donatum. Item §. *Ad hæc* statuit eodem modo, & eadem de causa, vt hæredes, & Iudices &c. sint solliciti ad exequendas pias testantium voluntates, ex quibus vult Fratrum necessitatibus, & de mortui animæ prouideri: Ergo Pontifex in vtroque loco illius pecuniæ possessionem in se assumpsit. Quæ nam hæc consequentia? vbi citatis in textibus apparet, vel eius indicium? At longè peior est, quæ ibidem immediatè fingitur ex verbis illis Papæ, *Quia & nos per modos licitos &c. intendimus prouidere &c.* Sed Pontifex morte præuentus, vel aliàs præpeditus prouidere non potuit, quod superpleuit Martinus IV. Nonne clarissima est ibi modo per Pontificem declarato prouisio ad frenandam hæredum cupiditatem, & ad

& ad implendas pias testantium voluntates per illud ibi positum decretum in toto illo S. expositum, & Iudicibus, & cæteris intimata? De Cordubæ, atque Politij opinione nihil est apud Reformatos, vt sæpe docuimus.

Vmbr. [Pergit vterius P. Pelandus, adducens ex P. Marchant, quòd in confirmationem huius membri dicat: Non alia ratione hanc prouisionem facere Martinum V. quàm illa, qua vtitur Nicolaus; nimirum ne res, & rerum pretia, siue pecuniæ sub incerto dominio maneant; cum non sit persona, in quam dominium rerum, & pecuniarum pro Deo oblatarum deuoluatur, quàm persona Summi Pontificis, vel Ecclesiæ Romanæ; Sed quòd in hoc decipiatur P. Marchantius, deducit ex quatuor.

*Primo. Quia Nicol. III. loquitur solùm de rebus mobilibus, & immobilibus, quibus Fratres licite vtuntur, dicens: quòd assumit eas. in dominium, & proprietatem Romanæ Ecclesiæ, ne sub incerto dominio maneant. Nec vllam facit mentionem de rerum pretijs, seu pecunijs; quas ipse P. Recollectus addit, vt existimo, ad libitum suum, vt efficere valeat conformatem, & identitatem à se intentam inter Martinum, & Nicolaum.*

Sed potius P. Pelandus maximè decipitur in intelligenda propositione P. Marchant. P. enim



Marchant, non allegat illam rationem Nicolai, quasi illam in terminis ponat Nicolaus loquendo de rerum pretijs siue pecunijs; sed dicit: quòd Nicolaus res in vsu Fratrum ante existentes, (de quibus expressam facit mentionem) ac consequenter earum pretia, siue pecuniam ex eis prouenientem recipit in dominium Sedis Apostolicæ; quia cum res, quæ sunt in vsu Fratrum, sint in dominio, & proprietate Sedis Apostolicæ, consequenter etiam pecuniam ex eis proueniens est in dominium Sedis Apostolicæ, vt etiam ipsemet P. Pelandus infra affirmat. Ex hoc P. Marchant. arguit à paritate rationis videlicet; quòd sicut Nicol. III. res mobiles, & immobiles, quibus licitè Fratres vtuntur, assumit in Dominium Romanæ Ecclesiæ, ne sub incerto dominio maneant absque præiudicio Regulæ: ita eadem ratione potuisse, & de facto fecisse idem Mart. V. de pecunia per recursum, vel liberaliter, vel pro laboritio oblata Fratribus.]

106. Comm. Confirmo iterum, iterumque confirmo, potuisse ita concedere Martinum; sed cum ampliori extensione facultatis in Syndicum; quod est punctum controuersie.

Vmbr. [Secundò dicit decipi P. Marchantium; quia si Doctor, is e (inquit) intelligit, quòd Nicol. III. assumit in dominium pretia, & pecunias prouenientes

*ex venditione mobiliū, quę in usu Fratrum sunt, ne maneant sub dominio incerto; hoc non videtur verum: quia cum res mobiles, quę sunt in usu Fratrum, sint in dominio, & proprietate Sedis Apostolicę cōsequenter, & pecunia ex illis proueniens est dominio certo, imò certissimo Sedis Apostolicę: nec potest dici ullo modo, quodd Sedes Apostolica assumat illam in dominium sub hac ratione, videlicet, ne sub incerto dominio maneat. Sed*

*Contra. Eadem ratione, qua res, quibus utebantur Fratres, assumuntur in dominium Ecclesię, assumitur pretium illarum, siue pecunia ex illis proueniens; Nam accessorium sequitur naturam sui principalis; sed res vendendę, quibus Fratres licitę utebantur, assumuntur in dominium Eccl. Rom. ea ratione, ne sub incerto dominio maneāt: Ergo eadem ratione assumitur in dominium Ecclesię pretium illarum, seu pecunia ex ijs proueniens: Ergo sicut postquam, semel illę res sunt assumptę in dominium Ecclesię, hoc non obstante, quod sint in dominio certissimo eius; adhuc de illis verum est dicere, quod sint assumptę ea ratione, ne maneant sub incerto dominio: ita non obstante, quod etiam postquam pretium earum est semel assumptum in dominium Papę, estque in dominio certissimo eius, quatenus res illę sunt in dominio eius; verum erit de illo pretio, seu pecunia dicere, quod sit assumpta in dominium Papę, seu Ecclesię sub hac ratione, ne sub incerto dominio*

maneat; & ita falsum est, quod in sua responsione dicit P. Pelandus.

*Titid.* Deducit, decipi Patrem Marchant. in allegatione Nicol. III. Quia (inquit) idem Doctor dicit, quod Mart. V. assumit in dominium eleemosynas pecuniarias, & alia ad pecuniam reducibilia eadem ratione, qua Nicol. III. scil. ne maneant sub dominio incerto; sed neque hoc verum videtur; nam hac ratio scil. ne res mobiles, & immobiles, quibus Ordo licet utitur, sub incerto dominio maneant, à Nicol. III. fuit expressa, non autem à Martin. V. respectu rerum, & pecuniarum, sed videtur ad libitum addita à P. Recollecto, ut Martinus videatur Nicolao conformis.

*Contra:* Licet Mart. V. rationem illam respectu rerum, & pecuniarum, quas in dominium recipit, non exprimat; tamen id facile colligi potest, quod propter eam id faciat, ex motivo, quo inter alia motus, præfatam dispositionem fecit; quia scil. donantes pecunias, ut plurimum non obstantibus Fratrum informationibus, & protestationibus in Declarationibus Nicol. III. expressis, quando pecunias pro amore Dei donabant, pro necessitatibus presentibus, vel imminentibus Fratrum à se dominium earum, & potestatem abdicare intendebant; prout & communiter modo intendunt non intelligentes istas protestationes, sed pro Cæremoniis urbanis illas reputantes; quod amplius credunt, quando pro Officijs Divinis, Prædicationibus

&c.



&c. pecuniam præstant , arbitantes se naturali saltem, gratitudine obligari ; Idque recognoscunt, & fatentur Constitutiones Generales Iulij Secundi ( etsi in pluribus Privilegiatæ ) quæ cap. 4. referentes causam , cur Martinus V. hanc provisionem dederit , non aliam ponunt , quàm quòd quidam dando liberè , vel legando pecuniam, nedum volunt, & intendunt , immò verbo exprimunt &c. se eo ipso à se ipsis dominiũ taliũ abdicare &c. quæ pecuniæ, cum non essent hæstenus in dominium Ecclesiæ receptæ, angebantur Fratres, quomodo ad illas recurrere possent, vel in suas necessitates procurare expendi, sine authoritate alicuius veri Possessoris, qualem in his neminem cognoscebant: Igitur Martinus V. volens his anxietatibus providere , accepit in se dominium illarum pecuniarum , si quæ forte sic abdicatæ essent, vt certum dominium non haberent, vel intelligerentur non habere.

*Quartò .* Putat decipi P. Marchantium in allegando præfato Nicol. III. textu. *Quia* (inquit) *Nicol. III. vult, quòd pecunia à Fratribus per recursum procurata , vel eis liberaliter, aut ex laborio oblata, remaneant in proprietate , & dominio donantium , donec in Fratrum necessitates expendantur ; & per consequens non potest dici , quòd sint sub incerto dominio : Ergo verum non videtur , quòd Mart. V. assumat eas in dominium sub hac ratione, ne maneat sub incerto dominio.*

*Contrariò .* Hoc est quòd Martinus V. non accipit

pit in se dominium pecuniæ cuiusvis , sed illius dumtaxat , quæ nullum haberet dominium , utpotè pecuniæ , quàm donans , vel legans à se omnino abdicasse intelligeretur , vel censeretur ; quæ ratione ( ut colligitur ex Nicol. III. assumente in dominium res mobiles , & immobiles , quibus licitè vtuntur Fratres ) manere censeatur sub incerto dominio . Sed ]

107. Comm. Hæc omnia , sapiùs recantata nil essentialè continent ad intentum ; iamque sapiùs fuere declarata . Hic essentialiter disputatur , an sit eadem concessio Martini V. pro Syndico , sicut & concessio Nicolai ; & probatur eidentissimè illam esse & in modo , & in obiecto longè ampliorem .

Vnib. [ *Instat P. Pelandus : Sed textus Martinianæ id non dicit , sed absolute ait : Cui (Syndico) omnis eleemosyna pecuniaria , & alia , quæ ad pecuniam reduci possunt , integraliter consignentur.*

Quod tamen cum prædicta limitatione debeat intelligi Textus Martinianæ , patet ex dictis immediate ad tertium ; Nec est credibile , quod Pontifex voluerit auferre dominium donantium , & sibi appropriare , si illud sibi reseruassent . ]

108. Comm. At illa conditio supposita de donante pecuniam, quod illam à se penitus abdicare intendat, Fratribus saltem indoctis est incognita; unde si necessariò supponatur, multis scrupulis, & erroribus aditum aperiet. Et Nicolaus neque pecuniam à dante penitus, & expresse abdicatam in se recipit; sed vult, quod ad eam recipiendam alius ex dantis auctoritate substituatur; Ecce maxima differentia; Hæc omnia in secundo membro huius conclusionis clariùs elucescent.

## Membrum II.

Vmb. ¶ Hic P. Pelandus adducit probationem P. Marchantij, qua probat Martinianam, non contrariari Regulæ, nec dictis declarationibus Pontificijs respectu Syndicorum pecuniam recipientium, & administrantium, hoc modo: quia Syndici duplicem personam gerunt, nimirum substitutorum donantium respectu pecuniæ, cuius dominium sibi dantes reseruarunt, & substitutorum Papæ respectu pecuniarum, quæ ad dominium Papæ reuertuntur, dum illud donantes à se ablegasse censentur. Itaque siue sint substituti donantium, siue substituti Papæ, qui  
in



in hoc casu representat donantes, nihil Regulæ, aut Declarationibus officiant, & citâ habet P. Marchantius.

## Solutio.

Respondet P. Pelândus, quod licet possit saluari, hoc non officere respectu pecunie, quæ Syndicis datur sine Fratrum scitu, & sine eorum consensu, ad quos tanquam ad amicos spirituales recurrerent, sicut facerent ad quemlibet alium; autamen respectu pecunie, quæ à Fratribus per recursum procuratur, vel eis liberaliter, aut ex laborito offertur, patet manifestè, quod Regulæ, & declarationibus officit: Nam ex Nicol. III. constat, quod non possunt Fratres statim presentare, vel nominare Syndicum, nec personam aliam, cui pecunia committatur; quia hoc modo esset persona interposita, contra Regulam; Sed si dantes nollent per se expendere pecuniam in Fratrum necessitates, debent substitutos nominare; & quando nollent; Sed vellent, quod Persona nominetur à Fratribus, tunc nominare possent, itaut pecunie dominium apud dantes maneat, donec in Fratrum necessitates sit expensa. Etsi iste modus servatur, de iurâ idem Nicol. III. §. Caterùm; Quod in nullo infringitur Regulæ puritas, aut quomodolibet eius observantia maculatur. Vnde per oppositum nominando, vel presentando statim Syndicum, vel personam aliam ad recipiendum dictam pecuniam se-

cundum eundem Nicol. Regula puritas infringitur,  
& eius observantia maculatur.

Modo secundum Martinianam, potest statim, & immediate Syndicus nominari, ad recipiendam dictam pecuniam à Fratribus per recursum procuratam, vel eis liberaliter oblatam, aut pro laboritio donatam; itaut eius dominium apud donantes (nisi illud sibi reseruent) non remaneat, sed in Summum Pontificem transeat. Ex quo patet, quod etiam secundum membrum non est verum; nimirum quod Martiniana in nullo sit contraria Regulae, aut Declarationibus Nicol. III. & Clem. V. respectu Syndicorum pecuniam recipientium; quia ut ostensum est, verè contraria est, & non est ibi illa omnimoda conformitas, & identitas, quam fatetur esse Doctor Recollectus. Ita P. Pelandus. Sed

Contra arguitur sic. Etiam respectu pecuniæ, quæ à Fratribus per recursum procuratur, vel eis liberaliter, aut ex laboritio offertur, supposito (ut debet semper supponi) quod adsit vera necessitas præsens, vel imminens, Syndicus præfatus nō officit Regulae, & Declarationibus: ergo responsio nulla. Antecedens probatur: ex hoc solum officeret, ut vult P. Pelandus, quod secundum Martinianam possit statim Syndicus nominari ad recipiendam dictam pecuniam, à Fratribus per recursum procuratam, vel eis liberaliter, aut ex laboritio oblatam; atque sic Syndicus esset persona interposita contra Regulam; sed ex hoc capite non officit Regula:

quia

quia si consideretur Syndicus ut substitutus dā-  
tium; quamvis nominetur, aut præsenteretur à  
Fratribus ipsis donantibus, etiam antequam,  
illi dicant; se nolle per se pecuniam expendere,  
nec nosse aliquem, cui committant, modò au-  
thoritatem circa pecuniam Syndicus prænomi-  
natus, non à Fratribus, sed à proprietario ac-  
cipiat (quod fieri potest, sic expressè, & im-  
mediate, siue ex probabiliter præsumpta dan-  
tis voluntate) non erit persona interposita, quæ  
nunquam est, nisi cum authoritatem circa pe-  
cunias expendendas à Fratribus accipit: ergo ex  
hoc capite non officit Regulæ: & quamvis id  
videtur prohibere Declaratio Nicol. III. &  
Clem. V. de facto tamen id non prohibet; sed  
solum monet, & ad cautelam maiorem horta-  
tur, ob periculum transgressionis Regulæ: ut in-  
fra dicetur fusiùs.

Quod si Syndicus præfatus consideretur, ut  
substitutus Papæ, qui in hoc casu repræsentat  
donantes; multò minùs officit Regulæ, & De-  
clarationibus; Quod probatur: licuit Fratri-  
bus Minoribus ex Regula, & Nicol. III. & de  
facto licet cum puritate conscientiæ, quando  
Dominus pecuniæ non vult, aut non potest  
commode pecunias expendere in necessitates  
Fratrum, nominare, & ex consensu, ac volun-  
tate principalis Domini subrogare personam,  
quamcumque idoneam, quæ nomine Domini  
principalis pecuniam expendat in veras neces-  
sita-



fitates ; cum persona sic subrogata ita agere ,  
 sicut cum prima , siue Domino pecuniæ licebat .  
 Sed in casu nostro nominare Syndicum , siue  
 Procuratorem ex consensu Papæ ad venditio-  
 nes rerum , & expensionem pecuniæ in necessi-  
 tates ; nihil aliud est , quàm ex consensu , &  
 voluntate principalis Domini ( qui in hoc casu  
 est Papa ) cum per se non velit subrogare perso-  
 nam , quæ nomine eius expendat pecuniam in  
 veras necessitates præsentis , vel imminentes ;  
 Ergo cum Regulæ puritate licet tales personas  
 nominare , subrogare , cum ita Pontifex tan-  
 quam Dominus principalis ordinet , & velit ;  
 Atque sic seruatur modus Nicolai . ]

109. Comm. Quia totus hic discursus  
 faciendo vim in verbis potius , quàm in  
 vlla , vel apparenti ratione fundatus id vnũ  
 euincere conatur , vt contra omnes vnani-  
 miter expositores Regulæ Syndicum Ni-  
 colai III. Papæ ad Martinianum , vt vo-  
 cant , pertrahat ; & hunc ad Reformatos  
 Striæctioris Observantiæ professores contra  
 prohibitiones Apostolicas extendere li-  
 ceat ; quid realiter pro veritate hac in re  
 sentiendum sit , exponam ; deinde contro-  
 uersia essentiali , siue reali dilucidata , si quæ  
 verba erunt in Vmbra textu , quæ veluti  
 con-

condensata folia Vmbram ipsam defendere videantur, explanabo.

110. Noto primùm, nullum extitisse, ante Marchantium, & Rozycium, qui Syndicum inter Nicolainum, atque Martinianum identitatem hic prætentam, vel somniauerit: Neque qui laxiora Martini V. Sixti IV. & Iulij II. admiserunt indulta; neque Obseruantes, qui præallegata de causa, ad ineundam scilicet cum Conuentualibus vnionem, Duce B. Capistrano, ampliores Martini IV. & V. facultates admiserunt, dixerunt vnquam, se ad Nicolai III. & Clem. V. Strictiores expositiones obligari hac in parte, vbi agitur de Syndico; sed semper Martinianas extensiones palàm admiserunt; vt diximus; & fusius infra dicemus; solum ab anno 1606. in Capitulo Toletano (Orb. Seraph. tom. 3. fol. 596.) & pluries in subsequentibus protestati sunt, se ad præcitatas Nicolai, & Clementis Decretales absque vlla dispensatione viuere velle, quod ab Urbano VIII. anno 1625. per Breue Sacrosanctum &c. confirmatum, fuit ab eisdem sæpius renouatum, & nouissimè ab Innoc. XI. iterum,

con.

confirmatum; ac quo modo his non obstantibus vsum Syndici Martiniani sibi reseruauerint; declarant optimè Santorius, Monza, & alij, neque damnat Innoc. XI. præcitas in suo motu proprio; *Sollicitudo* 1679.

III. Non ergo hîc disputamus, an liceat, salua Regulæ saltem essentiali puritate, vti Syndico Apostolico, quod indubitatum suppono; sed an magis limitata sit authoritas Sindici Nicolaini, ad quem proinde per Constitutiones Apostolicas obligantur Reformati, itaut vti non possint Martiniano? Rozycius prætendit inter vtramque identitatem, sed contra Rozycium stant non modò Reformati vniuersi; sed & omnes Expositores, quandiu Ordo indiuisus in pura Regulæ obseruantia permansit; Immodò, quod singulariter est notandum, cum Martinus IV. post Nicol. III. per duos actus superadditos, nempe Tertium, & quartum supra recensitos authoritatem Syndici ampliasset, succedens postea Clemens V. volens in sua Decretali. *Exiui*, in Consilio Viennensi examinatas, Ordinem vniuersum in puritate Regulæ



constituere, in factò Syndici, non ad Martinum IV. sed ad Nicolaum III. se retulit, eiusque Constitutionem confirmavit, & rigorosè obseruari præcepit; multòque magis valet argumentum contra longè ampliorem facultatem a Martino V. successiue concessam.

112. Ego tamen maioris ergo ponderis, ac euidentiæ, non antiquiores illos Patres Zelotes, non Reformatos, sed ex Obseruantia Regulari Cordubam ab omnibus pro merito commendatissimum Rozycio hìc opponam, vt cum de maxima inter vtrumque Syndicum differentia irrefragabiliter conuincat,

113. Corduba ergo in c. 4. Regulę q. 8. de modo, & conditionibus procurandi, & deponendi pro Fratrum necessitatibus pecuniam; sic ait; [ Respondeo, quod nos possumus habere vno modo per Syndicum Papæ, *secundum dispensationem Martini IV. & Martini V.* & hoc modo nos haberemus faciliùs, licet non tam purè, nec omninò secundum Regulam; & non teneremur seruare multa, quæ in hac q. 8. & sequentibus habentur; ] idest, de modis, causis, & cautelis

lis à Nicol. & Clem. constitutis. ( alio modo  
secundum declarationes Nicol. III. & Clem.  
V. *per amicos spirituales secundum Regulam*;  
& hoc modo seruanda sunt multa, quæ in  
hac quæst. & seqq. exponuntur. ) Subse-  
quenter exindè conditiones illas exponit.  
Nota ergo Rozyci; extraneo à teste, qui  
sua pro Regulari Obseruantia pugnare non  
cessat, quantum iustitia, permittit; sed  
passioni non cedit; Nota, inquam, *ly se-*  
*cundum dispensationem*, *ly licet non omni-*  
*nò purè*, *ly non teneremur seruare multa*; *ly*  
*per amicos spirituales secundum Regulam*; per  
hæc sola tuus omnis hac in disputatione  
conatus euanescit.

114. Deinde ibidem exponens secun-  
dam conditionem pro legitimo habendo  
recurfu ad pecuniam, docet ipse Cordu-  
ba, debere nos, non secundum conces-  
sionem Martinianam, quæ liberam dat  
omnino pecuniarum receptionem, Syndi-  
co: Sed solum ex Nicol. III. in art. 3.  
ver. *Ita tamen*, exponere amico spirituali  
necessitatem specialem, veram, præsen-  
tem, vel imminentem, pro qua pecuniam  
postulamus, quia postulando tantum pro

necessitatibus in generali, remanet nobis  
 deinde libera dispositio ipsius pecuniæ, vt  
 eam pro libito ad hanc, vel aliam necessi-  
 tatem expendi disponamus; talis autem  
 pecuniam procurandi modus in generali  
 est quæstus pecuniarius, vel ei multum af-  
 finis, à Clem. V. in art. 6. prohibitus: ad  
 idem facit textus Nicolai art. 3. S. *quia*  
*verò*; vbi determinat, quid agendum sit  
 de pecunia, quæ ultra determinatam ne-  
 cessitatem Danti notificatam supersit; er-  
 go supponit specificari debere determina-  
 tam necessitatem amico spirituali. Citat  
 hac pro opinione concord. tractat. de ne-  
 cess. qq. 3. solut. & speculum FFr. & Hu-  
 gonem in c. 4. & Ioannem Philip. & com-  
 muniter Expositores; sic Corduba; notat  
 autem ex Philippo, quod ab hac necessita-  
 tis specificatione absoluihur, si commodè,  
 honestè, & sine scandalo notificari non  
 possunt, & quamuis post, & ipse Corduba  
 nitatur rationes istas soluere, reuera ta-  
 men non potest, excepto casu, quo pe-  
 cunia ipsa spontè mitteretur à Dante pro  
 Fratrum necessitatibus in generali: Vnde  
 Corduba ipse post allegatam contra se ta-  
 bulam



bulam VIII. Vic. Gen. confitetur ingenuè, quod nullum de multis, quos legit authoribus inuenit, qui sibi in hac parte faueat; sed communem esse opinionem, quòd determinata Danti necessitas specificetur, & tandem sub correctione loqui se profitetur; & quod procurari, nec acceptari non possit pecunia, nisi pro necessitatibus saltèm imminentibus, excepta facultate Martiniana, Corduba ipse fatetur.

115. Denide ibidem explicando quartam conditionem in procuranda pecunia à Nicol. III. præfinitam, docet euidentissimè iuxta eundem Nicol. art. 3. *S. Caterinm*. Ver. *Quo casu* & ex Clem. V. art. 6. Secundùm Pisan. Hugon. & alios communiter, nullo modo licere Fratribus personam nominare ad receptionem pecunie, nisi ad hoc inducatur à Dante; sed etiam in tali casu, debent Fratres, si fieri potest, à tali nominatione abstinere; vt cauetur à Nicol. loc. citat. ibid. fol. mihi 204. quem locum perperam extorquere nititur Rosycius, vt mox videbimus. Concludit tandem ibidem Corduba, quod ab hac quarta conditione absoluantur, qui *Syndico*.

*Martiniano utuntur*; quibus ideo fuit indultum, ut *Syndicum Apostolicum possint absolute nominare*: Ecce quanta differentia inter Nicolainum Syndicum, atque Martinianum; ne recipiant pecuniam per interpositam personam:

116. Explicando postea ex Nicol. III. a. 3. *S. ita tamen*, & ex Clem. V. a. 6. *S. denique tum idem*, & ex Doctoribus cit. communiter, quintam conditionem, docet esse in vigore Decretalium *Exijt*, & *Exini*; ut pecunia illa maneat in dominio donantis, donec fuerit expensa; & hoc non apparenter, sed integra sinceritate; quia sic statuit ipse Nicol. nolens huius pecuniæ dominium in se recipere. Quinimò, si donans ipse declaret, abdicatam esse à se pecuniam illam, non tamen illam Pontifex acceptat, ut datam pro Fratrum necessitate, sed nomine dantis remanet penes substitutum, sic & post Domini mortem: & ad summum, facta omni amplissima abdicatione per dantem, transit ad Ecclesiam, ut res Deo generaliter oblata; non tamen eo modo speciali pro Fratrum necessitatibus; Quis autem non videt, pecuniam à Syndico Apostoli-

stoli-

stolico, qua tali de mandato Papæ pro Fratrum necessitatibus receptam in Papæ transire dominium? Ecce alia maior inter utrumque Syndicum differentia: Vnde merito Corduba ipse hic etiam concludit, ab hac eximi quinta conditione, qui Syndico Martiniano vtuntur.

117. Ibidem qu. 10. iuxta Decretales citatas *Exijt*, & *Exiui*, docet absolutè, pecunias indifferenter, vel pro necessitatibus oblatas, procuratas, legatas &c. Fratres acceptare non posse, neque, vt deponantur, permittere, nisi verè illis actu, vel imminenter indigeant, cuius contrarium in Syndico Martiniano exprimitur.

118. Qu. 11. puncto 3. determinat omninò, conditiones illas, causas, modos, & cautelas pro recurſu ad pecuniam legitimo nō posse sine peccato violari; quia obligatoriè sunt assignatæ ab ipso Nicolao a. 3. & Clem. V. ar. 6. qui rationem assignat, *ne ut præcepti, & Regula transgressores merito possint dici. Nam ubi aliquid alicui generaliter prohibetur, quod expressè non conceditur, intelligitur denegatum.* Interdicitur autem generaliter expressè nobis vsus pecuniæ,



exceptis illis causis, modis, &c. Ergo extra illos modos &c. (contra Rozycium,) non possumus ad eam recurrere; & addit Corduba, quòd in hoc ignorantia non excusat, quia scire tenemur; & quia saltem non ignoramus, recursum ad pecuniam, esse nobis interdictum; Quod si Nicolai concessione uti velimus, uti & debemus, prout sonat, & non aliter: immo in q. 12. puncto 2. docet absolutè cum DD. communiter; & ex Nicol. & Clem. citatis, omnem recursum ad pecuniam aliter factum, esse quæstum pecuniarium in Regula prohibitum.

119. Tandem in qu. 17. agens de Syndico Apostolico, eius actus quinque a nobis supra recensitos enumerat in puncto 2. & puncto 3. dicit, omnes Fratres Minores, nemine contradicente uti posse Syndico quoad duos primos actus à Nicolao assignatos, quia sunt ad omnimodum Regulæ rigorem, absque vlla specie dispensationis; Tertium, & quartum actum protestatur à Martino IV. non vero à Nicol. III. fuisse inductos; Etsi enim frustra nitatur ad eundem sensum trahere Nicol. III. ubi

Iudices, Prælatos, atque Testamentorum  
executores obligat, aut admonet, vt sint  
solliciti pro talium legatorum solutione  
iudicans (ex capite suo contra illa ipsa ver-  
ba Pontificis) habuisse Pontificem inten-  
tionem ad hæc extendendi Syndici facul-  
tatem, quòd morte præuentus non fecit  
cum euidentissimè constet ibi pronitionem  
à Pontifice, non in futurum meditatam,  
sed tunc factam ipsis Iudicibus, atque Præ-  
latis, confiteretur tandem hoc à Nicolao III.  
non fuisse factum, sed deinde ab eius suc-  
cessoribus, nempe à Nicolao IV. Marti-  
no IV. & V. Vnde non potest Syndicus Ni-  
col. III. Ecclesiæ nomine recipere indiffe-  
renter, etiamque in iudicio reperere om-  
nes eleemosynas etiam pecuniarias Fratri-  
bus modo licito relictas, siue legatas; Quod  
tamen potest Syndicus Martini IV. & mul-  
tò magis Martini V. Idem de actu quarto  
omniò sentiendum. Longè amplior est  
facultas in actu quinto per Martinum V.  
Syndico attributa; vt videlicet non modò  
eleemosynas pecuniarias Fratribus modo  
licito relictas, sed omnes omnino pecunia-  
rias eleemosynas quasunque, vnde cun-  
que,

que, ac quomodocunque prouenientes recipere, & expetere valeat, easque pro Fratrum necessitatibus, quomodo, & quando ab eis fuerit requisitus, expendere: quod quantum distet à Nicol. III. constitutione vident, & cæci; Confiteturque Corduba (ibid. fol. 147.) ingenuè in hoc actu quinto esse aliqualem, sed rationabilem, atque licitam dispensationem, non quidem in essentiali substantiæ voti paupertatis (quia tandem horum omnium dominium non transit in Fratres, sed in Ecclesiam) sed circa circumstantias aliquas, atque modificationes, ad quas Fratres ex Regula, vel declarationibus tenebantur, in ordine ad puram, perfectamque huius præcepti obseruantiam. Quæ de causa ab Italis fuisse statuta hæc Martiniana recepta, propter finem sæpè iam repetitum, ad ineundam cum Conuentualibus, salua substantia Regulæ, vnionem; Ab Ultramontanis autem per longa tempora non fuisse recepta; iam verè in tota Regulari Obseruantia sustinetur. Hæc Corduba in rei tamen veritate, hæc omnium omnino eleemosynarum absq; vlla restrictione per Syndicum receptio

Spe-



Speculatori, atque Collectori eius discipulo, aliisque Zelotibus visa semper est sapere quoquo modo thesaurizationem, viamque Fratribus, non ad necessitates, sed ad commoditates aperire; eo vel maxime, quod ad liberam Fratrum petitionem recepta debet expendere, maxime Superiorum: optime fore non dubito Reformationi, quamdiu ab illa se continebit. Apertius in puncto 4. declarat ibidem Corduba, quod utentes Syndico Martiniano dispensantur in tribus. Primo, quia pecuniæ non recipiuntur nomine dantis, sed Ecclesiæ; Secundo, quia possunt Fratres ad oblatam pecuniam recipiendam statim nominare Syndicum; Tertio, quia tenetur Syndicus eam non ad suum, vel dantis libitum, sed ad Fratrum voluntatem expendere; quæ omnia Decretalibus *Exijt*, & *Exiuit* manifestè repugnant.

120. Omitto, quæ longè rigidioribus adnotationibus hac in materia probarunt Ioannes Baptista de Modoætia, Siguentia, Antonius Pactensis, cæterique Reformati, cum satis superque Observantes ipsi Rozycium conuincant, dum chimericè, va-

cuaque verborum congerie Syndicum Nicolai tentat ad Martinianum attrahere, ut istum liceat inter Reformatos inducere; Strictioremque cum Regulari Observantia omnino confundere; Iam ergo superest, ut videamus an in Rozycij conglomeratis sophismatibus aliquid appareat, cui debeat specialiter responderi.

121. Quantum altè Nicol. III. decretali obstat vltionea Syndici nominatio ad pecunias recipiendas à Fratribus facta, iuxta Martinianam concessionem, patet superius omni luce meridiana clariùs. Neque dicimus id non posse à Papa concedi; sed negamus, id stare cum Nicol. III. constituto.

[Vmbra.] *Confirmatur.* Procuratores à Nicol. III. instituti ratione venditionis rerum, ante in usu Fratrum existentium, receptionis pecuniæ, expensionis eius in necessitates Fratrum, quæ authoritate Summi Pontificis sunt, eiusque nomine; interposita Fratrum Persona dici non possunt: Ergo nec Procuratores à Mart. V. instituti; cum nè quidem in puncto, siue ratione institutionis, siue administrationis, ab illis dissideant; quamvis fortè in obiecto, seu subiecto aliqua sit differentia.

122. Comm. Quanta sit differentia inter res vsui licito Fratrum iam concessas, & cæteras pecuniarias à Nicolao Pontifice nunquam admissas, vnde illæ, non istæ, per Syndicum Nicolai possint alienari; patet in Superioribus.

[ Vmbr. ] Dices, Quauis id admitti possit quantum ad pecunias, quæ iam nullius Dominij factæ sunt, eò quòd dantes eas à se abdicauerunt; tamen admitti non potest, respectu pecuniæ, cuius dominium manet penes Dantes; attamen secundum Martinianam respectu etiam istius potest statim immediatè Syndicus nominari, ad recipiendum dictam pecuniam, itaut eius dominium apud donantes, nisi illud reseruent, non remaneat, sed in Papam transeat; Consequentèr arctari videntur tam dantes, vt pecuniam non nisi Syndicis consignent, quàm Fratres, vt non nisi Syndicos nominent. ]

123. Comm. Negauimus ex Corduba, Modoxtia, Paçtensi, & alijs; res sub nullius Dominio constitutas etiam à Dante ad fauorem Fratrum abdicatas, transire in Dominium Papæ, hoc speciali modo ad prouidendum Fratrum necessitatibus, sed penes Dan-



Dantem, aut eius Substitutum remanent, donec consumantur, aut ad summum vt exterae causæ piæ communiter ad Ecclesiam; non hoc modo speciali pro Fratrum necessitatibus, deuoluuntur.

[ Vmb. Respondetur. Pontificem non voluisse vlla ratione restringere potestatem donantium, quin si velint in se potestatem, & dominium, reseruent; illamque administrent, vel administrari faciant per quoslibet substitutos, prout etiam declarauit Nicol. III. Declaratio enim, Mart. V. & statutum, solum respicit Fratres (quibus tamen Mart. V. liberum reliquit seruare modos Nicolai, si putarent se posse eos melius seruare cap. 4. Const.) ita vt declaratio Mart. V. præfata duos habeat fines. Primò, vt prouideatur incerto dominio pecuniarum, & declaretur, illas iure communi, vt bona pauperibus piè data absque retentione domini in dominium, Ecclesiæ reuolui, & Procuratoribus assignari tanquam D. Papæ substitutis ad legitimam eorum administrationem, vt in vsus Fratrum conuertantur. Secundò: vt inquietudinibus Fratrum, & abusibus emergentibus melius prouisum esset quoad nominationem substitutorum, & depositariorum, casu quo dantes etiam dominium pecuniæ retinentes nollent Personas aliquas nominare ad expendendum, sed Fratres  
iuxta

iuxta declarationem Nicol.III. deberent illas præsentare; cum nomine fratrum intelligantur illi tantum, qui ad amicos recurrere possunt: Sunt autem ex Regula Ministri tantum, & Custodes: ex Declar. verò Nicol. Fratres ab illis commissi: Vnde Mart.V. prouide, & secundum Regulam ordinauit, ne nimia licentia daretur fratribus in nominando: ( cum fratres suæ conscientie prodigi tales interdum nominarent, quibus ut famulis, & Ministris utebantur, & per ipsos infideliter ad placitum fratrum expendebantur) vt ad huiusmodi pecunias expendendas non nominarentur, nisi a Ministris, & Custodibus nominati, & hi sunt Syndiei, quorum fidelitati, cætera Conuentuum negotia, autoritate Pontificis sunt commissa; Prout etiam de facto nostra Prouincialia ordinant statuta: Atque sic hac prouisione Mart.V. potius est firmata Regula, & iudicio Ministrorum, & Custodum, ac Summi Pontificis fideles Personæ designatæ sunt, quæ donantibus nominari, vel præsentari possunt pro administratione eorum pecuniæ tanquam ipsorum substituti, donec in usu fratrum expendatur; ita tamen quòd si donantibus aliter placeat, vel si ipsi aliter per se, vel per alios disponere velint, illis liberum sit; modo pecunia iuxta licitos Regulæ modos expendatur: Vnde nihil per hanc Prouisionem, Mar.V. derogari videtur dispositioni Nic.III.

124. Comm. Laudabile cōfiteor, quod ad præcauendos abusus fuerint Fratres à Pontifice arctati, vt nullum præter Syndicum danti valeant præsentare, quod etiam à Reformatorum statuto præcauetur: sed nō in hoc est nostra differentia; sed in illo, quod non ad instantiam dantis, sed vltrò nominetur à Fratribus; & quod omnes, & quascunque peculiarias Elcemosinas indifferenter recipiat, & ad Fratrum libitum expendat, hæc tria sunt grauissima.

### Membrum III.

[Vmbra Hic P. Pelandus adducit probationem Patris Marchanti deducentis, Martinianam non esse contrariam Regulæ nec Declarationibus respectu Fratrum, & modi recursus, sic ait. Quia fratres non possunt recurrere ad Syndicos, nisi secundum rigorosum Regulæ præceptum nimirum autoritate Ministrorum, & Custodum (sub quibus Guardiani comprehendantur) & in vera præterita, præsentī, vel imminenti necessitate à Ministris, & Custodibus iudicanda, & secundum modos; quibus ad amicos spirituales, & eorum substitutos per declarat. Nicol. III. recurrere possunt: Vnde nihil possunt



sunt fratres agere circa Syndicos, quod ex Regula non possunt circa Dantes, vel Substitutos, & hæc sunt verba P. Marchantij.

## Solutio.

*Respondet P. Pelandus : quod ex tribus, quæ P. Marchant. adducit ad probationem huius 3. membri, unum conceditur, & duo negantur. Primò, quod Fratres non possint recurrere ad Syndicum, nisi secundum rigorosæ Regule præceptum, autoritate scilicet Ministrorum, & Custodum, & hoc conceditur. Secundò, quod Fratres non possint recurrere ad Syndicos, nisi secundum modos, quibus ad amicos spirituales, & eorum substitutos, per Declarat. Nicolai recurrere possunt, & hoc conceditur secundum Nicol. III. sed negatur secundum Mart. V. qui expressè relinquit fratribus liberum, servare modos Nicol. III. eosque in hoc dispensat dicens cap. 4. Martinianæ : In omnibus autem, quæ ultra hoc magis videntur arctare fratres, siue ex Declaratione Clementis, siue ex quacunque alia Declaratione Summorum Pontificum, vel aliorum quorumcunque Apostolica autoritate misericorditer dispensamus : Deinde subiungit libertatem servandi Decl. Nicol. III. & Clem. V. dicendo : non adstringentes eos, qui voluerint prædictas declarationes servare, quin suo voto satisfaciennes servare valeant, & tenere. Idemque ipsum P. Marchantium fateri dicit, quanvis hic aliter loquatur, ut Nico-*

laum ad Martinium pertrahat. Tertiò negat, quòd nihil possint agere Fratres circa Syndicos, quòd ex Regula non possint agere circa dantes, vel substitutos. Quia (inquit) secundum Martinianam plus possunt fratres circa Syndicos Papæ, quàm secundum Regulam, & Nicol. III. circa substitutos donantium. Nam ad substitutos donantium non possunt recurrere, nec eos rogare, nisi ut expendant in Fratrum necessitates pecuniam sibi à Donantibus commissam, sed secundum Martinianam non solum possunt fratres recurrere ad Syndicum Papæ, & eum rogare, ut expendat pecuniam ex venditione mobilium, quæ sunt in usu fratrum, acceptam, sed etiam ad recipiendum in Papæ dominium pecuniam à Fratribus per recursum procuratam, vel sibi liberaliter, aut ex laboritio tributam. Quod quidem nullo modo facere possint, iuxta Declarat. Nicol. III. & Clem. V. qui volunt, quod huiusmodi pecunia maneat in dominio donantium, donec expendatur, nec ullo modo in dominium Ecclesiæ transeat: & propterea Martiniana in hoc fratres dispensauit dicens misericorditer dispensamus.

Sed quantum ad hoc secundum, & tertium punctum, quæ negantur à P. Pelando, ob rationes ab ipso adductas, admissio, quod per Martinianam in modis à Nicolao expressis sint dispensati, ut prætendit P. Pelandus, cum Corduba contra solutionem P. Pelandi quoad secundum,

Dico. Quòd P. Pelandus confundit modos

recursus expressos in declarat. Nicol. III. qui sunt in duplici differentia : aliqui enim sunt quasi intrinseci essentialiter determinantes substantiam votorum , præceptorum , ac obligationum , sine quibus eorum essentia saluari non potest ; alij sunt quasi extrinseci, accidentaliter determinantes vota , præcepta , & obligationes, sine quibus potest saluari substantialis puritas eorum; qui propterea mutari possunt interdum in æquivalentes , & quandoque etiam iuxta circumstantias, in meliores. In proposito itaque nostro, quando P. Marchantius dicit, fratres non posse recurrere ad Syndicos Martinianos, nisi secundum modos , quibus ad amicos spirituales, & eorum substitutos perDeclarat. Nicol. III. recurrere possunt ; loquitur de modis quasi intrinsecis, qui sunt, vt Fratres non permittant plus deponi apud illos, quam necessitas requirat, vt residuum ad donantes reuertatur, vt donantes reperere possint pecuniam, vt Fratres recurrendo in pecuniam nil omnino iuris prætendant, & ab omni administratione, seu dispensatione pecuniæ abstineant, vt contra personam nominatam ab eis , cuiuscunque conditionis existat, in iudicio, vel extra , qualitercunque persona prædicta in commissione huiusmodi se habeat, actionem non irritent; nisi enim sequentur illi modi , substantia præceptorum , & obligationum Regulæ, vt patet, violatur; Et illi modi etiam secundum Martinianam seruari de-



bent in recurſu ad Syndicos; nec hos ſeruare liberum relinquit Martinus Fratribus, neque eos in his diſpenſat; ſed loquitur de alijs modis, quaſi extrinſecis, qui ſunt mutabiles ſalua ſubſtantiâ puritate Regulæ, quales ſunt illi; Quòd Fratres, non nomenclant, nec præſentent ſubſtitutum, niſi poſtquam dixerit ille, qui dat pecunias, ſe nolle per ſe, nec aliquem noſſe, cui committat; Quòd faciant proteſtationem, & quòd petant aſſenſum Dantis, & licentiam ad ſubrogandum, vel ſubſtituendum alias perſonas; ſicut præſcribit Nicol. III. & Clemens V. nam vt aduertit Cyprianus Crouſers 45. ſupra Reg. Fratrum Minorum ex Hieronymo à Politio, Pontifices illos modos poſuiſſe ad abundantiorẽ cautelam, & monitionis cauſa; vt indicat illa particula in deſcriptione horum modorum Nicol. poſita, *S. ceterum, &c. ſi fieri poterit.* Et vt magis à periculis tranſgrediendæ Regulæ, & receptione pecuniæ elongemur. Ne meritò (inquit Clem. V.) tranſgreſſores Regulæ, & præcepti dici poſſint.]

125. Comm. Ex iſtis Clem. V. hac in vltima linea à Rozycio deſcriptis, *ne meritò tranſgreſſores Regulæ, & præcepti dici poſſint*; Eſt manifeſtum omnes illos modos, cauſas, & cautelas à Nicol. & Clem. conſtitutas pertinere eſſentialiter ad integram

Regulę puritatem conseruandam: Vide fu-  
 sius in supradictis à n.93. ad 97. Quod au-  
 tem Croufers , & Politijs Capucini sen-  
 tiant cum Rozycio ; iam sepè respondi, ni-  
 hil ad Reformatos attinere , quia illi ad  
 Decretales rigidiores *Exyt*, & *Exini*, non  
 obligantur vt Reformati : Chimerica verò  
 est illa distinctio , de modis , & cautelis,  
 &c. in intrinsecos, & extrinsecos ; omnes  
 vniformiter recensentur à Nicol. & Clem.  
 & declarantur obligatorij per clausulam  
 finalem ; nè *transgressores Regula* , dici  
 possint.

[Umbra. Dices. Nicol. III. §. *ceterum* ; dicit:  
*Quod si iste modus seruatur, in nullo infringitur Re-*  
*gulę puritas, aut quomodolibet eius obseruantia ma-*  
*culatur* : Ergo per oppositum , nominando , vel  
 præsentando statim Syndicum, vel Personam,  
 aliam ad recipiendum dictam pecuniã, secun-  
 dum eundem Nicolaum , Regulę puritas in-  
 fringitur, & eius obseruantia maculatur.

*Respondetur. neg. Consequentiam* . Quia  
 enim hoc non tangit essentiam præceptorum,  
 votorum , atque obligationum , sed solum est  
 modus accidentalis, quo practicari potest præ-  
 ceptum Regulę, ly, nullo modo denarios, vel  
 pecuniã recipiant, potest mutari salua obser-

uantia, & puritate Regulæ, in oppositum variatis circumstantiis, ita vt puritas Regulæ sicut stat cum eo, ita & cum opposito; sicut male inferretur, sumendo collationeulam præscriptam in die ieiunij non frangitur ieiunium, nec eius obseruantia maculatur: Ergo per oppositum non sumendo, ieiunium frangitur, & eius obseruantia maculatur.]

126. Comm. Quàm ridicula est hæc illatio, ab omissione indulti arguere ad omissionem obligationis: Ientaculum est ex Ecclesiæ indulto; vt si velis, ipsum assumes, si non velis dimittas: hæc verò in recipienda pecunia cautelę sub præcepto dantur à Nicolao; ita ut salua puriori Regulę obseruantia (de qua loquimur) non sit liberum eas omittere.

[Vmbra. Quoad tertium. Primò oppono statuta Reformat. quæ cap. 4. n. 3. supra citauimus. Sicque arguo: Ex Declarat. Nicol. III. non solum possunt Fratres recurrere ad substitutum donatium, vt expendat in Fratrum necessitates pecuniam sibi à donatibus commissam, sed etiam vt patet ex art. 4. Si ceterum, quando dominus pecuniæ non vult, aut non potest commodè pecuniam expendere in necessitates Fratrum, no-



minare, & ex consensu, ac voluntate principalis domini subrogare personam quamcunque idoneam, quæ nomine domini principalis pecuniam expendat in veras necessitates, & cum persona sic subrogata agere possint, sicut cum prima, siue domino pecuniæ licebat, sed nominare, vel instituere; ac subrogare Syndicum, & Procuratorem ex consensu Martinianæ ad recipiendum in Papæ dominium pecuniam, siue à Fratribus per recursum procuratam, vel sibi liberaliter, aut ex laboritio tributam: nihil aliud est, quàm ex consensu, & voluntate principalis domini (qui in hoc casu, vt demonstraui superius, est Papa) cum per se non velit subrogare Personam, quæ nomine illius pecuniam expendat in veras necessitates, vt suppono: Ergo cum Regulæ, & conscientiæ puritate etiam conformiter ad declarat. Nicol. III. licet tales personas instituere, nominare, subrogare, cum ita Pontifex fieri ordinet, & velit sicut verus dominus: Quamvis iuxta declarat. Nicol. III. & Clem. V. non licuisset, supposito, quod noluerint: quamvis cum puritate Regulæ, & conscientiæ Fratrum potuissent velle.

*Ex quibus patet insufficienter esse solutas rationes P. Marchantij à P. Pelando, & frustra ab eo inculsari P. Marchantium, quod non declarauerit, an, & quando post Bullam Urbani VIII. liceat Martiniana vti; hoc enim abundè fecit, eum ostendit eam in contingentibus substan-*

tiam votorum, præceptorum, obligationum. Regulæ, esse omninò conformem, & ferè eamdem cum Declarationibus Nicol. III. & Clemen. V. in alijs vero saltem æquiuallenter.

*Et ex dictis pater ad alia, quæ à P. Pelando in contrarium exaggerantur; vt dum art. 4. demonstrare nititur omnimodam difformitatem inter prouisiones Martinianas Nicol. III. & Clem. V. ex ipsorum textu: Nam quantum ad essentialia, sicut in prouisionibus Nicol. III. & Clem. V. dicitur: Totus Ordo semper tenuit, & tenet, quòd Regula seruatur secundùm suam puritatem, quando seruatur secundùm nostram directionem: ita in prouisionibus Martini IV. & Pontifices prædicti declarauerunt, se non intendere, nisi puram obseruantiam Regulæ, conscientiarum puritatem, & quietem: sic expressè Martinus IV. in Bulla: Exultantes in Domino. Martinus V. in Bulla: Amabiles fructus, quas Bullas, vt obseruantia Regularis assertrices confirmauit insertis tenoribus eorum Eugenius IV. Bulla: Prouisionis nostre: Paulus IV. Bulla: Ex Clementi: vbi postquam institutionem, vel potestatem Syndicorum, in prouisionibus Prædecessorum suorum contentam declarasset, & innouasset, subdit: Nec propter præmissa Fratres Minores huiusmodi, contra Regulam Sancti Francisci, quam professi sunt, & profitebuntur in futurum siue contra Statuta Regularia Sui Ordinis in aliquo facere, nec fecisse: immò cum illius obseruatione quoad hoc, & pura, ac sana*

*conscientia, sine alicuius conscientie scrupulo vixisse,  
& imposterum vivere declaramus.*

*Quod autem P. Pelandus adducit textum,  
Mart.V. in quo dicitur: Autoritate Apostolica  
misericorditer dispensamus, intelligi debet, vt dixi  
demodis accidentalibus à Nicol.III. & Clèm.  
V.præscriptis, qui videbantur arctare fratres, in  
rei veritate tamen, erant mutabiles, salua sub-  
stantiali puritate Regulæ: Neque Declar.Nicol.  
III.& Clem.V. possunt præiudicare declaratio-  
nibus sequentium Pontificum, quin possint du-  
bia, difficultates, & alias de puritate Regulæ, &  
modis obseruantie, quæstiones insurgentes, siue  
renouatas resoluerè, declarare, interpretari,  
modosque obseruantie determinare; sicut &  
Antecessores potuerunt; Vnde dispensatio, de  
qua loquitur Martiniana, non est relaxatiua, sed  
decretatiua; qualè reperiri etiã in declarat.Nic.  
III. & Clem. V. dixi supra fol. 14. in Resp. ad  
obiect.tertiã post cõcl.primã.Nec est verũ, quod  
dicit Sanctorus, hanc arctationem, in qua dis-  
pensat Martiniana prouisio, non esse venialem,  
sed mortalem; quia, inquit, materia venialis,  
nec arctat, nec indiget dispensatione: nam P.  
Bonagrat.Capucin.V. dispensatio: docet mate-  
riam dispensationis, non solum esse Regulam,  
sed etiam constitutiones, & statuta ordinis, quæ,  
vt omnes tenent, non obligant etiam ad ve-  
niale num.136.*



127. Comm. Neque negauimus, neque negamus, hasce pecunias ita posse per Pontificem assumi, & eius authoritate expendi; sed negamus, hoc stare cum declarat. Nicol. III. sed de his omnibus videndum abundè in hic antea immediatè coaceruatis.

[Vmbra *Ad id*, quod addit in fine articuli, secundum Martinianam debere omnes Eleemosynas pecuniarias, & alia, quæ ad pecuniam reduci possunt, Syndico integraliter consignari, contra Nicol. III. declarationem, qui determinat, non posse fratres recurrere ad dantes, vel eorum substitutos, nisi in vera præsentī, vel imminenti necessitate: Vnde dicit P. Sanctorum de Melphi in Commentarijs statut. cap. 4. inferre, quod Syndicis secundum Martinianam etiam superflua recipere possit, & ad Thesaurizationem, contra Regulam, & Declarationes Nicolai III. & Clem. V.

*Respondetur negando* Assumptum, & illationem Sanctorij; quia, vt notat Marchant. fol. 90. *sua prælest. Theol.* Semper in omnibus suis provisionibus, quando Pontifices loquuntur de fratribus, restringunt, vt omnia, quæ circa illos sunt per modos suæ Regulæ licitos, & congruos, vel prout illis licet ex Reg. & Declarat. Reg. fiant; Quod præsertim verum est de Constitu-

Institutione Martiniana in materia proposita, in qua postquam determinatū est omnes Eleemosynas pecuniarias; & alia, quæ ad pecuniam reduci possunt; debere integraliter consignari Syndico, subditur: qui eadem dispensare debeat legaliter; & fideliter in reparationem Conuentuum; & locorum, aliasque necessitates fratrum pro tempore occurrentes; Supponendo quod ad præfatos Syndicos; Fratres non nisi in veris dictis necessitatibus recurrere possint, eaque solum in necessitates præfatas nomine Sedis Apostolicæ, seu Pontificis tanquam Domini principalis expendi facere; ac deponi permittere.]

128. Comm. Voluntaria est, & contra literam ipsius Martinianæ dispensationis illa suppositio, quod intelligi debeat illa concessio pro solis necessitatibus fratrum, iuxta Decretalem Nicolai; cum etiam ampliorem illam intelligant omnes Expositores, unde per annos plurimos ab Ultramontanis non fuit acceptata; disputatumque grauitèr fuit inter Doctores; num illa uti liceret obseruantibus; id etiam est citra controuersiam; quod etsi fratres non nisi pro necessitatibus veris præsentibus &c. possent ad Syndicum recurrere; liceat tamen per illam Syndico Eleemosynas

omnes &c. indifferenter, pro necessitatibus eorum accipere, atque conseruare; quod à Nicolao nullo modo conceditur.

[ Vmbra *Articulo* deinde 5. ad illud, quod P. Marchant dicit: Syndicos secundum Martinianam non aliam habere authoritatem respectu Papæ, quàm substituti nominati ab amicis spiritualibus.

*Respondet* P. Pelandus concedendo de Syndico Nicol. III. nam dicit: sicut substituti amicorum spiritualium habent ab ipsis authoritatem expendendi pecuniam eorum in fratrum necessitates; ita Syndici Papæ habent ab eo authoritatem expendendi in fratrum necessitates pecuniam acceptam ex venditione mobilium, quæ in usu fratrum sunt; Sed negat id verum esse de Syndico Mart. V. quia licet Substituti donantium authoritatem ab eis habeant expendendi eorum pecuniam in fratrum necessitates; attamen non habent ab eis recipiendi, & expendendi omnes pecunias à fratribus per recursum procuratas, vel eis liberaliter, aut ex laboritio oblatas. At Syndicus Martini V. non solum habet à Papa authoritatem expendendi pecuniam acceptam ex venditione mobilium, quæ erant in usu fratrum, sed etiam authoritatem habet à Papa recipiendi in dominium eius omnes Eleemosynas pecuniarias; & omnia alia ad pecuniã reducibilia, & per consequens falsum est (loquendo de Syndico Mart. V.) quod Syndici respectu Papæ non aliam habeant authoritatem, quàm substituti.



*enti nominati ab amicis spiritualibus . Sed*

Contra . Ideo substituti amicorum spiritualium habent potestatem ab eis expendendi pecuniam ipsorummet in Fratrum necessitates ; quia illius pecuniæ sunt Domini ; & non habent auctoritatem ab ipsis recipiendi , & expendendi omnes pecunias à Fratribus per recursum procuratas , vel eis liberaliter , aut ex laboritio oblata ; quia non sunt Domini illarum ; sed secundum Martinianam Pontifex verè est Dominus pecuniæ à Fratribus per recursum procuratæ , vel eis liberaliter , aut ex laboritio oblata : ( Supposito , quòd dantes à se illam abdicauerint , ut supra dictum est . ) Ergo potest tanquam principalis Dominus Syndico tanquam suo substituto dare auctoritatem , pecuniam huiusmodi expendendi in veras necessitates Fratrum præsentes , vel imminentes ; non aliter omnino quàm Nicolaus III. dedit suo Syndico auctoritatem expendendi pecuniam in necessitates Fratrum , acceptam ex venditione rerum mobilium , quæ erant in usu Fratrum ; quia earum est verè Dominus : ergo verum est ( loquendo de Syndico Martini V. ) quòd Syndici respectu Papæ non aliam habent auctoritatem , quàm substituti nominati ab amicis spiritualibus : Vnde differentia , quam assignat P. Pelaius inter Syndicos Martini V. & substitutos amicorum spiritualium , est omnino solum materialis in ratione , scilicet obiecti , vel subiecti ; qualis v.g. esset in-

ter duos substitutos duorum amicorum spiritualium, quorum vnus auctoritate dantis colligeret pecuniam ex prouentibus ei debitam, & eam in Fratrum necessitates expenderet; alter expenderet pecuniam in Fratrum necessitates, auctoritate dantis, per mercaturam, vel successionem acquisitam: Vel qualis est de facto inter Syndicum Nicolai III. & substitutum alicuius amici spiritualis, dum Syndicus Nicolai expendit pecuniam in necessitates Fratrum ex venditione rerum mobilium acquisitam; substitutus verò amici spiritualis pecuniam sibi immediate datam ab ipso: inter hos differentia est solum materialis; nam formaliter conveniunt, quatenus vterque gerit vices veri Domini, in Fratrum necessitates expendendo eleemosynam; quicumque sit ille Dominus; vel quomodo-  
 docunque acquisierit dominium pecuniæ expensæ, quòd vt notavi supra cum Corduba ex D. Bonzu. & Hugone est omnino impertinens ad obseruantiam Regularem, modò ipsi Fratres nò sint Domini, & Administratores pecuniæ; sed id spectat tantum ad satisfaciendum Politicæ, & iuri gentium, & ad administrationem bonorum, quæ ad proprietatem, & dominium Ecclesiæ pertinent: ita in Propòsito formaliter accipiendo substitutum Dantis, & Syndicum Martini, nil omnino differunt, nam substitutus nihil aliud est ex Decl. Clem. V. quàm persona pro amore Dei eleemosynam pecuniariam modo

Fratribus licito expendens in eorum necessitates nomine Dantis Principalis, siue eleemosynaria pecunia detur in specie, siue ex venditione, vel alienatione alicuius procedat. Eadem prorsus ratione (cum sicut dictum est supra res Fratrum vsibus concessæ, siue mobiles, siue immobiles, piæ etiam legationes, & legata pecuniaria, in quibus dantes nolunt sibi reservare dominium, in administrationem Papæ, & dominium Ecclesiæ deuantur) Papa succedens in locum Domini Principalis, habetur pro Principali Dante: & consequenter amici, siue Patris spiritualis vicem tam quoad nomen, quam quoad rem induit; & ubi Procuratores, seu Syndicos instituit, idem facit, quod Amicus spiritualis dans eleemosynam, quando illam, per se expendere in vsus Fratrum non vult, facere solet; amicus namque in tali casu alios substitutos nominat, aut per Fratres nominari postulat: Ita Papa ordinans Syndicos debere nominari per Generalem in tota Prouincia, qui pecuniam recipiant, & expendant, vult substitutos suos per Fratres nominari; Vnde sicut substituti donantium reputantur ex Declarat. Clem. V. amici spirituales, propter ministerium, quod nomine Donantium exhibent, ita Syndici Domini Papæ possunt, & debent dici Amici spirituales, quia vt substituti Papæ, vel donantium ministerium suum exhibent; ideoque participatiue ratione ministerij nomen amici



spiritualis sibi merentur, & vulgariter hac ratione Patres spirituales nuncupantur. ]

129. Comm. Quæstio merè de nomine videtur ista : Quamnam authoritatem, vel quomodo se habeat Syndicus, quicumque ille sit, in expendendo pecunias ad Ecclesiam pertinentes pro Fratrum necessitatibus ; quia se habet vt Minister, & deputatus à Domino pecuniæ, sicut alter substitutus à dante: sed grauissima est differentia, qualem facultatem habeant in recipiendis eleemosynis pecuniarijs ; & quibus cum modis, & cautelis ad eum Fratres recurrere valeant ? De quo abundè in antedictis : vnde duo hæc hic malè indistincta disputantur.

[ Vmbra ] Vtterius dum P. Pelandus ad alia quædam P. Marchantij dicta respondendo dicit: *Prouisionem Martini V. deseruire maiori Fratrum quieti tantum exteriori, non interiori conscientie ; quia per eam sunt misericorditer dispensati ; item quòd facilius sit vnâ personam ( idest Syndicum Martinianum ) informare, sed non purius. Item quòd Beatus Ioannes Capistranus illam prouisionem Martini V. impetrauit pro Conuentualibus, non pro Obseruantibus. Hæc omnia inquam facile ex di-*

etis reijciuntur, quia sine ratione dicuntur. Sed.

*Quantum ad primum, falsum est provisionem Martini V. quoad Syndicum deferuire solum, exteriori quieti Fratrum, non interiori conscientia: quia hæc dispensatio, de qua loquitur, non est relaxatiua, vt dixi, sed solum declaratiua, consequenter deferuiens interiori conscientia quieti; hinc Petrus Nauar. apud Cordub. qu. 16. fol. 451. dicit ad securam Regula obseruantiam institutio Syndicorum, non dispensatio, sed melior dispositio vocari deberet.*

Ad secundum; quod non solum est facilius vnā personam, scilicet Syndicum Martinianum informare, sed etiam purius, patet ex Corduba ad cap. 4. Regula quest. 8. explicante quintam conditionem, quæ necessaria est in procurando, & deponendo pecuniam apud aliquem, secundum Regulam, & declarat. Nicolai III. & Clementis V. vbi ait: *ideo pro remedio obliuionis cautè faciunt, qui Syndicos, seu alios Depositarios pecuniarum habent iam generaliter instructos, vt sciant, quod nulla pecunia deposita apud eos, per clauēs quoscunque deponitur, aut tenetur, vel expenditur nomine, & autoritate Fratrum; neque in ea habent dominium, sed ipsi, donantes, si sunt viui, sunt domini liberi; si autem sunt mortui, vel si pecunia est in testamento legata, iam talis pecunia, vel eius dispositio pertinet ad Papam, vel Ecclesiam, & eius nomine tenetur ad necessitates Fratrum: Ergo non solum est facilius informare vnā personam*

(idest Syndicum Martinianum) sed etiam puius secundum Cordubam.

Petrus quoque Nauarrus apud Cordubam, cap. 4. quæst. 16. ponit conclusionem huiusmodi ad marginem: Fratres Ultramontani licite possunt uti Syndico ad pecunias deponendas sine aliqua Regula dispensatione, quod non solum est utile, sed omnino necessarium, postquam in Capitulo Generali Roma celebrato 1600. auctoritate Apostolica constitutum est, ut dominium pecunie, siue liberaliter, siue cum onere Fratribus oblata, penes Romanum Pontificem remaneat, iuxta declarationem Martini B. & Ph IV. videatur Pater Emanuel Rodriguez tom. 3. quæst. Regularium qu. 37. art. 4.

Ad tertium dicam, esse meram, & inutilem evasionem; Nam Corduba ad cap. 4. Reg. quæst. 61. fol. 436. notat istas Constitutiones Martinum V. fecisse pro toto Ordine vniendo, & reformando; consequenter impetrari, & acceptari a Beato Capistrano tam pro Obseruantibus, quam pro Conuentualibus; alias si pro ipsis distinctæ Constitutiones fuissent ordinatæ, non voluisset ipsos reformare, & Obseruantibus vnire. 1

130. Comm. Clarissimè docuit Corduba, contra sophismata Rozycij, quod per dispensationem Martinianam facilius, licet non pure, nos habemus in recursu ad pecuniam; hoc videre poterat Rozycius



in Corduba fol. 192. in initio quæst. 8. ;  
 in quo stat punctum controuersie ; quod  
 autem ab ipso Rozycio citatur ex quæst. 16.  
 de Syndici institutione in communi, sophi-  
 sticè citatur, cum impertinens sit ad inten-  
 tum ; non enim quæritur hîc, an licita in  
 rigore, vel ex dispensatione sit institutio  
 Syndici, sed de varia Syndici auctoritate  
 disputatur. Similiter, & impertinens est  
 ad intentum huius controuersie punctum  
 secundum eo modo, quo hîc refertur ; quia  
 hîc agimus : an Syndicus Martinianus ali-  
 qualiter ampliet Nicolaini Syndici facul-  
 tates ; & ideo non possit à Reformatis ad-  
 mitti, quod ex communissimo omnium  
 Antiquorum, atque Reformatorum assen-  
 su, & ex ipso Corduba probauimus ; atque  
 respondendo, vel arguendo logicaliter,  
 reiectis sophismatibus, nusquam euacuabit  
 Rozycius.

[Vmbra] Denique exclamatio, qua vtitur  
 contra dictum P. Marchant. ad calcem suæ con-  
 cordiæ positum, quod scilicet nulla sit in pro-  
 uisione Martini IV. & V. particula, quæ si bene  
 consideretur, vel modicum puritati Regulæ ad-  
 uersetur ; est solum vox, & præterea nihil.

*Tandem* pro intelligendis protestationibus ab Ordine factis contra omnes declarationes Regulæ aduersas declarationibus Nicolai III. & Clementis V., & ad intelligendum, vtrum prouisio Martiniana aduersetur Regulæ, dictorumque Pontificum declarationibus.

*Adueniendum* est, triplicia reperiri in declarationibus Summorum Pontificum, quæ diuersimodè ad Regulæ puritatem spectant: Alia enim ad essentiam Votorum, Præceptorum, & Obligationum pertinent; vt sunt, quæ de vera paupertate, pecuniarum omnimoda abdicatione, &c. traduntur, & illa semper, & vbiq; immobilia sunt, & vniuersimodè declarantur. Alia sunt, quæ modos accommodos assignant, quibus præcepta observari possunt, vt sunt modi assignati pro recursu ad amicos spirituales, & illi mutabiles sunt, & salua substantiali puritate: in æquipollentes, & aliquando etiam iuxta circumstantias meliores, vel congruos modos mutari possunt. Alia denique, quæ extranea sunt, & ad satisfaciendum magis Politia, & largi gentium spectant; vt quæ de dominio rerum vbius Fratrum cedentium, de dominio pecuniarum, antequam in rem Fratribus licitam conferantur, disputantur. In his porro duobus ultimis declarandis, disponendis, exprimendis variè se Pontifices habuerunt, absque vlla Regulæ, vel puritatis eius relaxatione, supplendo, mutando, interpretando, indulgendo, prout rerum, temporum,

porum; locorum circumstantiæ postulauerunt; In primo autem, & circa essentialia Regulæ se vniformiter habuerunt; Et si qui inuenti sunt aliquando aliquid puritati Regulæ, & obseruationibus litteralibus, & spiritualibus Votorum, & præceptorum contrarium ob infirmitatem Religiosorum benignè indulsisse, his dispensationibus, & privilegijs Ordo semper renuntiavit; Atque sic etiam præfatam Martinianam, prouisionem conformando se Authoribus illam relaxatiuè interpretantibus, non recipit. Quod si tamen explicetur, vt explicatur à P. Marchant nulla ratione videtur habere locum inter declarationes relaxatiuas, nec consequenter ab Ordine ei renuntiatum esse, vel eam per Breue Urbani VIII. esse reuocatam. 1

131. Comm. In contentionibus nullo modo partem habere volo: pro veritate, doctrinæ, pro Reformationis illæsa incolumitate tuenda, omni semota passione, Vmbra Rozycij dilucidandam iussus assumpsi; quomodo possint vel ipse, vel Marchantius Martinianas Constitutiones explicare, vt Reformatis accommodentur; quid in rei veritate contineant, ex communi omnium Expositorum, luculentius ex Corduba de Regulari Obseruantia;



necnon ex collatione Decretalium Nicolai, & Martini ad innicem, abundè, clarè, solidèque Deo propitiante, credere possum, esse demonstratum.

132. Cæterum illa Rozycio non possunt non facere grauen; quod cum esset tunc Minister Prouincialis, Vmbra suam fecit ab amicis Lectoribus approbari, quod certè non euenisset, si opus integrum à Superioribus Reformatis examinandum, transmississet in Urbem: item quod absque sui Ordinarij facultate liber ipse veluti fortuè, Pragam fuerit impressionis ergo transmissus, & impressus.

133. Indoluit Prouincia Minoris Poloniae inter omnes de Strictiori Observantia zelantissima; indoluit, vt cognouit, quod tenderent hæc noua contra Reformatam professionem à Rozycio suo Ministro inuenta doctrina, vt vidit sub huius Vmbrae obscuritate Syndicum, & statuta Martiniana, in Conuentus introduci; Agmine facto zelantissimi quique dolentes, Reformatam Prouinciā tam subito in multis deformari; Syndicum Nicolai cum Martiniano, statuta Reformatā cum Martinianis,

nis, per notissimas æquiuocationes, per truncatas, falsasque allegationes in vnum confundi; modos recursus ad pecuniam, a Nicolao III. præfinitos eludi, dum eos in substantiales, & accidentales, in intrinsecos, & extrinsecos, ad aperiendam eleemosynis superfluis, copiosisque cuiuscunque generis ostium latissimum, diuidendo reiecit, recipitque pro libito; non obstante anathemate, quod Nicolaus ipse Pontifex in eos fulminauit, qui expositiones in illam suam decretalem introducerent; Rozycium etsi Prouincialem arguerunt, inde conuincentes de præiudicio Reformationi iniuncto per statuta Martiniana veluti furtiuè subintroducã; dum non ignoranter ipsa statuti verba mutilauit; vbi cap. 4. ampliata pro recipiendis omnibus, & quibuscunque pecuniarijs eleemosynis autoritate Syndici dispensatur expressè in maioribus, qui à Nicolai III. & Clementis V. decretalibus possint adduci rigoribus; nec tamen adstringantur ad nouitates istas dispensationis, qui præfatis decretalibus velint in hæretere; vt Reformati specialiter obligantur. Videns itaque Rozycius, quod

in Polonia omnibus, (præter paucissimos  
 amicos) & ipso in primis Episcopo aduer-  
 santibus, librum edere non posset, Pragæ  
 imprimendum curavit; vbi consensum  
 Archiepiscopi per Cancellarij dictum ha-  
 buisse notatur; quod tamen à Patribus  
 Polonis aperte negatur; vnde tandem in  
 pleno Capitulo Prouinciali anno 1686.  
 die 7. Iulij Vmbra hanc detestati, arque  
 statuta Martiniana Reformatis non per-  
 missa reiicientes protestati sunt à Nicol.  
 III. & Clem. V. decretalibus se nolle re-  
 cedere; missoque ad Romanam Curiam,  
 libello, supplicarunt, vt pro suæ Prouin-  
 ciæ salute, vtque sub Authoris Reformati  
 nomine cæteri non deciperentur, Vmbra  
 ista veriori lumine illustraretur. Cum me-  
 rito salutaris Obedientiæ citato calamo  
 Commentarios istos apposui: vtinam ad  
 Dei, & Sancti Francisci gloriam, & Stri-  
 ctioris Obseruantie conseruationem vlti-  
 matò proficiant; Hæc, & cætera scripta  
 mea S. Rom. Ecclesiæ correctioni, vltro  
 lubensque subijcio.


FINIS.

424548



<i>Errata</i>	<i>Pagina</i>	<i>Linea</i>	<i>Corrige</i>
viguerit	12	22	viguerit
declarationis	19	4	declarationi
quo	20	10	quæ
pro	21	3	præ
quin		13	quia
nomine	25	2	nemine
vt dictum est		25	vt sicut dictum est
Blada iocalia	27	23	Blada, Iocalia
Tan. bucana	28	14	Sambucana
Atque	34	16	At quæ
odiosè	41	6	odiosæ
restitutor	44	22	testatur
vel	47	3	vel
explicatur	48	23	explicatur:
Monoxia	56	25	Modoxia
Pecunia, )	63	23	Pecuniam
Pecunia	64	8	Pecuniam
mandicando	78	26	mendicando
abnadicare	87	9	abdicare
addicat	89	3	abdicat
indiffer	99	ult.	indifferenter
ostendies	101	23	ostendi res
suppono	105	20	vt suppono
pertiō	110	1	pretio
& quo	116	24	ex quo
illicita	122	ult.	illicita
blandum	126	6	bladum
vnus	127	ult.	omnis
fit	135	8	fit
vnicas	141	12	vnicias
æstimatio	145	23	æstimato
in intelligibilibis	157	4	inintelligibilis
successionem	182	9	secessionem
dominium	210	2	dominum
authoritates	217	11	authoritas
pecuniariis	232	9	pecuniarias
comprehendantur		20	comprehenduntur







424,549



